


R


76300



45
JESUS

OBIMADISIWIN

OMA AKING.



Jesus , Kije-Manito Wegossimig ! Ki
gidapine tchibaiatigong , epitch sa-
giiian. Enigokodeeiàn ki mamoia-
wamin. Jawenimichin, gijigong tchi
wabaminàn.

JESUS

OBIMADISIWIN

OMA AKING,

GWAIAKOSSING ANAMIEWIN EJITWADJIG,

MI SA

CATHOLIQUE-ENAMIADJIG

GEWABANDANGIG.

Paris,

(FRANCE, EUROPE.)

E.-J. BAILLY OGIMASINAKISAN MANDAN MASINAIGAN.

1837.

HESES
OBELISCI
OMVYK
GMATIKOSSING ANWIMIWIN EHTWADUG
AS. 18.
CATHOLOIC-EVANGELIC
GERMANENDVNGE.

76300



8 29. IX. 1947 18293

МАДИАРИАН МАДИАРИАН КАРДИНАЛСКИЙ УЧИЛИЩЕ. Л. Д. П. П.

5681

APPROBATION.

Nous approuvons l'édition du livre :
Jesus obimadisiwin oma aking. Nous sommes très-contents de ce que Nos Indiens ayent la vie de Jésus-Christ écrite en leur propre langue.

Detroit, Michigan , le 20 oct. 1836.

† FRÉDÉRIC RÉSÉ,
Évêque du Detroit.

APPROBATION.

We approve the edition of the book :
Jesus obimadisiwin oma aking. We are very happy that Our Indians have the life of Jesus Christ written in their own language.

Detroit , Michigan , oct. the 20. 1836.

† FREDERICK RÉSÉ,
Bishop of Detroit.

APPROBATION.

Noas addicionea Tédition du 1^{er} Mai :
Tous ouvrages édités ou non
sont de la responsabilité des Im-
primers et des auteurs de ces livres.
Leur vente est réservée à la
Société des Amis de l'ordre de
Jésus-Crist et à la
Société des amis de l'ordre de
Jésus-Crist.

Détroit, Michigan, le 20 oct. 1856.

+ LIBRAIRIE RÉGÉ,
LIBRAIRIE DU DÉTROIT.

COLLECTION.

W. O. Thompson's collection of fine books;
Tours, 1856, 1857, 1858, 1859, 1860, 1861, 1862, 1863, 1864, 1865, 1866, 1867, 1868, 1869,
of Jésus-Crist et à la
Société des Amis de l'ordre de Jésus-Crist.

Détroit, Michigan, Oct. 1856, 1857,

+ LIBRAIRIE RÉGÉ,
LIBRAIRIE DU DÉTROIT.

NIN NIDJANISSIDOG!

Jesus, Kije-Manito Ogwissan, gibija oma aking, wi binodjimoad kitchitchagonanin, wi bikikinoamonang gaie getani dodamang, gwaiak tchiiji bimadisiiang aking, giniboiang dach gjigong tchi ijaiang, kaginig tchi minawanigwendamang. Nissimidana achi nisso bibon gibimadisi aking Kije-Manito Ogwissan; kakina dach minik gabimi dodang, gabimi gagikwed gaie, kinawind giondji dodam, wi kikinoamonang gedodamang gaie kinawind, tchi jawendagosiiang.

Mi dach oma masinaiganing kakina ojibiigadeg gaijiwebisid Kije-Manito Ogwissan Jesus, gaapitch bimadisid aking.

Angwamisiilog, ninnidjanissidog! na-ningim go wabandamog mandan masi-naigan; nanagatawendamog gaiji do-dang Jesus, gaiji gagikwed gaie; we-

NIN NDIANISSIDOG!
weni kikinawadenimig. Takitchi ja-
wendagosiwag kakina daiebwetangig
gaiji kikinoamaged Jesus, weweni gaie
endodangig gaiji angwamitagosid.

NIN FRÉDÉRIC BARAGA,


Mekate-okwanaie.

-i-
-i-
-i-
-k
id
a-
ka
o-
ad
n-
g-
ne-

kate-okwanaiewidjig Jesus bwa binigid.

Mi sa iw aki
gadajji bima.
disigobanen
JESUS

SWITAGANI · KITCHIGAMI



JESUS

OBIMADISIWIN

OMA AKING.

Bejig pagitchigewinini Judeing gidanisigoban, Zacharie ijinikasogoban, wiwan dach Elisabeth ijinikasogoban. Naienj gikitchi mino-ijiwebisiwag, Kije-Maniton ogisagiawan, mojag Kije-Manito omikanang gibimossewg, kakina go gwaiak gidodamowag, gaiji angwamitago^{ic} Debeniminang gaiat ogagikwewining. Kadach ogionidjanississiwig; ka sa wika Elisabeth ogionidjanississi.

Megwa dach ningoting Zacharie anokitawad Kije-Maniton, gaiji dodamowad iko pagitchigewininiwag iwapi, anipindiged anamiewigamigong wi minomag-

(1) *Pagitchigewininiwag*, mi sa gaiat game-kate-okwanaiewidjig Jesus bwa binigid.

wakisiged, (kitchi nibiwa anichinabeg dach agwatching anamiawag,) Kije-Manito odanjeniman obiwabandaan wi-iaw Zacharian, okitchinikamang naka-keia ondji gabawi, gadaji minomagwakisigewind. Api dach waiabamad, kitchi segisi. Anjenin dach odigon : Kego segisiken, Zacharie! Kije-Manito ogiminotan kit anamiewin ; ki widigemagan Elisabeth ogwissan organigian, Jean dach ~~ki~~ gaijinikana. Ki gaminwendam, ki gabapinenim, kitchi nibiwa gaie tabapinenimowag api binigid aw abinodji. Takitchi apitendagosi Kije-Manito odinendamowining ; ka wika jominabo ogaminikwessin, ka gaie gego gegiwachkwebichkagod. Wenijichinidjin-Maniton ogapindigechkagon, megwa ogin tchi gigichkagod ; kitchi nibiwa gaie Israël onidjanisan ogagachkian, Kije-Manito Debeniminang tchi anokitawawad.

Zacharie dach odinan anjeniwan : Anin dach getiji kikendamàn iw tchi ijiwe-

bak? Nind akiwesiiw; nin widigemagan gaiegika. Anjeni dach onakwetagon: Gabriel nin, Kije-Manito endad nin mojag aia; nin ḡimadjinajaigas dach tchi biwindamonañ iw minwadjimowin. Kawin dach ki ganitagigitossi tchi bwa odjitchisseg iw gijigad, tchi ijiwebak gaikitoian; kawin sa ki gidebwetasin nin gigitowin, aiano debwewinagak.

Anichinabeg dach agwatching obiawan Zacharian; mamakadendamog, kitchi ginwenj inendid anamiewigamigong. Basagaang dach kawin ogachkitossin wi ganonigowad; okikenimawan dach gego giwabandang anamiewigamigong. Win dach odaininamagowan, ka dach win ogachkitossin wi gigitod. Pabige dach iw gijigad, gaichkwa anokitawad Kije-Maniton anamiewigamigong, anigiwe. Mi dach geget Elisabeth abinodjiian ginigigichkawad.

Iwapi Kije-Manito ogiininajawan odanjeniman, Gabriel ejinikasod, tchi wi

ijadodenang, Nazareth ejinikadeg, Galileing; wi binasikawad gagangowinidjin, gikimagoban ininiwan tchi widigemad, Joseph ijinikasogoban, David odaianike ojicheigoban; Marie dach ijinikasogoban aw gigang. Anjeni dach pandigedjin endagoban, odinan : Kit anamikon, *Marie*, mwachkinechkagoian anamie-onijichiwin ; ki babaganawenimig misi gego gagijitod; awachime eji sagiindwa kidj'ikwewag, awachime ki sagiigo. Nwandang dach iw, kitchi segisigoban, nanagatawenindisogoban dach, wegotogwen edamogwen gaiji anamikagod. Anjeni dach odinan : Kego segisiken, *Marie*; Kije-Manito ki gjawemig. Abinodji ki gagigichkawa, ki gaogwiss, Jesus dach ki gaijinikana. Takitchi apitedagos; maiamawi-ichpendagosid Kije-Manito Ogwissan ogatijiwinawan; Debeniminang Kije-Manito ogaminan ossan David okitchi-ogima-namadabiwin, kaginig dach taogimawi Jacob owigiwa-

ming, kawin wika taichkwa ogimawissi. Marie dach odinan anjeniwan : Anin dach iw gegijiwebak? Kawin awia inini nin kikenimassi. Anjenin dach onakwetagon : Wenijichid-Manito ki gabiodis-sig, maiamawi-ichpendagosid Kije-Manito omachkawisiwin kigabiagawatechkag, mi sa aw ketchitwawendagosid, kin gebiondji nigid, Kije-Manito Ogwissan geondji ijiwinind. Gaiedach win kitangoche Elisabeth ogigichkawan abinod-jian, ano gikad; jaigwa ningotwasso gi-siss eko gigichkang aw ikwe, pijichigosi ejiiwinind. Kawin sa gego Kije-Manito obwanawitossin. Marie dach ikito : Nin dibenimig misi gego gagijitod, ekitoian mi gediiàn. Mi dach anjeni gaiji bakewi-nad.

Marie dach pasigwigoban iwapi, babikwadinanig dach kekejdine ijagoban odenang Juda; Zacharie dach endagobanen gipindige, awianamikawad Elisabethan. Api dach Elisabeth nwandawad

Mariian anamikagod , abinodjiian gima-madjissewan wiiawining ; Elisabeth dach omochkinechkagon Wenijichinidjin-Maniton , enigok ikito : Awachime eji sagiindwa kidj'ikwewag , awachime ki sagiigo , misi gaie kitchitwawendagos i kig-wiss . Anin dach iw ejiwebak , Debenimang ogin biodichid ? Pabige gaiji nondamàn kit anamikagewin , abinodji gimamadjisse niiawing , epitch bapinemod . Ki jawendagos gaijidebwetaman ; kakina taijiwebad , Kije-Manito gainig .

Marie dach ikito : Nin tchitchag okitchitwawinan Debeniminang ; gaie nin tchitchag minawanigwendam Kije-Manitowing ganodjimoid . Nin gjawendami-ganawabamig Kije-Manito , nin enokitawag , aiano apitendagosissiwàn ; mi dach ningotawassidog , getako ijiwad genianichinabewidjig . Win ma misi gego netawitod gaie ketchitwawinikasod nin gitichi mino dodag . Ondjita gaie nitajaweninge , ojaweniman gwessigodjin , onid-

janissiwan, gaie odaianike ojicheiwau , tchi ni ainike oojicheiwad. Gimamanda iji gachkitomagadini onik: ogisaswewebyn nan seségawendaminidjin. Ketchitwawenindisonidjin oginagikawendagosian; negikawenindisonidjin dach ogikitchitwawendagosian. Bekadenidjin ogiwanadjisinian ; waianadjiidisonidjin dach ogikitimagian. Wenidjanissingin ogidodawan Israelan meno-anokitagodjin , gimikawid ojawendjigewin ; gaiji wawindamawagabanen kimichomissiminabanin, Ahraham kakina gaie onidjanissan ojicheian gaie.

Marie dach ogiwidigeman Elisabethan kega nisso gisiss , panima dach gigiwe . Jaigwa dach odjitchisseni Elisabeth tchi onidjanissid; ogwissi dach. Owidjida-kiwemaganan dach , odinowemaganan gaie , nondamog , Kije-Maniton gaiji kitchi jawenimigod , bapinenimowag dach. Nechwasso gwanagak dach bijawag , abinodjiian wi bipakwejwawad. Zacharie dach odijinikana wan , ossan

ejinikasonid. Ogin dach ikito : Kawin ;
Jean taijinikaso. Odinawan dach : Kawin
awia kit inowemaganag iw ijinikasossi-
wag. Odaininamowawan dach ossan ,
win gegijinikanad. Onandotan dach
getijibiang , odojibian dach , bekich
gaie ikito : Jean ijinikaso. Kakina dach
kitchi mamakadendamog. Pabige dach
odon pakichkani , odenaniw gaie biskos-
seni , gwaik dach gigito , Kije-Maniton
okitchitwawinan. Kakina dach anichina-
beg ima endadjig kitchi segisiwag , ikito-
wag gaie : Anin getijiwebisid aw abi-
nodji ? Kije-Manito onindj owidjiwigon.

Mi sa gaijiwebak , api Jesus gabini-
gid. Ogin Marie minwendamogoban
Josephan tchi widigendinid ; bwa machi
dach kikenimagohanen , gimika abinod-
jiian gigichkawad ; Wenijichid dach Ma-
nito ogigijian iniw abinodjiian Marie
wiiawining. Joseph dach , Marie owidi-

gemaganan, mino-ijiwebisigoban; kawin minwendasigoban, wimanadjimod, nindawatch dach gimodj tchi bakewinad, inendamogoban. Megwa dach nagatawendang ejiwebadinig, Kije-Manito odanjeniman obiodissigon megwa nibanid, odinan dach: Joseph, David wegossimig, kego jagwenimaken tchi oda-pinad Marie, ki widigemagan; Weniji-chid sa Manito ogijijian wiiawining abinodjiian gegichkawad. Ogwissan oganigan; Jesus dach ki gaijinikana, win sa oganodjimoan odanichiabeman, kakina obatadowiniwan ogagassiamawan.

Kakina dach onow mi gaondji ijiwebak, tchi debwewiniwang gaikitod Debeniminang, ganiganikikendamogobanen gianonad, ekitong: Gigang ogagigichkawan abinodjiian, taogwissi gaie; Emmanuel dach ogaijinikanawa, mi tchi ikitong: Kije-Manito widjiwinang. Joseph gwechkosid onichka, dodam dach gaigod Debeniminang odanjeniman: wiwan sa

ododapinan. Ka dach win ogikikenimas-sin wiwan , bwa binigiad nitam ogwissan (1); Jesus dach ogiijiwinan.

Mi sa Jesus-Christ ogete-omichomis-san odijinikasowiniwan.

Abraham ogiogwissinan Isaacan ; Isaac ogiogwissinan Jacoban ; Jacob ogiogwissinan Judasan , wikanissan gaie ; Judas , Thamar gaie ogiogwissinawan Pharesan Zaran gaie ; Phares ogiogwissinan Esrom ; Esrom ogiogwissinan Araman ; Aram ogiogwissinan Aminadaban ; Am-dabab ogiogwissinan Naassonan ; Naass-on ogiogwissinan Salmonan ; Salmon , Rahab gaie ogiogwissinawan Boozan ; Booz , Ruth gaie ogiogwissinawan Obed-an ; Obed ogiogwissinan Jesseian ; Jesse ogiogwissinan Davidan ogiman ; David

(1) Kawin gaie panima wika Joseph ogikikenimassim wiwan ; kaginig sa gigangowi kitchit-wa Marie , Jesus ogin , apitchi binisi ; mi sa wendji ijinikasod : *Kitchitwa Marie , kaginig gagangowid.*

ogima , Urias gaie wiwanigohan ogiogwissinan Salomonan ; Salomon ogiogwissinan Roboaman ; Roboam ogiogwissinan Abian ; Abia ogiogwissinan Asaian ; Asa ogiogwissinan Josaphatan ; Josaphat ogiogwissinan Joram ; Joram ogiogwissinan Hosiasan ; Hosias ogiogwissinan Joathaman ; Joatham ogiogwissinan Achazan ; Achaz ogiogwissinan Ezekiasan ; Ezekias ogiogwissinan Manassesan ; Manasses ogiogwissinan Amonan ; Amon ogiogwissinan Josiasan ; Josias ogiogwissinan Jechoniasan , wikanissan gaie , api gamadjinindwa Babylonning . Gaichkwa madjinindwa Babylonning , Jechonias ogiogwissinan Salathielan ; Salathiel ogiogwissinan Zorobabelan ; Zerobabel ogiogwissinan Abiudan ; Abiud ogiogwissinan Eliaciman ; Eliacim ogiogwissinan Azoran ; Azor ogiogwissinan Sadocan ; Sadoc ogiogwissinan Achiman ; Achim ogiogwissinan Eliudan ; Eliud ogiogwissinan Eleazaran ; Ele-

azar ogiogwissinan Mathanan; Mathan
ogiogwissinan Jacoban; Jacob ogiogwissinan Joshephan, Marie owidigemagan;
win dach Marie oginigian Jesusan,
Christ ijinikasod.

Iwapi Cœsar Auguste kitchi ogima
giinakonigegoban, kakina anichinabeg
enigokwag aki tchi agindjigasowad. Iw
nitam agindjigadewin Cyrinus ogiojiton,
megwa ogiinawigobanen Syriing. Kakina
dach anichinabeg giijawag ododenawiwang,
tchi migiwewad odijinikasowiniwan;
gaiedach Joseph odenang Nazareth
Galileing ondji madja, Judeing
tchi wijjad, David ododenawing, Bethlehem
ejinikadeg; (gaie win bejig David
odaianike ojicheigoban), tchi migiwed
odijinikasowin, wiwan gaie Marie, abi-
nodjiian gegichkawagobanen. Megwa
dach ima aiawad, odjitchisse gijigad tchi
nigiawassod. Onigian dach nitam og-
wissan, papagiwaianing okachkiwegi-
nan, pijikiwag endaji wissiniwad opa-

gidinan ; kawin sa ningotchi tawichkadeassinogoban achangewigamigong. Manichtanichan dach genawenimadjig aiagwaban ima aking , kawin nibassigwaban ganawabamawad odaiaamiwan nibatibik. Debeniminang odanjeniman dach obiodissigon , Kije-Manito owassenamowin ogiwitachkagonawa ; kitchi segisiwag dach ; anjenin dach odigon : Kego segisikegon ; kitchi mino inakamigad ki bidoninim , kitchi nibiwa anichinabeg tchi ondji bapinenimowad : Ki ginigitagowa nongom David ododenawing genodjimoineg , mi sa Christ Debeniminang. Mi iw eji kikinawadjitagoieg : ki gamikawawa abinodji, papagiwaianing wawegiching , pijikiwag endaji wissiniwad jengiching.—Pabige dach nibiwa anjeniwan gjigong wendjibanidjin owabamawan , kitchitwawinind Kije-Manito , ekitong: Ketchitwa wendagosid Kije-Manito ichiping gjigong , aking dach wanakiwad menoinendangig.

Iwapi manichtanichan genawenimadjig giganonidiwag : Ambessa , Bethlehemming ijada , awi wabandanda gaijiwebak , Debeniminang gaiji windamonang.— Wewibichkawag dach ; omikawawan Mariian, Josephan gaie, abinodjiiān gaie, pijikiwag endaji wissiniwad jingichininid. Api dach waiabamawad nissitotamog gainindwa iniw abinodjiiān ; kakina dach nwandangig mamakadendamog , manichtanichan genawenimadjig ekitowad. Marie dach kakina oganawendanan onow ikitowinan , nanagatazewendang odeing. Manichtanichan genawenimadjig dach giwewag , Kije-Maniton omanadjiawan , okitchitwawinan wan gaie , kakina iw ondji , gaiji nondamowad , gaiji wabandamowad gaie , gainindwa.

Iwapi , nichwassogwan gagabesseg , abinodji gipakwejong , Jesus dach giijiwinind ; anjeni ogibiwindamage iw ijinkasowin , bwa gigichkagod ogin .

Api Jesus gabinigid Bethleheming Judeing, megwa Herode ogimawigobanen , nebwakadjid ininiwag Jerusaleming gibidagwichinog , wabanong gabiondjibawag ; giikitowag dach : Anindi aiad gabinigid Judawininiwag odogimamiwa ? Nin giwabamanan odanangoman wabanong , mi dach gabiondji dagwichinang wibianamietawangid. — Herode dach ogima nwandang iw, kitchi segendam , kakina gaie Jerusaleming endanisidjig segendamog. Mi dach gaiji mawandjiad kakina naganisinidjin pagitchigewininiwan , ojibiigewininiwan (1) gaie , ogikagwedjiman dach : Anindi Christ tchi nigipan ? Ogiinawan dach : Bethleheming sa Judeing. Mi sa gaijibii-

(1) *Ojibiigewininiwag* , mi sa gaapitchi kikendamogobanenag gaiat Kije-Manito odijitwin , kakina gaie gaiji dibakonized Kije-Manito waiechkat , Jesus bwa binigid aking ; anawi dach gikitchi matchi ijiwebisigwaban.

ged ganiganikikendamogobanen : Kin gaie , Bethlehem , Juda odakiming , ka-win awachime pangi kit apitendagosissi , kakina kitchi odenawan , Juda odakiming etegin , eji apitendagwakin : kin satabiondjiba ogima getogimakandawad nind anichinabeman Israel. Mi dach Herode gimodj nandomad nibwakawininiwan , apitchi gwaiak dach okagwedjiman : Aniniwapi gawabameg anang ? Odininajawan dach Bethleheming , aniinad : Madjag , weweni gaie nandawabamig abinodji ; mikaweg dach , biwindama-wichig , nin gaija gaie nin tchi anamietawag. Ganondawawad dach ogiman gimatadowag ; anang dach , gawabamind wabanong , aniniganichka , naianj biagodjin tibichko abinodji (*Jesus*) aiad ; waiabamawad dach anangon kitchi bapinenimowag. Bapindigewad dach wigiwaming omikawawan abinodjiian , ogin gaie Marie ; mi dach eji otchitchingwanitawawad , anamietawawad

Jesusan ; mi dach pakinamowad oma-kakowan , ominawan dach osawa jo-nia, anotch gaie gego menomagwadinig. Kije - Manito dach odinan megwa ni-bawad : Kego anijakegon Herode endad. Mi dach gaiji giwewad endana-kiwagobanen, bakan mikanang gibimos-sewag.

Api dach iw gjigad odjitchissegoban, Marie tchi binisid , gaiji ikitod Moïse odibakonigewining , Jerusaleming ogii-jiwinan Jesusan , Kije - Manito tchi mi-nind ; ejibiigadeg igo Debeniminang odibakonigewining , kakina abinodjiian kwawisensiwinidjin netaminiginidjin , Debeniminang tchi minawad ; bekich gaie tchi pagidinigeng gaikitod Debeni-minang odibakonigewining , mi sa nij omimig , gonima gaie nij wabi omiminsag.

Bejig dach inini danisigoban iwapi Jerusaleming , Simeon ijinikasogoban ; gwaiak ijiwebisigoban aw inini , Kije-Maniton gaie gossagoban ; bitogoban Is-

rael ominawanigosiwin ; Wenijichid-Manito widjiwigogoban iniw ininiwan. Wenijichid-Manito windamagogoban, tchi nibossig, tchi bwa wabamad Debeniminang Ochristan, (mi sa Jesus.). Wenijichidnidjin Maniton ogijiwinigon anamiewigamigong ; Jesus onigiigon dach pandiganigod abinodji tchi dodawind gainind Kije-Manito odibakonigewining, gaie win Simeon ododapinan Jesusan omikang, Kije-Maniton manadijad ekitong : Nongom ki pagidina enokitog wanakiwining, Debenimiiang, gaikitoian igo ; tibinawe nichkinjigong nin giwabandan ki jawendjigewin, gaiji ojitaian, kakina anichinabeg tchi wabandamowad, wasseia tchi wassechkawindwa enamiassigog, kit anichinabeman dach Israel okitchitwawisiwiniwa.

Iwapi Jesus ossan (1), ogin gaie ma-

(1) Kitchitwa Joseph ogiganaweniman eta Jesusan, kadach win ogioossissinan ; anicha saina ; *Jesus ossan*, — Jesus ejji anichinabewid

makadendamogwaban kakina eji inawindibanan. Simeon dach ogigaganodamawan , ogiinan gaie Mariian, Jesus ogin : Nibiwa Israeling eiadjig mabam abinodjiian geondji pangichinowad , nibiwa dach geondji pasigwiwad ; mi gaie mabam tchi matchi dajindaming. Kin gaie ki tchitchagóng ki gajaboenaogon ajawechk , takikendagwad dach , nibiwa anichinabeg eji inendamowad odeiwang. Bejig dach ikwe Anne , ganiganikikendang , Phanuel odanan , Aser odinowemaganing , apitchi gikagoban , nijwasso bibon eta ogiwidigeman onabeman gaako gigangowid ; nichwassimidana achi nio bibonagisigoban , jiegawigoban ; ka wika sagaasigoban anamiewigamigong , kabe-gijig , kabe-tibik gaie Kije - Maniton anokitawagoban , giigwichimogoban , anamiagoban gaie.

kawin oossissi , eji Kije-Manitowid dach Kije-Manito odogwissinan ,

Mi dach aw ikwe iwapi biijad, Kije-Maniton dach okitchitwawinan, Jesusan gaie odibadjiman kakina iniw gabianidjin genodjimoad Israel. Gaichkwa tawad dach kakina minik Debeniminang gaiji inakonized, gigiwegaw Galileing, ododenawiwang Nazareth. Abinodji dach gikitchi madjiigi, gisongigi; nibwakawin, Kije-Manito gaie ojawendjigewin ogimochkinechkagon.

Kije-Manito odanjeniman dach obiodissigon Joseph megwa nibad, odinan dach : Onichkan, odapin abinodji, ogin gaie, Egypting dach ijinijimon ; ima dach aian naianj minawa tchi ganoninàn. Herode organandawabaman abinodjiian tchi wi nissad. Gaonichkad dach ogiodapinan abinodjiian, ogin gaie, nibatibik ; mi dach gimadjad, Egypting wiijad. Mi dach ima gaiiad naianj igo Herode ginibod, mi sa tchi debwewiniwang gaikitod Debeniminang, bejig ganiganikikendang gianonad, ekitong :

Egypting nin giondji nandoma Ningwiss.

Herode dach , waiabandang gigagina-wichkimigod nebwakanidjin ininiwan , gikitchi nichkadisi ; mi dach gaiji anokid , kakina tchi nissindwa kwiwisensag eko nijobibonagisigobanenag , Bethleheming , giwitaiai gaie aiagobanenag ; gaiji dibadjimowad nibwakaininiwag. Mi dach giijiwebak gaikitod Jeremie , ganiganikikendang , ekitong : Ramaing nondagosiwin oginondanawa ; kitchi mawiwini , kitchi onowin oginondanawa ; Rachel mawimad onidjanissan ; kawin bonendasi , onidjanissan sa ginibowan.

Herode dach ganibod , Kije - Manito odanjeniman obiodissigon Joseph Egypting , megwa nibad ; odinan dach : Onichkan , odapin abinodji , ogin gaie , ijan dach Israel odakiming : ginibowag nendawabandangibanig abinodji obimadisiwin. Mi dach gaiji onichkad , godapinad abinodjiian , ogin gaie , gibijad dach Israel odakiming. Nwandaged dach ,

Archelaus ogimawid Judeing, nabichkawad Herodan ossan, gigotadji ima tchi ijad; megwa dach nibad, Kije-Maniton oganonigon, mi dach gaiji madjad, Galileing wiijad. Badagwiching dach ima, odenang Nazareth ejinikadeg, gibidanaki, tchi debwewiniwang gaikitowad ganiganikikendamogobanenag : Jesus tchi ijinikasod Nazarewinini. Onigiigon dach Jerusaleming giijawan endasso sigwan, dassing wedjitchissegan kitchitwagijigad Pâque.

Api Jesus midasswe achi nijo bibonagisigoban, onigiigon giijawan Jerusaleming, eindodamowapan iko ketchitwagijigakin; gaichkwa kitchitwagijigad (1) gigiwewag, kwiwisens Jesus dach Jeru-

(1) Nichwassogwan dach gikitaitwagijigad.

saleming giichkwi, oniigon dach kawin ogikikenimassín ; ginimadjadog, anichinaben ogiwidjiwan, giinendamog. Ningó gijig dach bimossewag, mi dach nandawabamawad megwe enawemadjin, megwe nissitawenimadjin gaie, ka dach omikawassiwawan, mi dach neiab giwewad Jerusaleming, nandawabamawad, nesso gijigadinig dach omikawawan anamiewigamigong, nassawaiai namadabi gagikwewininiwan, opisindawan gigitonid, gaie dach okagwedjiman. Kakina dach nwandagodjin, mamakadendamog, eji nibwakad, eniji nakwetang gaie. Api dach *onigiigon* waiabamawad, mamakaden-damog, ogin dach odigon : Ningwiss, wegonen wendji dodawiang iw? Koss nin gaie ki babanandoneogo kachkenda-mang. Odinan dach : Anichwin **nando-neoieg?** Ka na ki kikendasim, ondjitatchi inanokiiàn Noss odinanokiwin? Kadachwin oginissitotasinawa ikwiito-

win gaigowad. Ogianiwidjiwan dach , Nazarething gibijad , odibenimigod dach onigiigon. Ogin dach organawendanan odeing kakina onow ikitowinan. Jesus dach echkam nibwaka , echkam aninitawigid, echkam gaie Kije-Maniton osagiigon , anichinaben gaie osagiigon.

Midasswe achi nano bibonagak megwa ogimawigoban Tibère Cœsar (kitchi ogima), Ponce Pilate dach megwa ogimawigoban Judeing , Herode dach megwa ogimawigoban Galileing , Philippe dach wikanissan megwa ogimawigoban Itureing , Trachoniting gaie , Lysanias dach megwa ogimawigoban Abilening ; Anne , Caïphe gaie ginigani-pagitchigewininigwaban , Debeniminang odikitowin ogibiodissigon Jean-Baptiste , Zcharie ogwissan , bagwadakamig . Babaija dach kakina endanakiwining Jourdain , babagagikwe sigaandadiwin tchi anwendisong , tchi ondji gassiigadeg matchijiwebisiwin , ejibiigadeg igo Isaïe gani-

ganikikendang omasinaiganing : Bibagiwini nondagwad bagwadakamig : Ojitog Debeniminang omikana, gawaiakomotog omikanan. Endasso wanadinag tamochkine, kakina dach wadjiwan, bikwadinan gaie tatabassinigadewan ; wawachkag dach tagwaiakotchigade, kawag dach tajochkotchigade ; kakina dach anichinabeg ogawabandanawa Kije-Manito ojawendjigewin.

Mi dach Jean-Baptiste mojag bagwadakamig daji bimadisigoban, mojag anamiagoban, kotagiidisogoban gaie. Obabinsikawagan kitchi awessi obiwaian giondji ojitchigadeniwan, pachkwegino-kitchipison gikitchipisod, adissawaiechiian gaamwadjin, amosisibakwat gaie. Mi dach kakina obiodissawan Jean-Baptistian, kakina Jerusaleming, Judeing gaie endagobanenag, kakina gaie sibing Jourdain endanakiwagobanenag giijawag. Ogisigaandawan dach Jourdaining, owindamawawan obatadowiniwan. Wa-

iabamad dach dagwichinowad nibiwa Pharisieag, Sadduceiag gaie (1), tchi wisigaandasowad, odinan : Matchi kinebig onidjanissidog ! awenen enineg tchi ojindameg Kije-Manito onichkadi-siwin ? Mi iji bimadisig tchi ondji nag-wak giandjitoieg ki bimadisiwiniwan. Kego inendankegon tchi wi ikitoieg : Abraham nossinan ; kit ininim , Kije-Manito odagachkiton , onow assinin tchi ondji ojiad abinodjiian , Abraham tchi onidjanissid. Jaigwa wagakwad ate we-tchibikawid mitig; kakina dach mitigog gemino - nitawigisinog tagawaigasowag , ichkoteng tchi apaginindwa.

Nibi nind aion tchi sigaandonagog , tchi anwenindisoieg tchi kotagiidisoieg;

(1) *Pharisieag , Sadduceiag gaie ; mi sa ba-kan gaijiltwagobanenag api Jesus bimadisigoban aking . Gikitchi matchi-ijiwebisigwaban , mojag Jesusan oginanekadjawan , ogibatamawan , ogi-kotagiawan gaie , epitch jingendamowagobanen odijitwawini .*

aw dach gebinopinajid awachime apiten-dagosi epitendagosiiān; kawin nind apitendagosissi, omakisinan ganage tchi bimiwitowagiban ; win ki gasigaandagowa Wenijichid-Manito ojawendjigewining, ichkoteng gaie.

Iwapi Judawininiwag ogianonawan; Jerusaleming ondji , pagitchigewininiwan , Levitan (1) gaie , tchi bikagwed-jimawad Jean-Baptistan : Awenen kin ? Owindan dach , kawin agonwetasi ; owindan sa : kawin Christ nind awissi. Okagwedjimawan dach : Awenen dach ? Elie na kin ? Ikito dach : kawin nind awissi. Naganikikendang na kitaw? Nakwetam dach : kawin. Odinawan dach : Awenen kin ? tchi dibadjimota-wangidwa gabianojiangidjig. Anin eji inwasoian ? Ikito dach : Nind aw bi-

(1) *Levitag* , mi sa gaanokitagedjig anamiewigamigong Jerusaleming megwa pagitchigewininiwag gipagitchigewad.

bagiwin nondagwad bagwadakamig : Gwaiakomotog Debeniminang omikana; gaikitod Isaïe , ganiganikikendamogobanen. Pharisieieg dach igiw enonindjig. Okagwedjimawan dach : Wegonen dach wendji sigaandageian , kichpin aiawissiwanen Christ, Elie gaie , naganikikendang gaie ? Onakwetagon dach Jean : Nibi nind aion tchi sigaandageiàn; bejig dach ki widjigabawitagowa kekenimassiweg. Mi sa aw gebinopinajid , awachime apitendagosí, epitendagosíiàn; kawin nin deapitendagosíssi ganage tchi abaamowagiban omakisinan. Mi mandan kakina Bethaniïng gidaji ijiwebad , agàming Jourdain , Jean gadaji sigaan-daged.

Jesus dach Galileing biondjiba, Jean-Baptistan Jourdaining onasikawan , tchi sigaandagod. Jean dach odinan : Kego ; awachime taonijichin , kin tchi sigaandawiian ; kin dach ki binasikaw ? Jesus dach odinan : Mi go nindawatch getiji-

webak nongom ; mi sa getijiwebisiiang, kakina gawaiak tchi widodamang. Mi dach gaiji sigaandawad **Jesusan**. Jesus dach, gaichkwa sigaandawind , pabige agwata nibing ; mi dach gjig pakichkanig , mi dach wabamad **Wenijichinidjin-Maniton** binanjissed, wabi omimding ijinagwiad , obiboninotagon dach. Kije - Manito dach ichpiming biondji ikitod : Mi aw Ningwisssaiagiag nin kitchi minwenima. — Iwapi Jesus nissimidana dasso bibonagisigoban; anichinabeg dach ogiinenimawan : Joseph ogwissan Jesus.

Iwapi Maniton odijiwinigon Jesus bagwadakamig, matchi maniton tchi bijobiigod. Gigiigwichimo dach Jesus nimidana dasso gjig, nimidana gaie dasso tibik , mi dach gibakaded ; matchi maniton dach obiodissigon, aniinad : kichpin **Kije-Manito Ogwissimigoian**, ikiton, onow assinin tchi pakwejiganiwad. **Jesus dach** onakwetawan : Ojibii-

gademagad : kawin anichinabe pijichig pakwejigan ondji bimadisissi, mi kakina ikitowinan, Kije-Manito odoning ondji sagaamomagadon, wendji bimadisid. Iwapi dach matchi maniton odijiwinigon kitchitwa odenang, mi dach okiti-gamig anamiewigamigong assad, odinan dach : Kichpin Kije-Manito Ogwissimi-goian, gwachkwanin oma ; ojibiigademagad : *Kije-Manito* ogiinan odanjeniman kin ondji, tchi bimiwinikwa onindjiwang tchi bidakosidechisiwan assining. Jesus dach odinan : Minawa ojibiigademagad : kawin ki gajobiassi Debenimig Kije-Manito. Minawa matchi maniton odijiwinigon kitchi ichpadinag wadji-wing, odinoamawan dach kakina ogima-wiwinan aking, kakina gaie okitchitwa-wisiwiniwan ; odinan dach gaie : kakina onow ki gaminin, kichpin otchitching-wanitawiiian, anamietawiiian gaie. Jesus dach odinan ; Awass ijan, matchi manito ; ojibiigademaged ; Debenimig Kije-

Manito ki gatanamietawa , win nijke ki gatanokitawa. Mi dach matchi maniton gaiji naganigod *Jesus* , mechkwat dach anjeniwan gibidagwichinog , gibianokitagogd.

Jean-Baptiste dach oginanibikiman Herodan ogiman , Herodias ondji , wikanissan Philippian wiwini. Ogiinan sa Jean-Baptiste : kawin gwaiak kit ijiwebisissi , widigemad aw ikwe , kikaniss wiwan. Kitchi nibiwa gaie anotch gaiji matchi dodang Herode ogima ; Jean-Baptiste dach naningim oginanibikiman. Mi dach gaiji nichkadisid Herode ; awachime dach , minik gaiji matchi dodang , gimatchi dodam , mi sa Jean-Baptistan gikibakwawad.

Api dach Jesus nwandang , Jean-Baptiste gikibakwoond , Galileing ija. Oginagadan odena Nazareth , gibidana-kid Capharnauming agaming. Igiw dach anichinabeg , pachagichkinamowining ganamadabidjig , ogiwabandauawa kit-

chi wasseia ; nibowining gaie tanassag ganamadabidjig giwassenamowawag.

Mi iwapi Jesus maiadji gagik wed, anikitong : Anwenindisog, Kije-Manito ogimawiwin becho dago. Anibimossed dach tchigibig kitchigaming Galilée, nij eji widjikiweidinid ogiwabaman, Simonan, Pierre ijinikasogoban; Andrean gaie widjikiweian, megwa pagidawawad kitchigaming; kigoikewininiwigo-
banig sa go. Odinan dach Jesus : Nopinajichig, ki wi dodoninim, anichinabeg tchi gachkiegwa. Pabige dach oginaganawan odassabiwan, mi dach gaiji no-
pinanawad Jesusan.

Iwapi widigendigwaban Canaing Galileing, Jesus dach ogin ima aianigoban. Gaie dach Jesus, enonadjin gaie ginandomawag widigendiwining. Api dach jominabo manesiwad, Jesus ogin odigon : ka gego jominabo odaiassinawa. Jesus dach odinan : ikwe, anich na wendji ijian iw? Ka machi nin dibai-

gan giódjitchissessinon. Ogin odinan be-mitagenidjin : Namandj igo getinino-wegwen, dodamog. Ningotwasswe dach kitchi assini-omodaian ima giatewan, ejitchigewagobanen Judawininiwag bi-niidisowad, nj̄ gonima nisswe dibai-gan epitendagwadogoban bebejig. Odinan Jesus : Mochkinadog omodaian nibi. Ogimochkinebadonawan dach apitchi. Jesus dach odinan : Siginamog nongom, wikonge-ogima dach madjidawig. Ogi-madjidonawa dach. Wikonge - ogima dach, gagotandang nibi, jominabo gaondji ojitong, ka dach ogikikendasin gaondi-naming, bemitagedjig eta gasiginangig nibi, ogikikendanawa, wikonge-ogima c-nandoman wawidigenidjin, odinan dach: kakina anichinabeg nitam wenijiching jominabo obidonawa; daieminikwewad-jin dach, mi panima nawatch maianada-dinig *obidonawa*. Kindach ki gigana-wendan wenijiching jominabo naianj igo nongom. Mi iw maiadji mamandado-

dang Jesus , Canaing Galileing ; ogiwa-bandaiwed okitchitwawisiwin ; eno-nadjin dach odebweienimigon.

Jesus dach misi babaija Galileing , babakikinoamaged okikinoamadiwigamigowang , gagikwed Kije - Manito odikitowin , bekich gaie obabanodjimoan kakina aiakosinidjin , anotch gaie enapinenidjin . Kitchi nibiwa dach anichiben onopinanigon , misi wendjibadjig .

Iwapi Jesus ogiinan Nicodeman : Epitch Kije-Manito jawenimad anichinaben , bejigonid Ogwissan ogipagidinan , wegwen dach gedebwetawagwen kawin tabanadisissi , takagige bimadisi . Kawin Kije-Manito ogibiininajawassin Ogwisan oma aking , anichinaben tchi bana-disinid ; tchi nodjimoad anichinaben , mi gabiondji ininajawad . Win daiebwetagodjin , kawin tabanadisissi ; win dach daiebwetasig , mewija gibanadisi ; kawin sa debwetasin Kije-Manito Ogwissan bejigonid odijinikasowining . Mi sa

wendji banadisiwad anichinabeg : wasseia gidagwichinomagad aking , anichinabeg dach nawatch ogiminwendanawa kachkitibikad , wasseia dach , osam sa gimatechi ijiwebisiwag. Kakina metchi-ijiwebisidjig ojingendanawa wasseia , ka dach wasseianig biijassiwag , tchi nani-bikimassiwindwa endodamowad. Win dach meno-ijiwebisid , wasseianig biija , tchi kikendagwad endodang , Kije-Maniton sa ominonawean endodang.

Iwapi bejig ogima endagoban Capharnauming , ogwissan dach akosigoban ima. Api dach nwandang , Jesus biondji madjad Judeing , Galileing biijad , obinasikawan , obikagwedjiman , tchi binodjimoad ogwissan , jaigwa winibod. Odinan dach Jesus : kawin ki widebwetasim , mi eta wabandameg maman-dadodamōwinan. Odinan dach ogima : Debenimiiang , biijan , tchi bwa nibod ningwiss. Odinan Jesus : Madjan , kigwiss bimadisi. Debwetam dach aw. inini,

gaigod Jesus, madja dach. Megwa dach animadjad ; odanokitagewininiman onagichkawan, odinawan dach : kigwiss bimadisi. Okagwedjiman dach : Anin iw dibaigan api nodjimopan ? Odinawan : Pitchinago najwasso dibaigaueg kijisowin oginaganigon. Ossan dach okikendan : mi go iw dibaigan , api Jesus giikitopan , kigwiss bimadisi. Debwetam dach win , kakina gaie owigiwaming endadjig debwetamog , (*ododapinamog Jesus odi-jilwawin*).

Iwapi kitchi nibiwa anichinabeg ogachisikawawan Jesusan , tchi wi nondamowad Kije-Manito odikitowin ; win dach tchigibig nibawi kitchigaming Génésareth. Nij dach tchimanan owabandan kitchigaming, kagoigedjig dach gigabawag, okisibiginawan dach odassabian. Bosi dach bejig tchimaning , mi sa Simon otchimaning, okagwedjiman tchini minawegandaang pang ; namadabi dach pindonag , anichinaben kikinoamawad.

Gaichkwa gigitod dach, Simonan odinan : Nawidj ginwindimag ijan , pagidawaiog dach kit assabiwag, kigoiag tchi pindaamowad. Simon dach onak wetawan : Kekinoamageian , kabe-tibik nin gipagidawamin , ka dach gego nin gipindaanas-simin ; mano dach ekitoian nin gapagidawa nind assab. Gapagidawawad dach, kitchi nibiwa kigoian ogipindaanawan , odassabiwan bigochkawan. Owadak-waamawawan dach wadjiwigodjin , bejjig tchimaning gabosinidjin , tchi biwidokagowad ; bijawag dach , naienj dach tchimanan omochkinadonawa kigoian , kega gindachkawan. Simon Pierre dach waiabandang iw , apagiso Jesus otchit-chingwananing, ekitong : Debenimiiang , bakewinijichin , osam nin bataijiwebis. Mamakadendam sa , kakina gaie wadjiwigodjin mamakadendamog enigokwe-kamig kigoian gipindanawad. Mi tibichko gaie Jâcques , Jean gaie , Zébédée ogwissan , Simon wadjiwigodjin , mama-

kadendamog. Jesus dach odinan Simonan: Kego segisiken, nongom jaigwa anichinabeg ki gagachkiag. Pabige dach otchimaniwan bagabawad aking, onagadanawa dach kakina, Jesusan nopinanawad.

Iwapi Jesus waiabamad kitchi nibiwa anichinaben *wapisindagodjin*, wadjiwing anija, mi dach namadabid; enonadjin dach obiodissigon. Opakinan dach odon, gagikimad ekitong: Jawendagosiwag ketimagisidjig, menwendangig dach; ogimawiwin gijigong ogataianawa. Jawendagosiwag menodeedjig; aki ogadibendanawa. Jawendagosiwag kechkendangig *gibatadowad*; taminawanigwendamog. Jawendagosiwag wendanendangig, wendabagwedjig gaie gwaiakobimadisiwin, mino-ijiwebisiwin; tadebissiniwag. Jawendagosiwag netajajawenimadjig *ketimagisinidjin*; Kije-Manito ogajaweniman. Jawendagosiwag banideedjig; Kije-Maniton ogawabamanwan. Jawendagosiwag baiekadisisidjig;

Kije-Manito onidjanissan tainawag. Jawendagosiwag nenekadjiindjig animinoijiwebisiwad; ogimawiwingijigong ogataianawa. Ki jawendagosim, api matchi dajimigoieg, api gagandjiigoieg anotch binichimigoieg, nin ondji. Bapinenimog, kitchi bapinenimog; apitchi nibiwa ki gadibaamagom gijigong.

Wassenamawiiog, mino-ijiwebisiio, kakina anichinabeg tchi wabandamowad ki mino-ijiwebisiwiniwa, tchi ondji manadjiauwad kossiwan Kije-Maniton, gijigong eianidjin.

Iwapi Jesus odinan enonadjin: Geget kit ininim, kichpin nawatch mino-ijiwebisissiweg, ojibiigewininiwag, Pharisieag gaie ejiwebisiwad, kawin ki gapindigessim ogimawiwining gijigong. Ki ginondam gaiji inawad gete anichinabeg: Kego awia nissaken; wegwen dach genissagwen awia, taanimisi dibakonigewining. Nin dach kit ininim: wegwen genichkadisitowagwen wika-

nissan *anicha*, taanimisi dibakonigewining. Wegwen dach getinagwen wikanissan : *Raka*, awachime taanimisi. Wegwen dach : ki giwanis, getinagwen, taanimisi ichkoteng anamakamigong (1). Bidoian wapagidinigeian anamiewigong, ima dach inendaman, kikaniss manadenimig, nagadan ima ki minidiwin wapagidinigeian, ijan dach kikaniss aiad, mino ganoj dach; panima dach biijan, bipagidinigen ki minidiwin.

Ki ginondàm gaiji inawad gete anichinabeg : Kego bichigwadisiken. Nin dach kit ininim : wegwen gegawanabamagwen ikwewan tchi missawenimad, mi go jaigwa gibichigwadisid odeing.

(1) Epitch jingendang Jesus nichkadisiwin, giikito iw. Mi sa waikitowinagak : kichpin enamiad nichkadisitawad widj'anichinaben, matchi inad gaie; okitchi nichkian Kije-Maniton, takitchi animisi dach, aianwenindisossig, waiebinasig gaie onichkadisiwin.

Kichpin dach ki kitchichkinjig wendji matchi ijiwebisiian, mamibiton, webinan; awachime onijichin, bejig kichkinjig tchi banadak, kakina dach kiiaw tchi webina mingiban kakige ichkoteng anamakanig. Kichpin gaie ki kitchinindj wendji matchi ijiwebisiian, kichkijan, webinan; awachime sa onijichin, bejig kinindj tchi banadak, kakina dach kiiaw tchi webinamingiban kakige ichkoteng anamakanig.

Giikitom gaie gaiat: Wegwen gewebinagwen wiwan, masinaigan ogaminan, tchi bokobidowad owidigendiwiwan. Nin dach kit ininim: Wegwen gewebinagwen wiwan, (mi eta bichigwadisiwin wendji webinad), mi go gebichigwadisiad ikwewen, win gaie bichigwadisi; wegwen dach gewiwigwen gawebinind, bichigwadisi gaie win.

Ningoting dach Pharisieiaq ogibikagwedjimawan Jesusan: Gwaiak na tadowdam inini, webinad wiwan? Odinan

dach Jesus : Anin Moïse gainineg ? Ikitowag : Moïse giikito , ojibiamawind masinaigan, minind tchi webinind. Jesus dach odinan : Mi sa gaondji ojibiamagoieg iw gagikwewin , osam ki machkawideem. Waiechkat, api Kije-Manito misi gego gagijitod , ogiojian ininiwan , ikwewan gaie. Mi dach inini geondji naganad ossan , ogin gaie , wiwan tchi widjiwad. Tabejigowag dach inini ikwe gaie ; kawin keiabi tanijissiwag , tabejigowag sa. Iw dach , Kije-Manito gaiji mamawitod , ka awia bemadisid ogabekewitossin.

Wegwen gewebinagwen wiwan , tchi wiwid dach bekanisinidjin , bichigwadisi , kitchi matchi dodam. Ikwe gaie gawebinad onabeman , onabemid dach bekanisinidjin , bichigwadisi gaie win.

Kit ininim : Kego mamatchidodadikegon ; awia pakiteog kinowang , mij gaie ajawaiai - kinowang ; awia gaie odapinang ki babinsikawagan , mano ogaeda-

pinan gaie ki kitchi babinsikawagan. Mij awia tego nandotamok ; awia gaie tego wi atawamig, kego agonwetangen. — Sagiig metchi-dodoneg; jawnimig, minododawig jangenimineg; gaganodamawig nenekadjiinegog, baia-taminegog gaie. Mi sa getijiwebisiieg tchi onidjanissimineg Kije-Manito kossiwa gjigong ebid ; gaie win mojag ojaweniman metchi-ijiwebinidjin, tchi wi anwendisowad. Saiagiinegog eta sagieg, wegonen gedibaamagoieg ? Ka na iw dodasiwag gaie mawandjigewininiwag (1) ? Kichpin gaie kikanissiwag eta saginindjineg, kit apitchi mino dodam na ? Ka na iw dodasiwag gaie enamias-sigog ? Apitchi mino-ijiwebisiog, Kije-

(1) *Mawandjigewininiwag*; mi sa gamawan-djitowagobanenag iw dibaamadiwin, gaiji dibaamgewad Judawininiwag endasso bibonagak, okitchi-ogimamiwan ogiminawan. Gikitchi matchi-ijiwebisigwaban mawandjigewininiwag, ginitawaiejimagwaban widj' anichinabeman.

Manito kossiwa gijigong ebid eji mino-ijiwebisid.

Angwamisiio, kego iw ondji mino-ijiwebisikegon, anichinabeg tchi wabaminegwa; kichpin anichinabeg wendji mino-ijiwebisiie, kawin ki gadibaamagossiwa kossiwa gijigong eiad. Ketimagisidjig gego minadwa, kego madwewe-token botatchigan, endodamowad enameiekasodjig kikinoamadiwigamigong, mikanang gaie, anichinaben tchi kitchit-wawenimigowad. Geget kit ininim, jaigwa gidibaamagosiwag, ka dach Kije-Manito ogadibaamagossiwan. Kin dach jewenimadjin ketimagisidjig, kego **ki** namandjinindj ogakikendasin, endodang ki kitchinindj; tchi kadod ki mindiwin, Kije-Manito dach koss, misi gego waiabandang, ki gamino-dibaamag.

Enamiaiegon kego dodangegon endodamowad enameiekasodjig; enamiewad-jin minwendamog nibawiwad kikinoamadiwigamigong, enassamissing gaie

wigiwaman odenang , anichinaben tchi wabamigowad. Geget kit ininim : jaigwa gidibaamagosiwag , ka dach Kije-Manito ogadibaamagossiwan. Kin dach waanamiaianin , pindigen endaian, kibakwaan ichkwandcm , anamietaw dach koss gijigong eiad ; win dach misi gego waibandang , ki gamino-dibaamag.

Enamiaegon dach ikitog : Nossinan gjigong ebiian. Apegich kitchitwawendaming kit ijnikasowin. Wabaminagosian apegich abiiang. Ki babamitago wedi gjigong, apegich gaie babamitagoian oma aking. Nongom gjigak mijichinam gemidjiiang , (misi gego gaie mijichinam). Bonigidetawichinam gego gaiji nichkiiigoian , eji bonigidetawangid awia gego gaiji nichkiiiangidjiu. Kinaamawichinam wabatadiiangan. Atchitchajai ininamawichinam gego maianadak waodissikagoiangan. Minotawichinam.

Kichpin bonigidetawawegwa ganichkiinegog , gaie kossiwa gjigong eiad ki

gabonigidetagowa gaiji matchi dodameg; kichpin dach bonigidetawassiwegwa ganichkiinenog, gaie kossiwa gjigong eiad kawin ki gabonigidetagossiwa gaiji batadiieg.

Gaigwichimoiegon, kego kachkendan-gegon, endodamowag enamiekasodjig, okikinawadjitonawa ochkinjigowan, anichinaben tchi wabamigowad giigw-chimowad. Geget kit ininim, jaigwa gi-dibaamagosiwag, ka dach Kije-Manito ogadibaamagossiwan. Kin dach gaigwi-chimoianin, nasikweon, kisingweon gaie; kawin anichinabeg ki gaondji giigwi-chimossi, tchi wabamigod; win sa Kije-Manito koss, misi gego waiabandang, ki gaondji giigwichim; win dach koss, misi gego waiabandang, ki ga mino-dibaamag.

Kego sagitokegon, kego gaie ma-wandjitokegon jonia, anotch gaie gego daniwin oma aking; kawin inabadassion, naningim gaie banedad, naningoti-

nong gaie gemodichkidjig pindigewag ,
gimodiwad. Mechkwat dach nandawen-
damog kakina gego gijigong endagog ;
ka wika banadassinon iw , ka gaie wika
gemodichkidjig pindigessiwag tchi wi
gimodiwad. Kichpin sagitoian daniwin
aking , gaie kide mojag aking taate ;
kichpin dach nandawendaman misi gego
gijigong endagog , gaie kide gijigong
taate.

Iwapi Jesus ogiinan enonadjin : Kawin
awia odagachkitossin rij gedibenimigod-
jin tchi anokitawad , bejig sa ogajinge-
niman , bejig dach kawin ogababameni-
massin. Kawin ki dagachkitossim , Kije-
Manito tchi anokitaweg , bekich gaie
anotch gego aking endagog tchi sagi-
toieg. Mi wendji inineg , kego *osam*
babaindangegon ki bimadisiwiniwa ,
gemidjiieg ; kiiawiwan gaie getagwiieg.
Ka na bimadisiwin awachime apitenda-
gossinon , midjim dach ? Wia w gaie , ka
na awachime apitendagossinon , agwi-

win dach? Wabamig binechiiag beba-missedjig; kawin kitigessiwag, kawin mamassiwag, kawin gaie mawandini-gessiwag mandaminiwigamigong; kossi-wa dach gjigong eiad odachaman. Ka na kinawa awachime kit apitendagosissim, binechiiag epitendagosiwad? Awenan dach endachiieg gegachkitopan, ningo biskonikenowin nawatch tchi ginosid anich igo enandang? Wegonen dach gaie kit agwiwiniwa wendji sanagenda-meg? Wabandamog wabigonin machko-deng, eji sagakigin; kawin anokissiwag, ka gaie himinakwessiwag; anawi dach kit ininim, win Salomon, *kitchi ogima*, kakina okitchitwawisiwining ka ganage giijiossi, bejig wabigon eji ijiomagak. Kichpin dach Kije-Manito iji agwitad machkossiw, nongom machkodeng eteg, wabang dach pakwejiganikaning tchi apagitong, tchi bateg; ka na awachime kinawa ki gaiji agwiigossim, kinawa pepangi daiebwetameg? Kego osam

babamendangegon tchi ikitoieg : Wego-
nen gemidjiang , wegonen geminik-
weiang , wegonen getagwiiang? Ena-
miassigog ikitowag iw kakina. Kossiwa
dach okikendan, kakina iw menesiieg.
Nandawendamog nitam Kije-Manito
odogimawiwin *gijigong* , mino-ijiwebi-
siwin gaie ; kakina dach iw menesiieg
Kije-Manito ki gaminigowa.

Iwapi Jesus ogiinan enonadjin : Kije-
wadisiioig , kossiwa eji kijewadisid. Kego
awia dibakonakegon , kawin gaie ki-
nawa ki gadibakonigossim ; kego awia
matchi dajimakegon , kawin gaie kinawa
ki gamatchi dajimigossim ; bonigideta-
wig kidj'anichinabewa , ki gabonigide-
tagom gaie kinawa. Migiweg , ki gami-
nigom gaie kinawa ; mino dibaigan ,
kitchigaigade , papawineigade , sigwe-
baigade ki gaminigowa ki kakiganani-
wang. Mi go iw dibaigan gedibaigeieg ,
tchi dibaamagoieg minawa. — Gigimo-
dowe gaie Jesus , anjinad : Odagachkiton

na gegibingwed tchi bimiwinad gegibingwenidjin ? Ka na naienj tapangichi-siwig wanikaning? Kawin aw kekinoamawind awachime apitendagosissi, kekinoamagodjin epitendagosinid ; wegwen dach geijiwebisiwegwen, kekinoamagodjin ejiwebisinid, taapitchi mino-iijiwebisi. Wegonen dach wendji wabandaman bisiniwin kikaniss ochkinjigoning eteg, ka dach bapich ki wabamassin kitchi mitig kichkinjigong ebid ? Anin gaie getinadiban kikaniss : Beka , nikanniss ; nin gamamon bisiniwin kichkinjigong eteg ; kitchi mitig dach , kichkinjigong ebid , kawin ki wabamassin ? Enamiekasoian , webin nitam kitchi mitig , kichkinjigong ebid , panima dach ki gawabandan tchi mamoian bisiniwin , kikaniss ochkinjigoning eteg.

Nandotamog , ki gaminigom ; nandawabandamog ki gamikanawa ; pakiteamog ichkwandem , ki gapakakonamagom ; awia sa nendotang , mina ; awia nenda-

wabandang, omikan ; awia gaie pekite-
ang ichkwandem, pakakonamowa. Awia
na endachiiieg, kichpin ogwissan pakwe-
jiganan) nandotamagod, assin na ogam-
inan? Kigoian gaie nandotamagod,
kinebigon na ogaminan? Kinawa manji-
niniwagisiieg, anawi ki kikendanawa
wenijiching tchi minegwa ki nidjanissi-
wag ; kossiwa dach gijigong eiad, ka na
ogaminassin wenijiching nendotangig?
Mi eji nandawenimegwa kidj'anichina-
bewa, tchi minododonegwa, gaie kina-
wa minododawig. Mi sa gaikitod Kije-
Manito ogagikwewining. — Pindigeiog
wabwag ichkwandem. Mangateiag ich-
kwandem, mangateiag gaie mikana
anamakamig enamog, kagige ichko-
teng ; batinowag gaie ima pandigedjig.
Wabwag dach ichkwandem, wabwag
gaie mikana gijigong enamog, kagige
minawanigosiwining, pangidichewagisi-
wag dach mekangig.

Iwapi Jesus ogiinan enonadjin : Dadibabandamog geginawichkidjig gegikwedjig, manichtanichiwaianing ki binasikagowag, anamaiai dach mainganiwiwag. Mi geondji kikenimegwa, minikaniwiwad. Ka wika awia omawand jitossin jominan minessagawajig; mi sa mojag, mino mitig ondji nitawiginon onijichin wiagiminan; matchi mitig dach ondji nitawiginon matchi wiagiminan. Wenijichid mitig kawin wika ondji nitawigisinon matchi wiagiminan; matchi mitig dach kawin wika ondji nitawigisinon wenijiching wiagiminan. Kakina mitigog netawigisinog wenijiching wiagiminan, tagichkikawawag, ichkoteng dach taapaginawag. Minikaniwiwad mi geondji kikenimindwa. Kawin kakina: Debenimiiang, Debenimiiang, ejidjig, ogimawiwinning gjigong tapindigessiwag, win eta meno-ijiwebisid, Noss gjigong eiad eji nandawenimad tchi ijiwebisnid, ogimawiwinning gjigong tapindige.

Wegwen nwandamogwen onow nind ikitowinan , tchi ganawendang tchi dodang , nebwaka-inining tainendagosi , ogidabik wejtod owigiwam. Gikitchi kimiwan dach , gimochkaang , gikitchi nodin gaie , gipakiteassassin dach iw wigiwaming , kadachwin gipangichisinon ; ogidabik sa ojitchigade. Wegwen dach nwandamogwen onow nind ikitowinan, tchi ganawendasig tchi dodang, gegibadisi-inining tainendagosi , negawikang wejtod owigiwan. Gikitchi kimiwan dach , gimochkaang , gikitchi nodin gaie , gipakiteassassin dach iw wigiwaming, gipangichin dach, gikitchi pangichin.

Gaichkwa tad dach Jesus kakina onow odikitowinan, kakina anichinaben gapisindagodjin gikitchi mamakadendamog gaiji gagikwed. Debenindingin sa ogiji-gagikiman , kadachwin ejiwebisiwad odojibiigewininimiwan, Pharisieaggae. Iwapi Jesus banissakiwed wadjiwing,

kitchi nibiwa anichinaben obinopinani-gon ; bejig dach wemiginidjin obiodis-sigon , obiotchitchingwanitagon , ekitong : Debenimiiang, menwendaman, ki dagachkito tchi biniiian. Jesus dach otes-sinindjitawan, otanginan gaie, ekitong : Ni minwendam; binisin. Pabige dach aw wemigipan binisi. Jesus dach odinan: Angwamisin , kego awia windamawa-ken ; madjan dach , wabandaan kiiaw pagitchigewinini , pagidinigen gaie ki minidiwin , Moïse gaiji inakoniged , gawaiak tchi kikendamowad. — Baodi-tang dach Capharnauming, jimaganichi-ogiman obiodissigon , obikagwedjimi-gon dach, ekitong : Debenimiiang , nind ochkinigim jingichin endaiàn , inapine , nibowi , geget wissagendam. Jesus dach odinan : Nin gaija , nin gabinodjimoa. Jimaganichi-ogima nakwetang odinan : Debenimiiang , kawin nin deapitenda-gosissi tchi pindigeiamban endaiàn , nin-gotodon eta ikiton , mi tchi nodjimod

nind ochkinigim. Nin gaie, missawa awia dibenimid, jimgaganichag nin dibenimag; madjan, inag bejig, madjadach; ondas, inag bejig, biija dach; nind ochkinigim gaie inag: iw dodan, dodam dach. Nwandang dach Jesus, makadendam; nwapinanigodjin dach odinan: Geget kit ininim, kawin wika awia nin gimikawassi Israeling tchi iji kitchidebwetang, mabam inini eji debwetang. Kit ininim dach gaie, kitchi nibiwa tadagwichinog wabanong, ningabeanong gaie, ogawidabimawan dach Abrahaman, Isaacan, Jacoban gaie, ogimawiwing gijigong, ogima onidjanissan dach tasa-gitchiwebinigasowag kachkitibikak, gedaji mawiwad, gedaji mamadwe-abite-chinowad gaie. Odinan dach Jesus jimgaganichi-ogiman: Winimadjan; gaiji debwetaman, mi getijiwebak. Odochkigiman dach nodjimo mi go iw dibaigan.

Panima dach ningoting Jesus pindige Pierre owigiwaming, owabaman Pierre

osigosissan jingiching akosinid ; otanginan dach onindjining , mi dach igo aksiwın naganigod ; onichka dach , anokitawad. Wenagochig dach obinawan kitchi nibiwa aiakosinidjin , matchi maniton gaie gegichkawadjig ; osagidjiwebinan dach matchi maniton , gigitod eta ; kakina gaie aiakosinidjin onodjimoan. Mi sa tchi debwewiniwang gaikitod Isaïe , ganiganikikendamogobanen : Win tibinawe ogiodapinan nind inapinewininanin , kakina gaie nind aksiwinninanin ogimadjidonan.

Bejig dach ojibiigewininiwan obiodis-sigon Jesus ekitong : Kekinoamageian , ki ganopinanin tibi getijawanen. Jesus dach odinan : Wagochag wajewag , binchiiag bebamissedjig wasisswaniwag ; anichinabe Ogwissan (1) dach kawin ningotchi apikwechimossi.

Iwapi Jesus nabikwanensing bosi , eno-

(1) *Anichinabe Ogwissan* , mi sa Jesus , Kije-

nadjin gaie bosiwag; kitchi mamangachka dach kitchigaming, mojag bosiwag tigo-wag ; Jesus dach niba ; enonadjin dach obiodissigon, odamadjiigon, ekitong : Debenimiiang, bimadjiichinam, nin nibomin. Odinan Jesus : Wegenen dach wendji segisiieg ? Kitchi pangí ki debwetam ! Mi dach eji onichkad, gagannondang nodin, kitchigami gaie, pabige dach kitchi anwating. Kitchi mamakadendamog dach anichinabeg, ekitong : Anin ejiwebisid mabam ? Nodin, kitchigami gaie odebwetagon !

Iwapi Jesus bosi nabikwanensing, ajawao, dagwichin dach ododenang, obidowawan dach ininiwan mamandjigosinidjin, nibaganing jingiching. Jesus dach, waiabandang odebweiendamoniwan, odinan aiakosinidjin : Ningwiss, Kije-Manito apenimon ; ki batadowinan

Manito Ogwissan, bekich gaie *kitchitwa Marie Ogwissan.*

gassiigadewan. Anind dach ojibii gewini-niwag odinenimawan : kitchi matchi gi-jwe mabam. Jesus dach waiabandang odinendamowiniwan , odinan : Wego-nen dach wendji matchi inendameg kideiwang? Wegonen nawatch wenipa-nad , tchi ikitong : ki batadowinan gas-siigadewan; iw dach tchi ikitong : Onich-kan , bimossen gaie ? Tchi ondji kiken-dameg dach , anichinabe Ogwissan gach-kitod oma aking batadowinan tchi gas-siiang , (odinan dach aiakosinidjin) : Onichkan , odapinan ki nibagan , giwen dach. Mi dach eji onichkad , giwed gaie. Anichinabeg dach waiabandamo-wad segendamog ; Kije-Maniton dach okitchitwaweniman , gaiji minad inini-wan iw dino tchi gachkitowad.

Jesus namadabi ningotchi wigiwaming wi wissinid , kitchi nibiwa dach metchi-ijiwebisinidjin pindigewag , obiwidabi-migon dach; enonadjin gaie. Pharisieia g dach , waiabandamowad ejiwebak , odi-

nawan Jesus odanonadjin : Wegonen dach kekinoamoneg wendji widopamad metchi - ijiwebisinidjin ? Jesus dach nwandang odinan : Meno-bimadisidjig kawin wi nanandowiigosissiwag , aiakosidjig eta wi nanandowiigosisiwag . Nangatawendamog tchi wi kikendameg wikitowinagak gaikitod Kije-Manito : Awachimeni minwendam jawenindiwin , pagitchigewin dach . — Kawin meno-ijiwebisidjig tchi nandomagwa nin gibondji ijassi aking ; metchi-ijiwebisidjig sa nin gibondji ija , tchi anwenindi sowad .

Ningoting dach Jean-Baptiste gapisindagodjin ogibiodissigon Jesus , ekitong : Wegonen dach ninawind , Pharisieag gaie wendji giigwichimoiang iko , kit anonadjig dach kawin giigwichimossiwag ? Jesus dach odinan : kawin wawidiged widjikiweian kachkendasiwag , widjiyawad wawidigenidjin , *ka* gaie giigwichimossiwag ; panima beke-

winidiwadjn *takachkendamog*, tagiig-wichimowag (1).

Iwapi, megwa Jesus gagikimad anichinaben, bejig ogiman obiotchitching-wanitagon, ekitong : Debenimiiang, nindaniss nongom ginibo; biijan dach, bitangin kinindjing, mi dach tchi bimadisid. Jesus dach pasigwi, nopolinanad; enonadjin owidjiawan. Bejig dach ikwe, midasswe achi nijobibon gaako akosid, mojag miskwi giondjigani, ogibiopikwanechkawan Jesusan, ogibitanginamowan ichkwaiiai obabinsikawagan; giinendiso : Tanginamawag eta obabinsikawagan, nin ganodjim. Jesus dach anigwekitad,

(1) Mi sa waikitod Jesus : Megwa nin ni widi-gemag nind anonadjig, apitchi geget minawasi-wag, ka dach nindawatch giigwichimossiwag. Waiba dach nin ganaganag ; gjigong tchi wi ijaiàn ; mi dach iwapi tchi giigwichiwad. Kakin gaie nind ijitwawin getijitwadjig tagiigwichinowag iko, tchi wi kotagiidisowad, bataijiwebisiwad.

ikwewan oganawabaman ; odinan dach : Nindaniss , Kije-Manito apenimon ; ki debweiendamowining ki giondji nodjim. Pabige dach aw ikwe nodjimo. — Jesus dach badagwiching ogima owigiwaming, owabaman pepigwenidjin , nibiwa gaie anichinaben ketchi-ombigisinidjin , odinan dach : Ikogag ; kawin gocha gini-bossi ikwesens , niba eta. Obapiawan dach. Jesusdach kakina osagidjiwebinan, pindige dach , ikwesensan osaginindjinan, mi dacheji onichkad. Kitchi dibadjimowag dach misi ima inakakekamig.

Enimadjad dach Jesus, nij gegibing-wenidjin onopinanigon , enigok aniikitowad : David wegossimig , jawenimi-chinam ! Bapindiged dach endad , gegib-nigwenidjin obiodissigon. Jesus dach odinan : Kit inendam na , tchi gachkitoian iw tchi dodoneg ? Odinawan : Nind inendamin sa , Debenimiiang ! Mi dach eji tanginamowad ochkinjigoni , aniinad : Gaiji debwetameg , mi gedodoneg. Mi

dach eji wabiwad. Jesus dach okinaamawan tchi dibadjimossinid. Gamadjawad dach gikitchi dibadjimowag misi ima inakakekamig , gaiji dodang Jesus.

Iwapi Jesus wi sagidjiwebinad matchi maniton, nitagigitossinidjin. Gaiji sagidjiwebinad dach matchi maniton, nitagigitossigogoban nitagigiton ; mamakaden-damog dach anichinabeg. Anind dach ikitowag : Beelzebub , ogima-matchi maniton , onijokamagon sagidjiwebinad matchi maniten. Anind dach wajobiigod-jin okagwedjimawan , tchi mamandado-dang ichpiming ondji. Win dach , waiabandang odinendamowiniwan , odinan : Ogimawiwin nenawini-disomagak , taangwissin ; wigwam gaie nenawinamingin , tanissakosse. Satan (1) dach nenawinidisod , anin odogimawi-win gegiji songissininig ; kit ikitom sa : Beelzebub onijokamagon sagidjiwebinad matchi maniton. Kichpin dach nin sagid-

(1) *Satan* , mi sa matchi manito.

jiwebinag matchi manito, Beelzebub ondji, awenen kinidjanissiwag wendji sagidjiwebinawad? Mi winawa geondji dibakoninegwa. Kichpin dach Kije-Manito onindj ondji sagidjiwebinag matchi manitog, kikendagwad, Kije-Manito odogimawiwin biodissigoieg. Machkawisid inini odachwiwining ganawendang owigiwam, odaiaiman minoatewan. Kichpin dach awachime machkawisinidjin ininiwan ododissigod, mamajiigod gaie, ogamakamigon kakina odachwiwinan echwipanin, odaiaiman gaie ogamaman. Win wadjiwissig, nind agonwetag; win dach maiawandiwidjiwissig, saswesseni. Wanisid manito gasagisinotawad awia, bengwanining babaimosse, nendawabandang tchi anwebid, ka dach omikasin, ikito dach : Neiab nin gagewe nin wigiwaming gaondji sagaaman. Badagwiching dach omikan tchigataigadenig, sasegatchigadenig gaie. Mi dach ejinanad nijwasswe matchi maniton, awa-

chime matchi-ijiwebisinidjin eji matchi-ijiwebisid, pindigewag dach, ima tawad; ichkwatch dach aw anichinabe awachi-me matchi ijiwebisi, nitam endipan. — Gaichkwa ikitod dach iw, bijig ikwe ima enigok gigito, ekitong : Jawendagosi ikwe ganigiig, ganonig gaie ! Win dach Jesus ikito : Geget jawendagosiwag nwandangig Kije-Manito odikitowin gnawendumowad.

Ganandomad dach Jesus odanonadjin, midadatchigwaban achi nij, ogiminan machkawisiwin, tchi sagidjiwebinawad matchi maniton, tchi nodjimoawad gaie kakina aiakosinidjin, anotch gaie enapinnenidjin. Mi sa ejinikasowad midasswe achi nij gaanonadjin : Simon Pierre, André, Jâques, (Zébédée ogwissan), Jean, Philippe, Barthélemy, Thomas, Matthieu, Jâques, (Alphée ogwissan), Thadée, Simon, Judas Iscariote. Ini w midasswe achi nij ininiwan Jesus ogianonan tchi gagikwewad odijitwawin. Kija

dach ogiinan : Misi babaijaiog, babagakweioig; nodjimoig aiakosidjig, abitchii-baig nebodjig, biniig wemigidjig, sagidjiwebinig matchi manito. Anicha ki giminigom, anicha migiweg.

Baoditameg ningotchi wigiwaming, ki gatikitom : «Apegich wanakiwad oma endadjig.» Wegwen dach gepindiganisinowegwen, gepisindasinowegwen gaie, api sagaameg iw wigiwam, gonima iw odene, bawiwebichkamog wiagassian kisidawang. Geget kit ininim : Kawin Sodome, Gomorrhe gaie (1) getiji sanganisissiwad dibakonigewinigijigad, iw odene getiji sanagisid. — Angwamisiioig, machkawendamog. Enamiassigog ki gajingenimigowag, ki gabachajeogowag nin ondji; kego dach bapich segisikegon, mojag [mino-ijiwebisiioig : win gemino-

(1) *Sodome, Gomorrhe gaie*, mi sa onow rij odenawan Kije-Manito gaondji tchagisamogobanen, gibichigwatch-ijiwebisigwaban ima gadanisigobanenag.

ijiwebisid naianj igo tchi ichkwa bimadisid, kaginig gijigong tabimadisi.

Kego gossakegon netodjig wiiawima, ka dach odagachkitossiwag, otchitchagoma tchi nissawad; gossitowig dach gechkitod wiiawima tchi nitod, otchitchagoma dach kagige ichkoteng tchi apaginad, wiiawima gaie tchi apagitod.

Iwapi, Jean-Baptiste nwandang kibakwoodiwigamigong, endodang Jesus-Christ, nij pesindagodjin odanonan, tchi kagwedjimawad: Kin na aw gebijad, gonima dach bekanisid nin gabianan, na? Jesus dach nakwetang odinan: Madjag, windainawig Jean minik gaiji nondameg, minik gaie gaiji wabandameg: Gegibingwedjig wabiwag, nenipinisidjig bimossewag, wemigidjig binisiwag, gegibichedjig nondamog, nebodjig abitchiibawag, ketimagisidjig minwadjimowin gagikimawag: kitchi jawendago si dach aw metchi-inenimissig. Gamadjawad dach, Jesus oganonan anichinaben,

Jeanan odibadjimigon. Wegonen dach bagwadakamig gaondji ijaieg; tchi wi wabandameg? Apakwechkwai na madaching? Wegonen dach gaondji ijaieg tchi wi wabandameg? Inini na sesagakwanaied? Sesagakwanaiedjig kitchi ogimag owigiwamiwang aiawag. Wegonen dach gocha gaondji ijaieg, tchi wi wabandameg? Naganikikendang na? Geget kit ininim, awachime aw apitendagos, naganikikendang epitendagosid. Mi sa aw wendji ojibiigade: Nind ininajawa nind anjenim tchi niganiad, tchi mikanakog nigan.

Geget kit ininim, kawin awia, minik ikwewan nagiigodjig, awachime apitendagosissi, Jean-Baptiste epitendagosid; aw dach pangi epitendagosid ogimawi-wining gijigong, awachime apitendago, Jean-Baptiste epitendagosid.

Giikito dach gaie Jesus: Binasikawi-chig kakina kwetagitoieg, kakina gaie bwaiawaneieg, ki gatanwebiininim.

Odapinig nin nabikagan, kikinowabamichig : nin bekadis, nin tabassenindis gaie nindeing; ki tchitchagomiwag dach taminawanigwendamog. Nin nabikagan nokendagwad, nin bimiwanan nangan.

Ningoting Jesus ogikikinoamawan kitchi nibiwa anichinaben; megwa dach ganonad, ogin, wikanissan (1) gaie dagwichinog, agwatching nibawiwag, obiawan tchi ganonindwa. Awia dach odinan: Kiga, kikanissag gaie agwatching nibawiwag, ki biigog wi ganonikwa. Gaganonad dach odinan Jesus : Awenen ningga, awenenag nikanissag? — Otessinindjitawan dach enonadjin, aniikitong : Mi sa mamig ninga, nikanissag gaie. Wegwen gedodamogwen getiji minwendang Noss gijigong eiad, mi aw nikaniss, nin-

(1) *Wikanissan*, mi sa kitchitwa Marie widigikwan onidjanissan; anicha Jesus *wikanissan* inawag. Kawin wika kitchitwa Marie ogionidjanississi, Jesusan eta oгинигиан, Wenijichinidjin dach Manitou ogiojian Marie wiiawining.

dowema, ninga gaie.

Iwapi kitchi nibiwa anichinebeg gimawandjiidiwag, odenawing gibiondjbawad, gibiodissawad Jesusan, gigimodowe dach, ekitong : Kitigewinini sagam wi kitigadang minikanan; megwadach kitigadang minikanan, anind mikanang gipangissinon, gitakwokatchigadewan dach, binechiiag gaie gibijjawag, ogibimamojagandanawa dach. Anind dach assining gipangissinon; pabige dach saiagakig ginibobatewan, kawin sa gini-biwasinon. Anind dach minessagawajing gipangissinon, minessagawajig dach gisagakiwag mamawi, giningobimagon. Anind dach wenijiching aking gipangissinon, gimadjiginon dach, giminiwanon ningotwak dassing. — Gaikitod dach iw, enigok odinan: Wegwen wetawagagwen tchi nondang, mano tanondam. Enonadjin dach okagwedjimigon : Anin ejiwebak iw gimodowewin? Odinan dach win : Kinawa ki minigom tchi kikendameg

kaiadjigadeg Kije-Manito odogimawiwi-ning, anind dach ogow gimodowewi-ning : ano wabiwad, kawin wabandasi-wag, ano nondamowad, kawin nissitotasi-wag. — Mi sa mandan iw gimodowewin : Minikan , mi Kije-Manito odikitowin ; minikanan dach mikanang pengissingin, mi ogow nwandangig ; panima dach matchi manito biija , omamowan dach odeiwang Kije-Manito odikitowin, tchi debwetasigwa tchi nodjimowapan. Assi-ning dach, mi ogow, api nwandamowad, pabige odapinamowag Kije-Manito odikitowin , bapinenimowad ; kadach-win ogow otchibikawisissiwig : atchina debwetamog , api dach jwabiindwanin owebinawa Kije-Manito odikitowin. Mi-nikanan dach minessagawajing pengis-singin , mi ogow, ganondamowad Kije-Manito odikitowin, sagaamog, sanagen-damowin dach, daniwin , anotch gaie minawanigosiwin oma aking ningobima-giginon Kije-Manito odikitowin; ka dach

gego nitawigisinon. Wenijiching aking dach pengissingin, mi ogow nwandangig Kije-Manito odikitowin, organawenda-nawa menodeewad, ketchi-minodeewad, aninitawigiwag baiekadisiwad.

Iwapi Jesus odinan enonadjin : Jawendagwadon ochkinjigoman waiabandang waiabandameg. Kitininim, nibiwa ganiganikikendamogabanenag, kitchi ogimag gaie gipagossendamogwaban wi wabandamowad waiabandameg, ka dach ogiwabandasinawa ; wi nondamowad gaie nwandameg, ka dach oginondasinawa. — Bejig dach kekendang dibakonigewin pasigwi, bijobiad ekitong : Kekinoamageian, anin gedodaman, kagige bimadisiwin tchi gachkitasoiàn ? Win dach odinan : Wegonen wejibiigadeg dibakonigewining ? Anin wabandan masinaiganing ? Aw dach nakwetang ikito : Debenimig Kije-Manito ki gasagia kakina kideing, kakina gaie ki tchitchagong, kakina gaie ki machka-

wisiwining, kakina gaie kit inendamowining; eji sagiidisoian dach ki gasagiag kidj'anichinabeg. Odinan dach : Gwaiak ki ginakwetam, mi iw gedodaman tchi bimadisiian. Aw dach wi wabandaiwed eji mino-ijiwebisid, odinan Jesusan : Awenen dach aw nidj'anichinabe? Nakwetang dach Jesus, ikito : Bejig inini Jerusaleming ondji madja, Jerichoing wi ijad, otakonigon dach gemodichkinidjin, pingwachagitobinawan egwidjin, odanonawawan, naganawad, agawa bimadisi. Bejig dach pagitchigewinini bimosse ima mikanang; gawabamad dach animadja. Mi tibichko gaie bejig Levite dagwichin iwedi; gawabamad dach animadja. Bejig dach Samariwinini (1) anibimossed bija ai-ad *aw inini* gaanonawind, waiabamad dach ojaweniman, onasikawan, bimide,

(1) *Samariwinini*, mi sa Samariing endaji ininiwid.

jominabo gaie osiginamowan, osisobinan
enisinid, obebejigogajiming odassan,
achangewigamigong dach opindiganan,
weweni gaie oganaweniman. Waiabang
dach ogitinan nij joniansan, ominan dach
achangewininiwan, aniinad : Weweni
ganawenim ; kichpin dach awachime
benatchitoian, endassing iw, miniwa
dagwichinàn, ki gadibaamon. — Awe-
nen ogow nissiwad widj'anichinabewid
iniw gaatakonigodjin gemodichkidjig ?
Anin enendaman ? Ikito dach : Mi sa
win, gajawenimad iniw. Jesus dach
odinan : Madjan, gaie kin tibichko dodan.

Iwapi Jesus anipindige bejig odenang,
ikwe dach bejig, Marthe ejinikasod,
opindiganan owigiwaming ; widigikwan
dach, Marie ejinikasod, Debeniminang
osidaning namadabi opisindawan ekitonid.
Marthe dach kitchi sanagisi anokid,
(*Jesus an odanokitawan*) ; obinasika-
wan dach ekitong : Debenimiiang ! ka
na ki babamenimassi nidigik nin naganig

tchi anokiiān nijike? Ijin dach tchi binjokamawid. Debeniminang dach odinan: Marthe , Marthe , osam ki babamendam anotch gego, ki sanagendam gaie. Bejigwan dach eta apitchi wakitchiabatchitong. Marie ogionabandan apitchi wenijichi-ninig, ka wika geodapinamawassiwind.

Iwapi Jesus ogiinan kitchi nibiwa anichinaben, gigimodowed : Ogimawi-win gjigong inining ijinagossiwan ketigadamagod wenijiching minikanan okitiganing. Megwa dach nibawad kitigewininiwag, jangenimigodjin biiawan, matchi machkossiw dach obikitigadamin kitiganing , mi dach eji madjad. Mandamin gasagakid , nitawiginon dach , matchi machkossiw gaie win sagakig. Debendang dach kitigan odochkinigiman obiodissigon , obikagwedjimigon : Nind ogiman , ka na wenijiching minikanan ki gikitigadasinan ki kitiganing ? Anindi dach wendjibamagad matchi machkossiw ? Odinan dach : Jangenimid ogibi-

dodam iw. Odochkinigiman dach odinawen : Nin gatijamin na tchi mawandjitoiang ? Iwa dach : Kawin ; gonima maiawandjitoieg matchi machkossiw , ki gabakwakobinawag gaie mandaminag. Mano mamawi tanitawiginon naianj tchi mamang ; api dach geodjitchisseg tchi mamang , nin gatinag memadjig : Nitam mamoiog matchi machkossiw , tatakobitoiog tchi tchagisaming; mandaminag dach pindiganig ni mandaminiwigamigong.

Iwapi Jesus ogiinan kitchi nibiwa anichinaben , gigimodowed : Ogimawiwin gijigong apitchi egachiing minikan ejinagwadini , awia wedapinang okitigadan okitiganing. Mi iw awachime ega-chiimagak minikan , minik endassing; gamadjigingin dach , mi awachime metchamagak , ani mitigowan ; mi dach binechiiag bijjawad , biboniwad odikwaning. — Minawa dach bakan gigimodowe : Ogimawiwin gijigong ombissit-chigan (wendji ombichkag pakwejigan),

ejinagwad , gaodapinang ikwe ogikadon nisso dibaigan bassag pakwejigan, naianj kakina giombichkag. — Kakina onow Jesus ogiinan anichinaben , gimodowan nan giaiod ; kawin dach bakan ogijigannonassin , mi eta gimodowewining ; mi tchi debwewiniwang gaikitod ganigani-kikendang , ekitong : Nin gapakinan nindon gimodowewining ; nin gadibadodan gakatchigademagak eko akiwang.

Gaichkwa gagikwed dach Jesus , kakina anichinaben ogimadjinajawan , wigiwaming dach gipindige ; enonadjin dach ogibiodissigon , giikitowad : Windamawichinam iw gimodowewin , matchi machkossiw kitiganing. Odinan dach : Wenijiching minikanan ketigadang , mi anichinabe Ogwissan (Jesus), kitigan dach , mi kakina bemadisidjig oma aking ; wenijiching minikanan dach mi Kije-Manito onidjanissan , menoijiwebisidjig ; matchi machkossiw dach , mi matchi aiaawich onidjanissan , met-

chi-ijiwebisidjig. Jangendagosid dach gakitigadang ma'chi machkossiw, mi mat-chi manito ; mamawin dach , mi ichkwa akiwang ; memadjig dach, mi anjeniwag. Eji mawandjissidong matchi machkossiw tchi tchagisaming, mi nassab getijiwebak ichkwa akiwang. Anichinabe Ogwissan ogatininajawan odanjeniman, ogamawand jitonawa kakina maianadak odogimawi-wining , kakina gaie metchi-ijiwebisi-nidjin ogamawandjiawan, ogatapagina-wan dach ichkoteng , gedaji mawiwad , gedaji mamadwe-abitechinowad gaie. Meno-ijiwebisidjig dach , gisiss eji was-sesid taiji wassesiwag Ossiwan odogima-wiwinning.

Iwapi dach Herode , kitchi ogima, nwandang minik Jesus gaiji mamakada-kamig dodang , ogiinan bemitagodjin , Mi sa aw Jean-Baptiste ; giabitchiiba sa , mi kitchi mamakadakamig wendji do-dang. — Herode sa ogitakonan Jean-Baptistan, ogitakobinan dach, ogikibak-

wawan, Herodiade ondji, wikanissan Philippe wiwini. Jean-Baptiste ogiinan Herodan : Kawin gawaiak ijiwebassiuon, widigemad. Anawi Herode winissagoban, ogigossan dach anichinaben, naganikikendang-inining ogiinenimawan. Ningoting dach Herode kitchi wikon-ge, iw gjigad odjitchisseg api nagid ; Herodiade dach odanissan nimi, Herode dach kitchi minwendam, odinan dach machkawigijwed : Wegotogwen igo genandawendamawiiian, ki gaminin. Ogin dach kija giigogoban tchi ekitod : Mijichin mandan onaganing Jean-Baptiste ochtigwan. Ogima dach ossitawendam, omachkawigijwewin dach ondji, gapisindagodjin gaie ondji ikito, tchi iji minad gaiji nandotamagod. Midach eji anokid Herode, Jean-Baptistan tchi wi kichkigwaond kibakwoodiwigamigong. Obidonawa dach ochtigwan, ochkinigikwen ominawan ; ochkinigikwe dach omadjidon ogin. —

Gapisindagodjin dach Jean - Baptiste
biijawag, odapinamowad wiiaw wi na-
ichimawad ; mi dach Jesusan biwinda-
mowad gaijiwebak.

Iwapi Jesus giija odenang , Naïm ejinikadeg; enonadjin dach , kitchi nibiwa gaie anihinaben ogiwidjiawan ; becho dach bauditang ichkwandem odenang , bejig ganibod gibimisagissia , mi bejig ikwe jigawigoban ogwissigoban bejigwanigoban ; nibiwa dach anichinaben odenang ondji widjiwigod. Api dach Debeniminang waiabamad , ojawaniman , odinan dach : Kego mawiken. — Obitanginan dach tchibaimakak. (Igiw dach bemiwinadjig nogigabawiwag). Ikito dach : Ochkinawe , onichkan , kit inin. Aw dach ganibopan namadabi , madji - gigito. Jesus dach ominan ogin. Kakina dach anichinabeg segisiwag ; okitchitwaweniman wan Kije-Maniton ekitong : Ketchi-niganikikendang kit odissigonan ; Kije-

Manito obimawadissan odanichinabeman.

Ningoting dach bejig Pharisien onandoman Jesusan tchi widopamad. Jesus dach ija Pharisien endad, namadabi dach wi wissinid. Bejig dach ikwe(1) meichi-ijiwebisid ima odenang, api gakikenimad Jesusan namadabinid Pharisien owigiwaming, obidon ketchi sanagak bimide, assini-makakonsing. Nibawi dach opikwananing osidaning, mawid, okisibigisidenan, osibingweian odaionan, winisissan dach odaionan gas siisidewan, ododjindanan osidani, ketchi sanagak bimide dach osiginamowan osidaning. Pharisien dach ganandomigodjin waiabandang iw, ikito odeing : Mabam inini naganikikendang awid, odakikeniman iniw ikwewan taianginigodjin ejiwebisinid; kitchi matchi-ijiwebisi. Jesus dach organonan, odi-

(1) Marie Madeleine mi ejinikasod aw ikwe.

nan : Simon , tego gewiininan. Ikito dach : Kekinoamageian , ikiton. *Jesus dach ikito* : Bejig inini mesinaamago-sid , ginijiwan mesinaamagodjin , bejig nanwak dasswabik joniansan , bejig dach nanimidana. Gego gaaiassigwa gedibaamagewad , naienj ogiminan ani-cha. Awenenan aw nawatch gesagii-gopan ? Simon dach ikito : Aw sa na-watch nibiwa manind , nind inendam. Odinan dach Jesus : Gwaiak ki giikit.— Ogwekitawan dach iniw ikwewan , odinan dach Simonan : Ki wabama na mabam ikwe ? Nin gipindige endaian , ka dach nibi ki gimijissi wi kisibigisi-deiàn ; win dach osibingweian ogiaionan gikisibigisidenid ; winissan dach ogiaianon , gigassiisideid. Kawin ki giódjimissi ; win dach eko pindiged , mojag ododjindanan nisidan. Kawin ki ginamakojissi ; win dach ketchi sanagak bimide ogisiginan nisidang. Mi wendji ininàn : Kitchi nibiwa obatadowinan

gassiigadewan, gikitchi sagiiwed. Aw dach pangi manind, pangi sagiiwe. — Ikwewan dach odinan : Gassiigadewan ki batadowinan. Wadabimanidjin dach ikitowag odeiwang : Awenen mabam, gaiassiamaged batadowinan ? — Odinan dach ikwewan : Ki debweiendamowing ki giondji nodjim ; madjan wana-kiwining.

Panima dach nagatch Jesus gibabaija kakina odenawan, gibabagagikwed Kije-Manito odikitowin; midasswe achi nijinidjin gaanonagobanenan ogiwidjiwawan; anind gaie ikwewan ganodjimonidjin ogiwidjiwawan, ogianokitawawan gaie.

Iwapi Jesus giajyawao kitchigaming Galileing, mi iw Tiberiade kitchigami; kitchi nibiwa dach anichinaben oginopinanawan, giwabandamowad maindadodamowinan, aiakosinidjin ginodji

moad. Jesus dach wadjiwing ija, mi dach ima widabimad enonadjin. Iwapi kega Pâque wi odjitchisseg, Judawini-niwag okitchitwagijigadomiwa. Jesus dach taiataganabid owabaman kitchi nibiwa anichinaben baodissigodjin, odinan Philipp : Anindi tchi gichpinanang pakwejigan, ogow tchi wissin-wad ? — Anicha go wi kikenimad, mi gaondji inad Philipp ; ogikikendan sa win gedodaminid. Philippe dach onak-wetawan : Nijwak joniansag kawin taiji debisessiwag tchi gichpinanang pakwejigan, kakina pepangi tchi amwawad. Bejig dach enonadjin, André, Simon Pierre wikanissan, odinan : Bejig kwiwisens oma aia, nanwatig odaianan pakwejigan, nij gaie kigoian; anin dach iwminik getijidebissegiban, kitchi nibiwa anichinabeg oma aiawad. Jesus dach ikito: Namadabiig anichinabeg. Gikitchi mach-kossiwikaban dach ima. Ginamadabiwag dach ininiwag kega nanimidanak. Jesus

dach ogiodapinan pakwejiganan ; gaich-kwa anamiad ogiminan nemadabinidjin ; mi tibichko gaie kigoian , minik igo tchi debissiniwad. Gadebissiniwad dach, odinan enonadjin : Mawandjitog ba-wichkag , gego tchi wanissisinog. Oma-wandjitonawa dach , omochkinadona-wa midasswe achi nij odabimakakon , nanwatig pakwejiganan minik gaich-kwandumowad , minik gawissiniwad. Ogow dach anichinabeg , gawabandamo-wad mamandadodamowin gaiji dodang Jesus , ikitowag : Mi sa mabam geget aw naganikikendang , gabiiнд tchi biijad aking. — Jesus dach kekendang , tchi biijawad anichinabeg , kitwen wi oda-pinind wi ogimawiind , aniojimod mina-wa wadjiwing win nijke.

Ningoting dach Jesus ogiinan pesiudagodjin : Geget kit ininim , wegwen daiebwetawegwen , takagige bimadisi. Nin sa nindaw aw pakwejigan wendji bimadising. Kossiwag gamidjidjig ma-

na (1) bagwadakamig , ginibowag. Mi mabam pakwejigan gijigong wendjibad; wegwen getamwagwen , ka wika tanibossi. Nindaw bemadisid pakwejigan , gijigong nind ondjiba ; kichpin awia amwad mabam pakwejiganan , takagige bimadisi ; mi dach aw pakwejigan gemigiweiān , mi niias , tchi kagige bimadisiwad anichinabeg. Judawininiwag dach kitchi aiajindeindiwag , ikitowad : Anin dach aw getijigachkitopan , wiiassim tchi achaminang. Jesus dach odinan : Geget , geget kit ininim : Midjissiweg anichinabe Ogwissan wiiassim ; minikwessiweg gaie omiskwim , kawin ki gagigichkasina wa bimadisiwin. Wegwen madjigwen niiass , menikwegwen gaie

(1) *Mana* , mi sa pakwejigansag. Gaiat sa , megwa Judawininiwag bagwadakamig babada nisiwad nimidana dasso bibon , apitchi weniji nidjig pakwejigansag ichpiming gibiondji pangichinog endasso kigijeb ; Judawininiwag dach ogimawandjiawan , giamwawad,

ni miskwim, kagige bimadisiwin odaian; nin dach nin gaabitchiibaa ichwatch tchi gijigad. Niiass geget midjim; ni miskwim dach geget minikwewin; wegwen madjigwen niiass, menikwegwen gaie ni miskwim, nin gigichkawa, gaie win dach nin gigichkag. Bemabisid Noss nin giininajaog, Noss gaie nind ondji bimadis; mi dach aw emod, nin geondji bimadisid. Mi mabam pakwejigan gijigong gabiondjibad; kawin iw mana, kossiwag gaiji midjiwad, ginibowag dach. Emwad mabam pakwejiganan, takagige bimadisi.

Iwapi Jesus ogiinan Pharisieian : Nin nin mino ganawenimag manichtanichag (1). Meno-gamawenimad manichtanichan ominan obimadisiwin, manichtanichan wi bimadjiad. Aw dach enonind eta, debenimassig manichtanichan, waiabamad mainganan dagwichinid,

(1) Ki tchitchagonanig, mi sa Jesus omanichtanichiman,

onaganan manichtanichan, ojimod, main-gan dach otakwaman, osaswenajikawan gaie manichtanichan. Mi sa eno-nind wendji ojimod, anonind eta, kawin gaie obabameni massin manichtani-chan. Nin nin mino ganawenimag manichtanichag; nin kikenimag nind aiaa-mag, gaie dach nind aiaamag nin kikenimigog. Noss eji kikenimid, nind iji kikenima Noss; nin minan nin bima-disiwin ni manichtanichimag ondji. Bekan-nisidjig gaie manichtanichag nind aia-wag, kawin oma manichtanichiwigami-gong ondjibassiwig; gaie winawa dach nin gabinag, gaie winawa nind inwe-win oganondanawa; tabejigwan dach manichtanichiwigamig, tabejigo gaie aw genawenimad manichtanichan.

Iwapi Jesus gimadja Tyriïng, Sido-ning dach gibimosse, gibija kitchiga-ming Galilée, nawaiai endanakiwining Decapolis. Obidawawan dach bejig gegi-bichenidjin, netagigitossinidjin gaie,

okagwedjimawan dach Jesusan tchi tanginad onindjing. Obimaiai dach odijiwinan , pindjinindjini dach otawaganing , osikawagan dach odaion tangisitawad odenaniwini; gjigong dach inabi , pagidanamo aniinad : *Ephphetha* , misa : pakisseiog. Pabige dach otawagan pakichkaniwan, odenaniw gaie abiskosseni, weweni dach gigito. Okinaamawan dach , awia tchi windamawassigwa ; echkam dach obimidibado-danawa ano kinaamawindwa; echkam gaie kitchi mamakadendamog , ekitong : Kakina gego gimino dodam : gegibichenidjin ogijaweniman tchi nondaminid, netagigitossinidjin dach tchi nitagigitonid.

Ningoting Jesus ogikagwedjiman odanouadjin , ekitong : Anin ekitowad anichinabeg , awenen aw anichinabe Ogwissan ? Ikitowag dach : Anind ikitowag Jean-Baptiste , anind dach Elie , anind dach Jeremie , gomina gaie

bekanisid naganikikendang. Odinan dach Jesus : Kinawa dach anin eki-toieg, awenen nin? Simon Pierre dach nakwetang ikito : Kin sa Christ, bemadisid Kije-Manito Ogwissan. Jesus dach nakwetang odinan : Ki jawendagos, Simon, Jonas ogwissan; kawin kiiass, ki miskwim gaie ki gikikinoamagossin, Noss sa gjigong eiad ki gikikinoamag. Nin dach kit inin : Kin sa Pierre, (*mi sa assin*), mi dach iwassining tchi ojitoian nind anamiewigamig; matchi manito dach odichkwandem (*mi sa omachkawisiwin*) ka wika odabigobidossin (1). Ki gaminin gaie ogimawiwin gjigong odababikaiganan. Wegotogwen dach ge-

(1) *Mi sa waikitod Jesus* : Nind ijitwawin ta-apitchi songan; ka wika matchi manito, ka wika gaie awia bemadisid aking, missawa ketchi-matchi-ijiwebisid, odagachkitossin tchi banta-chitod nind ijitwawin; kaginig taate nind ijitwawin aking, naianj igo tchi ichkwa akiwang.

takobitowanen aking, tatakobitom gaie
gijigong; wegötogwen dach getabaama-
wanen aking, taabaam gaie gjigong.

Iwapi kitchi nibiwa anichinabeg
gibijawag (*Jesusan wipisindawawad*),
ka dach gego ogiaiassina wa gemidjiwad;
Jesus dach onandoman enonadjin,
odinan dach : Nin jawenimag anichina-
beg; jaigwa nissogwan ni widjiwigog,
ka dach gego odaiaassina wa gemidjiwad;
kichpin dach madjinajawangwa bwa
wissiniwad, tabwanawitowag ningotchi
mikanang; anind sa kitchi wassa giond-
jibawag. Enonadjin dach odinawan :
Anindi geondinamang pakwejigan tchi
achamindwa kakina, oma bagwadaka-
mig ? Okagwedjiman dach : Anin
dasswatig pakwejigan aiaieg ? Odina-
wan : Nijwasswe. Odinan dach anichi-
naben tchi namadabinid mitchaiai. Odo-
dapinan dach nijwasswatig pakwejiga-
nan, mi dach anamiad, bokobinad,
ominan dach enonadjin, tchi acha-

mawad anichinaben; mi dach eji achamawad. Pangi gaie kigosensan odaiawan ; odanamietan dach Jesus, odinan enonadjin, tchi achamawad anichinaben. Wissiniwag dach, debissiniwag gaie; ododapinawan dach minik gaichkwandamowad, nijwasswe odabimakakon mochkinewan. Gawissinidjig dach niwing midasswak, mi dach eji madjinajawad.

Ningoting dach Jesus odapinan Pierran, Jacquan, Jeanan gaie wikanissan, odijiwinan dach kitchi ichpadinanig ningotchi; odandjinagwiton dach wiiaw; ochkinjig gisissong ijiwassesi, odagwiwinan dach goning ijiwabichkaniwan. Moïse dach, Elie gaie obigaganonawan. Pierre dach odinan Jesusan : Debenimiiang, onijichin oma tchi aiangiban; kichpin enendaman, nisswe wigwaman nin gaojitemin oma, kin bejig, Moïse bejig, Elie gaie bejig. Megwa dach gigitod, kitchi wabichka-

nakwad bimassininig ; gigitowin dach anakwadong bionsitagwad , ekitong : Mi aw Ningwiss saiagiag , nin kitchi minwenima ; pisindawig. Enonadjin dach , nwandamowad mi go eji pangichinowad ochkinjigowang segisiwad. Jesus dach biija , bitanginad ; odinan dach : Onichkag , kego segisikegon. Tatiaganabiwad dach ka awia owabamsiwan , mi eta Jesus. Megwa dach binissakiwewad wadjiwing , Jesus odinan : kego awia windamawakegon gaiji wabandameg , naianj igo anichinabe Ogwissan getabitchiibad.

Panima dach nagatch Jesus gidagwic平 Capharnauming , enonadjin dach gaie ogiwidjiawan. Wedapinangig dach dibaamadiwin ogibinasikawawan Pierran , ekitong : Ka na keokinoamoneg ogadibaasin dibaamadiwin ? Pierre dach ikito : A ningwana. Jesus dach gapindiged wigiwaming , okagwedjiman : Anin enendaman , Simon (Pierre) ?

awenenan wedapinamowawadjin diba-amadiwin ogimag aking, winawa onidjanissan na, gonima bekanisinidjin ? Pierre dach ikito : Bekanisinidjin sa. Jesus odinan : Onidjanissiwan dach kawin gego odibaasiwag. Tchi matchi kikinoamowassigwa dach , kitchigaming ijan, pakobiwebinan migiskan, odapin dach aw kigon, nitam gegondang, gegipakinamowad dach odon, jonia ki gamikan ; odapinan , mij gaie ogow, tchi dibaamang naienj, nin, kin gaie.

Iwapi Jesus gipindige, bejig naganisid Pharisien endagobanen , anwebiwinigijigad, tchi wissinid; ogiakawabaman wan dach ; bejig dach messitchid inini ima aiagoban. Jesus dach ogigananon kekendanidjin dibakonigewin, Phariesian gaie, ekitong : Gwaiak na ijiwebad, tchi nodjimoad awia anwebiwinigijigad? Ka dach ningot ikitossiwag. Jesus dach ododapinan, onodji-

moan gaie; opagidinan dach. Oganan dach, aniinad: Awenen aw endachiiieg, ki meimangichemiwa, gonima ki pijikimiwa pindanikanissed anwebiwiniwigijigak, gewikobinassiwegoban anwebiwiniwigijigak? Ka dach gigachkitossiwag wi nakwetamowawad. — Gimodewewin dach gaie owiindamowan wakominidjin, api waiabandang wenabandamowad netamissingin apabiwinan; odinan dach: Awia wicomig, kego netamissing apabiwin namadabiken; gonima awachime epitendagosinidjin ininowan epitendagosian oginandoman; win dach ganandomig, ganandomad gaie iniw, ki gabiganonig: mij mabam kit apabiwin; kin dach ki gatagatch iwapi, echkwessing apabiwin tchi odapinaman. Api wicomigoian, ichkwessing apabiwin namadabin; win dach ganandomig ki gabiganonig: Nikaniss, awachime ichpiming ijan. Mi dach iwapi kitchi minwabamikwa wadopamadjig. Weg-

wen sa getichpenimogwen wiaw, tatabassendagosi; wegwen dach getabassemindisogwen, taichpendagosi.

Iniw dach ganandomad, odinan Jesus : Wakongeianin, ketimagisidjig nandom, nenipinigedjig, nenipinisidjig, gegibingwedjig gaie nandom; ki gajawendagos dach, ka sa gego odaiassinawa tchi dibaamokwa, ki gadibaamago dach, api menoijiwebisidjig getabitchiibawad.

Iwapi Jesus ogianonan Pharisieian, gigimodowed : Bejig inini gikitchi wikonge, kitchi nibiwa oginandoman. Ogianonan dach odochkinigiman api ko wassining, tchi windamawadwa wakominidjin, tchi biijawad, jaigwa kakina gego gigijissin. Kakina dach madji-ondamitagosiwag ; Bejig ikito : Aki nin gigichpinadon ; nin wiija dach tchi wabandamàn ; kego ningot inendangen ijassiwan. Minawa bejig ikito : Midass-we pijikiwag nin gigichpinanag ; nin wiija dach tchi godjiagwa ; kego ningot

inendangen ijassiwàn. Minawa dach
bejig ikito : Nin giwidige, ka dach nin
gachkitossi tchi ijaiàn. Mi dach eji giwed
anokitagewinini, kakina owindamowan
debenimigodjin. Mi dach debendang
wigiman nichkadisid, odinan odochkini-
giman : Kekejdine madjan, babaijan
mikanang odenang, oma dach pindigaj
ketimagisidjig, nenipinigedjig, gegi-
bingwedjig, nenipinisidjig gaie. *Gado-*
dang dach iw anokitagewinini, ikito :
Debenimiian, nin gidodam gaikitoian,
keiabi dach tawissin. Debendang dach
odinan odochkinigiman : Babaijan mika-
nang, mitchikaning gaie, kitwen dach
pindigaj, tchi mochkineg nin wigiwam.
Kit ininim dach, igiw ininiwag ano
nandomagibanig, ka awia endachiwad
ogatangandasin nin wissiniwin.

Iwapi mawandjigewininiwag, baiata-
ijiwebisidjig gaie ogibinasikawawan Je-
sus, wi pisindawawad. Pharisieag
dach, ojibiigewininiwag gaie nanichka-

sitagosiwag , ekitong : Mabam inini
owidokawan metchi - ijiwebisinidjin ,
owidopaman gaie. Owindamawan dach
iw gimodowewin , ekitong : Awenen
endachiieg ningotwak aiawad manichta-
nichan , bejig dach waniching , ka na
odanaganassin jangassimidana achi jan-
gasswe bagwadakamig , tchi nandawaba-
mad iniw wanichinidjin , naianj igo
tchi mikawad? Gimikawad dach , odini-
manganing odassan , bapinenimod ;
badagwiching dach endad omawando-
nandoman wassokawadjin , owidjidaki-
wemaganan gaie , odinan dach : Widji-
bapinenimawichig , nin gimikawa nin
manichtanichim gawanichingiban . — Kit
ininim , awachime bapinenimowiniwan
gijigong bejig metchi - ijiwebisid gweki-
tad tchi anwenindisod , eji bapinenimong
jangassimidana achi jangasswe meno - iji-
webisidjig enendagosissidjig tchi anwe-
nindisowad . — Gonima gaie awia ikwe
midasswabik jonia eiad , bejiwabik dach

wanitod , ka na osakaasin wassakwa-nendjigan , tchi tchigataiged wigiwam , weweni gaie tchi nandawabandang naianj igo tchi mikang ? Gimikang dach omawandonandoman wassokawadjin , owidjidakiwemaganan gaie , odinan dach : Widjibapinenimawichig , nin gimirikan nin joniam gawaniagiban. Kit ininim , mi tibichko Kije-Manito odan-jeniman gjigong tabapinenimowag , bejig metchi-ijiwebisid gwekitad tchi anwenindisod.

Giikito gaie Jesus : Bejig inini nijinigoban ogwissan. Egachiigoban ogiinan ossan : Nosse , mijichin inodewisiwin minik wedissikagoià̄n. Mi dach gaiji nenawinamawad odinodewisiwin. Wai-ba dach aw ochkinawe kakina omawandinan odinodewisiwin, madja dach, wassa ija; mi dach wedi kakina banatchitod odinodewisiwin bichigwatch-bimadisid. Api dach kakina gabanatchitod odaiaiman , mi iji kitchi bakadewiniwang ima

endanakiwining , madji dach kitimagisi. Anonigosi dach bejig ininiwan ima endanakiwining ; odininajawan dach okitiganiwigamigong , kokochan tchi ganawenimad; mi dach pagossenimod jigochkatchiganan tchi amwad , kokochan emwanidjin ; ka dach awia odachamigossin. Api nanagatawenindisod , ikito : Batinowan noss enonadjin , kakina dach kitchi nibiwa cdaianawan pak wejiganan , nin dach ni nib oma bakadeian ! Nin wi pasigwi , noss nin winasikawa , nin gatina dach : Nosse , nin gimatchi dodawa Kije-Manito , gaie kin dach ki gimatchi dodon. Ka win nin deapitendagosissi , kigwiss tchi igoiamban minawa ; kit anokitagewininim ejidodawad , iji dodawichin. — Pasigwi dach , ossan dach obiodissan. Megwa dach keiabi wassa bitad , ossan owabamigon , ojawenimigon dach , obigwachkonotagon okweganang , odjimigon dach. — Ogwissan dach odigon : Nosse , nin gimatchi dodawa Kije-

Manito, gaie kin dach ki gimatechi dodon; ka win nin deapitendagosissi kigwiss tchi igoiamban minawa. Ossan dach odinan odanokitagewininiman : Kekejdine bidog awachime onijiching babinsika-wagan, binsikonig dach; tedibinindji-bison binsikonig onindjing ; mitigwaki-sinan binsikonig osidang. Waninod dach pijikins binig, nissig gaie; wissinida, bapinenimoda : mabam ningwiss giniboban, minawa dach bimadisi; giwanichi-noban, minawa dach gimikawa. Madji dach bapinenimowad.

Sesikisinidjin dach kitiganing aiagoban; becho dach wigiwaming badagwiching, onondan pipigwewin, nimiiding gaie; onandoman dach bejig anokitagewiniwan, odinan dach : Anin iw enakamigak? Odinan dach : Kichime gidagwichin; koss dach waninonidjin pijikinsan oginissan; ogimikawan sa ogwissan menobimadisinid.—Nichkadisi dach, ka dach minwendasin wi pindi-

ged ; ossan dach bisagaam , bigagansomi-god. Odinan dach ossan : Kitchi nibiwa dasso bibon kit anokiton , ka gaie wika ki giagonwetossinon, ka dach wika gane-ge manichtanichens ki gimijissinan , tchi widjibapinenimomagwaban wassokawa-gig. Pabige dach aw kigwiss degwiching ganichiwanadjitod odinodewisiwin, gichi-chigwatch-bimadisid , ki ginitamawa waninod pijikins. Odinan dach : Ning-wiss , kaginig ki widigem ; kakina dach debendamàn ki dibendan gaie kin. Inendagwad dach tchi bapinenimoiang ; mabam kichime giniboban , minawa dach bimadisi ; giwanichinoban , mina-wa dach gimikawa.

Ningoting dach Jesus odanonadjin ogibiodissigon , ekitong : Awenen dach awachime naganisid ogimawiwining gjigong ? Jesus dach abinodjiian onan-doman , nawaiai dack ogabawian ,

aniikitod : Kit ininim , aiandjitossiweg ,
ki bimadisiwiniwa , abinodjiing tchi
inendagosiiieg , kawin ki gapindigessim
ogimawiwin ing gijigong . Wegwen ge-
tabassenindisowegwen , tibichko mabam
abinodji , mi sa aw getapitchi niganisid
ogimawiwin ing gijigong . Wegwen geja-
wenimagwen abinodjiian onow enenda-
gosinidjin , nind ijinikasowining , mi nin
jawenimid ; wegwen dach gematchi-
dodamoagwen abinodjiian daiebweta-
winidjin , awachime taonijichinini ,
bissibodjigarrabikon nabikonind , wipa-
kobiwebinind apitchi ginwindima kit-
chigami . Kitchi sanagad bimadisiwin
aking , osam batini matchi ijiwebisiwin .
Geget tadago matchi ijiwebisiwin , takit-
chi animisi dach aw metchi-ijiwebisiad
widj' anichinaben .

Iwapi Jesus c'giinan enonadjin , gi-
gimodowed : Ogi.mawiwin gijigong kit-
chi ogimang ijina gosiwan wenagindama-
god enokitagodjin . Api dach maiadjí

onagindamagod, bejig ininiwan bidowa mesinamagod midatching midasswak jonia; gego dach danissig tchi dibaamaged; odogimaman odonagimigon tchi atandiwind wiiaw, wiwan gaie, onidjanissan gaie, tchi dibaigadenig omasinaigan. Mi dach eji otchitchingwauitawad enokitagod nandotamawad, ekitong: Mano biichin, kakina ki gadibaamon. Odogimaman dach ojaweniman, opagidinan, omasinaigan gaie ominan.— Aw dach anokitagewinini anisagaang owabaman bejig widj' anokitagewininiwan mesinamagodjin ningotwak joniansan; mi dach eji mindjiminad ogondaganing, ekitong: dibaamawichlin mesinama wiiian. Aw dach widj' anokitagewinini odetchitchingwanitawan, odinan dach : Mano biichin, kakina ki gadibaamon. Ka dach obiassin; madja, mi dach eji kibakwawad, naianj igo tchi dibaang omasinai-gan. Widj' anokitagewiniwag dach, waiabandamowad endodaming, kitchi

ossitawendamog , biijiwindamowawad
debenimigowadjin kakina gaijiwebak.
Mi dach debenimigodjin eji nandomad ,
odinan dach : Matchi anokitagewinini ,
kakina ki masinaigan ki giminin , gaiji
nandotamawiiian. Ka na taiji onijichi-
sinon , tchi jawenimadiban kidj' anoki-
tagewinini , gaiji jaweniminan. — Oni-
chkadisiwan dach debenimigodjin ,
pagidinigod dach tchi kotagiind , naianj
kakina tchi dibaang omasinaigan. — Mi
go tibichko gaie Noss gijigong eiad ki
gadodagowa , kichpin enigokodeeieg
bonigidetawassiweg kikanissiwag met-
chidodonegog.

Iwapi Jesus ogiinan enonadjin ,
gigimodowed : Bejig inini kitchi danigo-
ban , omijinawemigoban ; awia dach ogi-
biwindamagon : Ki mijinawem obana-
tchitonan kit aiaiman. Onandoman dach ,
odinan : Wegonen nwandamàn enadjimigoian ? wabandaichin kit inanokiwin ;
kawin minawa ki gamijinawewissi.

Mijinawe dach ikito odeing : Anin gedodamàn? Nind ogimam ni mamag, nin mijinawewiwin. Kawin nin gachkitossi tchi bigokamigeigeiàn ; nind agatch tchi babanandotamegiàn. Nin kikendan gedodamàn saiagidjiwebinigoiàn nin mijinawewiwining, tchi pindiganigowadowigiwamiwang. Kakina dach onandoman odogimaman mesinamowadjin, odinan dach bejig : Anin minik mesinegeian nind ogimam? Ikiti dach : Ningotwak dasso dibaigan bimide. Odinan dach : Odapinan ki masinaigan, kekejdine namadabin, nanimidana dach ojibbiigen. Minawa dach bejig odinan : Kin dach, anin minik mesinaigeian? Ikiti : Ningotwak dasso dibaigan pakwejigan. Odinan dach : Odapinan ki masinaigan, ojibiigen dach nichwassimidana. Aw dach ogima ogiminwadjiman metchi-ijiwebisinidjin omijinaweman, ginibwakadodam; nawatch sa nibwakawag metchi-ijiwebisidjig wigachkitowad gego aking

endadog, meno-ijiwebisidjig eji nibwakawad. Nin dach kit ininim : kit inode-wisiwiniwa aiog, tchi jawenimagwa kidj' anichinabemiwa ; bwanawitoieg ki gaodapinamagowag kakige wigiwaming *gijigong*.

Minawa mandan gidibadjimo Jesus : Bejig inini kitchi danigoban, wenijichi-ninig miskwegin, wenijiching gaie pagiwaianegin agwiban, wenijiching gaie midjimigoban endasso *gijigak*. Bejig dach inini babanandotamagegoban, Lazare ijnikasogoban, odichkwandeming jingichinogoban, omigigoban. Nandotamagegoban tchi achamiud biwibitchiganan, ketchitwawisid inini odadopowining wendji pangissininig, ka dach awia ogiminigossin ; animochag dach gaie gibidagwichinog, gibinosk wadamagod odomigiwin. Nandotamagegoban dach gini-bo, gimadjiwidjigaso dach, Kije-Manito odanjeniman ogimadjiwigon, Abraham okakiganing *giijiwina*. Ginibo dach

gaie aw ketchi danigobanen, anamakan-mig dach kagige ichkoteng gining-wawa. Ichpiming dach inabi wissagendang, wassa dach owabaman Abraham, Lazaran gaie okakiganing. Bibagi dach ekitong : Nosse Abraham, jawenimichin, Lazare ininajaw, tchi tangagwindjitol onindj tchi takabawatod nin denaniw, nin wissagakis oma ichkoteng. Abraham dach odinan : Ningwiss, na-nagatawendan, megwa bimadisiian, gai-aian misi gego wenijiching, Lazare dach tibichko misi gego maianadak ; nongom dach mino-aia, kin dach ki wissagines. Mipi dach gaie nawaiai ninawind, kina-wa gaie apitchi kitchi ginwindima; missawa awia inendang, oma tchi ondji madjad, eiaieg tchi ijad, kawin odagachkitos-sin; kawin gaie wedi tchi ondji madjad, oma dach tchi bijad. Ikito dach : Kitiji nandotamon dach, nosse, tchi anonad Lazaré, noss endad tchi ijad ; nanani-wag nidjikiweiag, tchi wigagikimad

dach , tchi bijjassigwa oma kitchi wissa-gendamowining. Odinan dach Abraham: Odaianawa Moïse odibakonigewin, gani-ganikikendamogobanenag gaie oma-sinaiganiwan odaianawan; mi dach onow tchi babamitawawad. Ikito dach : Kawin, nosse Abraham ; bejig ganibod neiab odissigowad, taanwenindisowag, tamino-ijiwebisiwag. Abraham dach odinan: Kichpin babamitawassigwa Moïsan , ganiganikikendamogobanenan gaie , ka-win gaie odadebwetawassiwawan gani-bonidjin , missawa abitchiibad, odissigo-wad dach.

Iwapi Jesus ogiinan enonadjin , gigi-modowed : Ogimawiwin gijigong ini-ning ijinagosowan, saiagaaminid kigijeb , wi anonad anokiwininiwan ojomina-bokaning. Api dach nakwetagod anoki-wininiwan , jonians tchi minad bebejig endasso gijigak , ojominabokaning ogii-ninajawan. Nesso dibaiganeg minawa sagaam , owabaman anind nabawiidjin,

atawewining, kawingegoinanokissiwag, odinan dach : Ijaiog gaie kinawa nin jominabokaning, gawaiak igo ki gadibaamoninim. Mi dach eji ijawad. Minawa dach sagaam nengotwasso dibaiganeg, jaiangasso dibaiganeg gaie ; mi go minawa endodang, *anokiwininiwan anonad*. Minawa dach medasswe achi ningo dibaiganeg sagaam, owabaman anind nabawinidjin, odinan dach : Wegenen dach wendji gabawiieg oma kabegijig, kawin kit anokissim ? Odinawan : Ka awia nind anonigossinàn. Odinan : Ijaiog gaie kinawa nin jominabokaning. Wenagochig dach debendang jominabokan odinan omijinaweman : Nandom gaanokidjig, mij dach odibaamagowiniwan ; nitam mij ichkwatch gabiiadjig, ichkwatch dach mij nitam gabiiadjig. Badagwichinowad dach ogow, medasswe achi ningo dibaiganeg di gabiiadjig *wianokiwad*, minawag bebejig jonians. Badagwichinowad dach ogow, nitam

gabiijad jig wianokiwad, nawatch nibiwa
 nin gaminigomin, inendamog; minawag
 dach gaie winawa bebejig jonians.
 Gaodapinamowad dach jonians,
 omirdawamawan debendaminidjin,
 ekitong : Ogow ichkwatch gabiijad jig,
 ningo dibaigan eta gianokiwag, tibichko
 dach kit iji dibaamawag, eji dibaama-
 wiiang, gaanokiiang kabe-gijig, megwa
 kitchi kijateg. Oganonan dach bejig,
 odinan : Nikaniss ! kawin ki matchi-do-
 dossinon. Ka na ki giwindamossinon
 bejig jonians ? Odapinan kitaiaim, mad-
 jan dach; nin mina dach gaie aw ichk-
 watch gabiijad, kin eji mininàn. Ka na
 gwaiak nin dodasin, enendamàn igo doda-
 mân ? Ka na ki minwabissi, wabamian
 jawenimag bekanisid ? Mi tibichko ichk-
 watch biijad jig taniganendagosiwag,
 nitam dach biijad jig, taichkwa inenda-
 gosiwag. Nibiwa nandomawag, anind
 dach eta taowenabamawag.

Ningoting dach abinodjiian gibidawa,

Jesus tchi tanginad onindjing, tchi anamiad gaie ; enonadjin dach onichkasomawan banadjig abinodjiian. Jesus dach odinan : Mano nin gabinasikagog abinodjiag , kego kinaamawakegon ; ogow dowag odibendanawa ogimawiwin gijigong. Otanginan dach onindjing, mi dach eji madjad.

Bejig dach ininiwan ogibiganonigon ekitong : Kekinoamageian kejewadisiian , wegonen dach gemino-dodamàn , tchi gachkitoià̄n kagige bimadisiwin ? Jesus dach odinan : Wegenen : kejewadisid , wendji ijiian ? Bejig eta kijewadisi , mi sa Kije-Manito (1). Wipindigeian dach kagige bimadisiwining , ganawendant ganasongewinan. Odinan dach aw inini : Anin onow ? Jesus dach ikito : Kego nichiweken ; kego bichig-

(1) Gaie Jesus Kije-Manitowi anawi , bekich dach gaie ininiwi. Gaikitod oma , eji ininiwid giikito.

wadisiken ; kego gimodiken ; kego gagnawichkiken ; kitchitwawenim koss , kiga gaie ; sagi kidj'anichinabeg , tibichko eji sagiidisoian . Ochkinawe dach odinan : Nin giganawendan kakina onow eko bimadisiian ; wegonen minawa gedodamàn ? Jesus dach odinan : Kichpin inendaman , tchi apitchi mino-ijiwebisiian , atawen minik endaniian , ketimagisidjig dach mij , ki gakitchi danin gijigong ; biijan dach minawa , binopinajichin . Ochkinawe dach nwandang iwikitowin , mi ani madjad , kitchi kachkendam ; apitchi sa danigoban .

Jesus dach odinan enonadjin : Geget kit ininim , kitchi sanagad , awia ketchi danidjin ogimawiwining gijigong tchi wi ijad . Minawa kit ininim , nawatch wenipanad , kitchi awessi tchi jabolad jibaiag jabonigan , ketchi danid dach ogimawiwining gijigong tchi wi ijad . — Nwandomowad dach enonadjin iwikitowin , kitchi mamakadendamog , aniikit-

wad : Awenen dach gegachkitopan
gijigong tchi wi ijad? Jesus dach ogana-
wabaman , aniinad : Kawin awia bema-
disid oma aking odagachkitossin , giji-
gong tchi ijapan , win eta enendang ;
Kije-Manito dach kawin gego obwana-
witossin.

Iwapi dach Pierre odinan : Ninawind
dack kakina gego nin ginagadamin tchi
nopinanigoian; wegonen dach mechkwat
geaiaiang? Jesus dach odinan: Geget kit
ininim , kinawa minik nwapinajieeg , pa-
nima ajita-bimadising , anichinabe Og-
wissan (Jesus) ginamadabinid okitchit-
wawisiwining , gaie kinawa ki ganama-
dabim midasswe achi nij apabiwining ,
tchi dibakonindwa midasswe achi nij
dasswewan Israel. Wegwen genagada-
mogwen wigiwam , gonima gaie widjiki-
weian , odaweman gaie , gonima ossan ,
ogin , wiwan , gonima onidjanissan ,
gonima gaie kitiganan , nind ijinikaso-
wining ondji naganad , ningotwak dassing

awachime taminigo , kagige bimadisiwin
gaie ogagachkiton.

Bejig inini Pharisiewigoban, Nicodeme ijinikasogoban, ogimawigoban. Mi aw obiodissan Jesusan nibatibik , odinan dach : Kekinoamageian , nin kikendamin, Kije-Manito aiad kit ondjiba, wi bikikinoamageian ; kawin awia odagachkitossin mamakadakamig tchi dodang , endodaman , mi eta Kije-Maniton widjiwigod. Jesus dach odinan : Geget , geget kit inin , awia minawa andj nigissig , kawin odagachkitossin , Kije-Manito odogimawiwin tchi wabandang. Odinan Nicodeme : Anin dach awia gegiji nigid , api gekad ? Odagachkiton na minawa tchi pindiged ogin wiiawining , minawa tchi nigid ? Odinan dach Jesus : Geget , geget kit inin : Awia *nibing* giondji nigissig minawa , *Winijichid-Manitong* gaie giondji nigissig minawa , kawin odagacbkitossin , Kije - Manito odo-

gimawiwining tchi pindiged (1).

Iw nagimagak wiiass ondji, wiiass; iw dach nagimagak otchitchagoma ondji, otchitchagoma. Kego mamakadendangen ininan : Andj ki danigim. Waininani-mag ainanimad; ki nondan medweweg, kawin dach ki kikendasin wendjibamagad, ejamagad gaie; mi tibichko kakina, otchitchagoma wendji nigidjig. Nicodeme dach odinan : Anin gegijijiwebak iw? Jesus dach odinan : Kit ano kikinoamage Israeling, kawin dach ki kikendasin iw? Geget, geget kit inin, eji kikendamang nind inadjimomin; gaiji wabandamang gaie, nin gigitomin,

(1) Mi sa waikitowinagak iw: Awia sigaandasos-sig, kawin odagachkitossin gjigong tchi ijad. Mi eta awia *nibing* ondji nigid minawa, *Wenijichid-Manitong* gaie ondji nigid minawa, mi sa saga-andasod awia, daiebwetang gaie, aiandjitod gaie obimadiswin, odagatchkiton gjigong tchi wi ijad. Debweiendamowin, mino-ijiwebisiwin, sigaandadiwin gaie; mi sa *andji-nigiwin*; mi api Kije-Manito wenidjanissiminang, gasigaandagoiangon:

kawin dach kit odapinasinawa nin gigitowininàn. Aking endagog ki giwinda-moninim, kawin dach ki debwetawis-sim ; anin dach geiji debwetamegoban win damonagog gijigong endadog? Kawin awia gijigong gijjassi, win eta, gijigong wendjibad, anichinabe Ogwissan, (Jesus,) gijigong eiad (1).

Ningoting dach Jesus ogibosinajawan enonadjin, agàming tchi ijanid, ogimadjinajawan dach kakina anichinaben. Gamadjinajawad dach anichinaben, wadji-wing ija win nijike, wi anamiad. Wenagochig dach ima aia nijike. Nabikwanens dach nawagam agwinde ano bémiewebaang, ondichkawaamobanig sa. Eni wabaninig dach Jesus dagwichin, ogidibig anibimosse. Enonadjin dach api waiabamigod ogidibig bimossed, kitchi

(1) Kawin awia gijigong gijjassi, aiano mino-ijiwebisigobanen, Jesus bwa nibod. Win sa ki ginissakonamagonan gijig, api nessind tchibatiigong.

segisiwag, ikitowag dach : Tchibai aw. Bibagiwag dach segisiwad. Pabige dach Jesus oganonan : Kego segisikegon, nín sa nindaw, kego segisikegon. Pierre dach odinan : Debenimiiang, kichpin kin awiian, nandomichin tchi nasikonàn ogidibig tchi bimosseià̄n. Odinan dach Jesus : Ondas. Pierre dach eji nissatako-kid nabikwaning nibing, awi nasikawad Jesusan, ogidibig anibimosse. Waia-bandang dach kitchi nodininig, eji segi-sid, api dach waanigosabid, eji bibagid, ekitong : Debenimiiang, bimadjichin ! Pabige dach Jesus ojibiniketawan eji odapinad, odinan dach : Kitchi pangí ki debwetam! wegonen wendji debwetasi-wan ? Gidagwichinowad dach nabikwaning, mi eji bonanimak. Igiw dach nabikwaning eiadjig odanamietawawan Jesusan, ekitong : Geget Kije-Manito kit Ogwissimig.

Iwapi Jesus Jerusaleming ija ; nawaiai dach Samariiing, Galileing gaie bimosse.

Anipindiged dach bejig odenang, midass-we ininiwan wemiginidjin, onagichkagan; wassa ondji gabawiwag. Enigok ikitowag : Jesus, Kekinoamageian, ja-wenimichinam. Waiabamad dach odinan: Madjaiog, pagitchigewininiwag awi wa-bandaiweg kiiawiwan. Megwa dach bimossewad binisiwag. Bejig dach waia-bandang binisid, ajegiwe, epitoed o-kitchitwawinan Kije-Maniton; ani apagi-sod ochkinjigong Jesus osidang, oma-moiawaman. Samariwinini dach aw. Jesus dach odinan : Ka na midadat-chissiwag gabinisidjig? Anindi ogow jangasswe? Ka na awia tchi biajegiwed, Kije-Maniton tchi kitchitwawinad, mi eta mabam meiagisid? Odinan dach : Pasigwin, madjan; ki debweiendamowin ki ginodjimoigon.

Ningoting dach Jesus bidagwichin kitchi odenang Samariïng. Jacob dach odondaiban ima dago; Jesus aiekosid gibimossed, nakawe namadabi ondaiba-

ning, ningotwasso dibaiganeg. Ikwe dach Samariing biondjiba, binibinadid. Jesus dach odinan : Minaichin. (Enonadjin dach gimadjabanin odenang, wi gichpinadonid midjim.) Aw dach ikwe odinan Jesusan : Wegonen iw wendji kagwedjimiian Judawininiwiiian, tchi minainan nin Samariing endaji ikwewiiian ? Kawin sa wika Judawininiwag oganonassiwawan Samariwininiwan. Jesus dach odinan : Kekendamamban Kijemanito omigiwewin, kikenimadiban gaie aiawid nendotamok tchi minaad, gonima ki dagikagwedjima, ki dagiminig dach bemadak nibi. Odinan dach ikwe : Debenimiiang, kawin gego ki gwabaasin, ondaiban dach ginwanikade; anindi geondinamamban iw bemadak nibi? Awachime na kin kit apitendagos nossinan Jacob eji apitendagosid, gamijiamnid iw ondaiban, ogiminikwe dach win tibinawe, onidjanissan gaie, oda-wessiiman gaie? Odinan Jesus : Weg-

wen geminikwegwen iw nibi , minawa tanibagwe; wegwen dach geminikwegwen nibi , nin geminag , ka wika minawa tanibagwessi..... Ikwe dach odinan : **Debenimiiang** , mijichin iw nibi , tchi nibagwessiwān, kawin dach oma nin gabijassi wi nibinadiiān.

Jesus dach odinan : Madjan, ki nabem nandom, biijakan dach minawa. Ikwe dach ikito : Kawin nind onabemissi. Jesus odinan : Gwaiak ki giikit, kawin nind onabemissi, ekitoian. Nananiwag ki nabemag ; nongom dach aiawad inini , kawin kin kit onabemissinan. Gwaiak geget ki giikit. Ikwe odinan : Debenimiiang, nin wabandan, naganikikendang inini kitaw. Nossinanig ima wadjiwing ogianamietawawan Kije-Maniton ; kinawa dach kit ikitom , Jerusaleming gedaji anamietawangiban. Odinan Jesus : Ikwe, debwetawichin , dibaigan taodjitchisse , kawin ima wadjiwing, kawin gaie Jerusaleming ki gatanamietawassawa Weos-

simind. Kawin ki kikenimassiwa enamietaweg; ninawind dach nin kikenimanàn enamietawangid; jawendagosiwin sa Judeing taondjibamagad. Dibaigan taodjitchisse, nongom odjitchisse, api gwaiak enamiadjig ogatanamietawawan Ossiman, otchitchagong, debwewining gaie. Ossima onandawabaman iniw dinowan, tchi anamietagod. Otchitchagoma sa Kije-Manito, igiw dach enamieta-wadjig ogatanamietawawan otchitchagong, debwewining gaie. Ikwe dach odinan: Nin kikendan, Messie tchi dagwiching, (*mi sa aw nwadjimo inang*, Christ ejinikasod); api dach gedagwiching, kakina nin gawindamagonàn. Jesus dach odinan: Nin sa nindaw, ge-ganoninan nongom.

Mi dach iwapi degwichininid enonad-jin, ma makadendamog dach anonad ikwewan; kawin dach awia ikitossi: Wegenen wendji ganonad? Ikwe dach onagadan onimibagan, odenang dach

ija, odinan ima eianidjin : Biijaiog, biwabamig inini ; kakina gaiji dodamàn, nin giwindamag. Ka na Christ awissi ? Mi dach gisagaamog odenang, nasikawawad.

Enonadjin dach odinawan : Debenimiiang, wissinin. Odinan dach : Nind aian midjim gemidjiàn, kikendasiweg. Aidiwag dach : Awia na ogibidagon gemidjid ? Jesus dach odinan : Mi sa ni midjim, tchi dodamàn ejid aw gaanojid tchi gjitaiàn odanokiwin.

Kitchi nibiwa dach Samariwininiwan iw odenawing odondji debwetagon, gidibadjimigod ikwen, iw giinadjimonid : Kakina nin giwindamog gabijjiwebisiàn. Api dach Samariwininiwan baodissigod, okagwedjimawan tchi widigemigowad ; ogiwidigeman dach ima nijogwan. Nawatch dach nibiwa odebwetagon, win tibinawe odikitowin ondji. Odinawan dach ikwewan : Nongom nin debwetamin, kawin kin kit

ikitowin ondji; tibinawe ninawind nín nondawanàn, nin kikendamin, aw geget Christ awid, Nwadjiimoad anichinaben.

Iwapi Jesus ogiinan anind, gwaiāk nind ijiwebisimin, gainendangig, ogi-nichibapinenimawan dach iniw anind; ogiinan, gigimodowed: Nij ininiwag anamiewigamigong ijawag wi anamia-wad, bejig Pharisien, bejig dach ma-wandjigewinini. Pharisien nibawi, ow dach anamia odinendamowining: Kije-Manito, migwetch kit inin, ijiwebisissi-wàn, anichinabeg ejiwebisiwad iko, waiejingewad, matchi-dodamowad, bi-chigwadisiwad; gonima gaie mabam ma-wandjigewinini ejiwebisid. Nijing nin giigwichim ningo anamiegijigad; midat-ching nindaiaiman bejig ni mihiwe, minik endaniiān.— Mawandjigewinini dach wassa nibawi, kawin ganage ichpi-ming gijigong inabissi; pakiteodiso dach okakiganing, ekitong: Kije-Manito, ja-wenimichin, nin bataijiwebis.— Kit ini-

nim, Kije-Manito ogijaweniman iniw mawandjigewininiwan, omatchi-ijiwe-bisiwin ogigassiamawan; kadachwin iniw Pharisieian. Wegwen sa getichpenimog-wen wiiaw, tatabassendagosi; wegwen dach getabassenindisogwen, taichpendagosi.

Iwapi Jesus ogiodapinan midasswe achi nijnidjin enonadjin, ogiinan dach: Nongom Jerusaleming kit ijamin, kakin-a dach gaijibiigewad ganiganikikenda-mogobanenag, anichinabe Ogwissan tchi dodawind, kakina taijiwebad. Tapagidina sa enamiassigog onindjiwang, tabapinodawa, tabachajeowa, tasikwana; geichkwa bachajewawad dach organissawan, nissogijigadinig dach taabitchiiba.

— Ka dach bapich gego oginissitotasi-nawa, katchigadenigoban sa iw ikito-win, kawin ogikikendasinawa gadibadodangin. — Api dach Jesus becho Jerichoing badagwiching, bejig gegibing-wed inini tchigikana namadabi, nando-

tamage dach. Nwandang dach kitchi nibiwa anichinaben bimossenid, kag-wedwe : Wegenen iw? Owindamowan dach : Jesus Nazarewinini bimosse. Bibagi dach ekitong : Jesus, David wegossimig, jawenimichin ! Igiw dach naganidjid onibikiganonawan : bisan abin, odinawan. Awachime dach bibagi : David wegossimig, jawenimichin ! Jesus dach nogigabawi, anoki dach, tchi bii-jiwidawind. Api dach degwichimind okagwedjiman : Wegenen dach nendawendamawiiian tchi dodonàn ? Ikito dach : Debenimiiang, apegich wabiiàn, Jesus dach odinan : Wabin, ki debwei-endamowin ki ginodjimoigon. Pabige dach wabi, onopinanigon dach, Kije-Maniton anikitchitwawinan. Kakina dach anichinabeg waiabandamowad iw, okit-chitwawinawan Kije-Maniton.

Iwapi Jesus ogiganonan naganisinid-jin pagitchigewininiwan, Pharisieian gaie, gigimodowed, ekitong : Ogima-

wiwin gjigong kitchi ogimang ijinago-siwan , gaojitol wikongewin , ogwissan wi widigead. Odochkinigiman dach odanonan tchi nandomawad wakomindjig ; kadachwin bijjassiwag. Minawa anind odochkinigiman odanonan ekitong : Windamawig wakomindjig : Ambe , gjissin nin wissiniwin ; nin pajikimag , anotch gaie waninodjig ginissawag ; kakina gego gjissin ; biwissinig. Ka dach obabamendasinawa ; madjawag , bejig okitiganing ija , bejig dach odatawewigamigong. Anind dach otakonawan odochkinigiman , obapinodawawan , onissawan gaie. Kitchi ogima dach nwandang kitchi nichkadisi , ojimaganichiman dach odininajawan , mi dach eji nissawad iniw ganichiwenidjin , sakaamawawad gaie ododenawiniwan. Odinan dach odochkinigiman : Wikondiwin geget gjissin , ganandomagibanig dach kawin deapitendagosissiwag , tchi nandomindwaban. Mikanang dach ija-

iog , kakina dach gemikawegwa nandomig , tchi biijawad wikondiwining. Midach eji sagaainowad odochkinigiman mikanang, babamawandjiawad dach minik mekawawad , metchi-ijiwebisinidjin , meno-ijiwebisinidjin gaie ; apitchi dach wikondiwin mochkine wassnidjig. Kitchi ogima dach bipindige , wi wabamad wassnidjin. Owabaman dach ima bejig ininiwan , kawin wikondiwini-babinsikawagan odagwissin. Odinan dach : Nikaniss, anin dach gapindigeian oma, wikondiwini-babinsikawagan biagwissiwan ? Ka dach gego ikitossi aw. Kitchi ogima dach odinan odochkinigiman : Takobinig onindjing , osidang gaie, sagidjiwebinig dach kachkitibikak, gedaji mawiwad, gedaji mamadwe-abitechinowad gaie. Nibiwa nandomawag , anind dach eta taowenabamawag.

Iwapi Pharisieieg gimamawi-gigitowag, wi matchi gigitoawad Jesusan , wi batamawad dach. Odininajawan dach

odochkinigimiwan , anind gaie Herodianag (1), ekitong : Kekinoamageian , nin kikendamin , debweian eji kikinoageian Kije-Manito odijitwawin , ka awia ki gossassi , ka gaie awia awachime kit apitenirmassi. Windamawichinam dach , anin enendaman ? Gwaiak na ijiwebak , tchi dibaaming Cœsar (*kitchi ogima*) dibaamadiwin ? Jesus dach kekendang omatchi inendamowiniwan , ikito : Wego-nen wendji jobiiieg , enamiekasoiiieg ? Wabandaichig dibaamadiwini-jonia. Obi donawa dach bejig jonians. Odinan dach Jesus : Awenen oma mesinitchigasod , wejibiigasod gaie ? Odinawan : Cœsar sa (*kitchi ogima*). Odinan dach : Mij Cœsar , Cœsar debendang ; mij gaie Kije-Manito , Kije-Manito debendang.

Iwapi bejig kekendang dibakonige-win ogibikagwedjiman Jesusan , anicha wijobiad : Kekinoamageian , anin iw kit-

(1) *Herodianag* , mi sa ogow , *kitchi ogima* Herode debenimigowadjin.

chi ganasongewin dibakonigewining? Odinan Jesus : Debenimig Kije-Manito ki gasagia kakina kideing , kakina gaie ki tchitchagong , kakina gaie kit inendamowining. Mi sa iw awachime kitchi ganasongewin, awachime niganendagwad. Eko nijing dach mi go tibichko apitendagwad: Kidj'anichinabeg kilgasagiag eji sagiidisoian. Onow nij ganasongewinan mi kakina dibakonigewin , ganiganiki-kendangig gaie ogagikwewiniwan (1). — Pharisieieg dach gamawandjiidiwad , Jesus ogikagwedjiman , ekitong : Anin enendameg , awenen aw Christ ? Awenen wegossid ? Odinawan : David sa ogwissan. Odinan : Anin dach David

(1) Mi sa waikitowinagak iw : Kichpin dodaman gaiji angwamitagosid Kije-Manito onow nij oganasongewining (kichpin sa enigokodeeian Kije-Manito sagiad , eji sagiidisoian dach tchi sagiadwa kidj'anichinabeg) ; kakina ki gadodam eji angwamitagwak gaiat dibakonigewining , ganiganikikendangig gaie omasinaiganiwang.

naganikikendang, *nin Dibenimig*, inind, ekitong : Debeniminang ogiinan Debenimid, namadabin nin kitchinikang, naianj tchi assagwa jangenimikig ana-maiai kisidang ? Kichpin David *Debenimig* enad, anin gegiji ogwissid ? Kadach awia bapich ogigachkitossin tchi nakwetawad ; kawin gaie awia minawa ogibikagwedjimasson gego, iw gjigad ondji.

Iwapi Jesus ogiinan enonadjin : Ki gawabandam gego gagwanissagendag-wak, Daniel ganiganikikendang gaiji dibadodang, tchi ateg kitchitwawining, (wegwen gewabandamogwen masinai-ganig, mano organissiton). Mi dach iwapi Judeing endadjig, mano wadji-wing tainijimowag. Wegwen dach ogitigamig eiagwen, kawin tabinissandawessi tchi sagisitod gego endad. Wegwen dach kitiganing eiagwen, kawin tabigiwessi, obabinsikawagan tchi nadid. Takitchi animisiwag dach ikwewag, ge-

gigichkawadjig abinodjiian , genonawassodjig gaie iwapi. Anamiaiog tchi sagidjinajoogossiweg bibong , gonima gaie anwebiwinigijigak. Takitchi sanganad iwapi , ka wika giijiwebassinon eko akiwang naianj igo nongom , ka gaie wika taijiwebassinon. Mi eta onow gijigadon tchi takwatong , ka awia tanodjimossi ; igiw gaowenabamindjig geondji takwatong onow gijigadon. Kichpin dach iwapi awia geinineg : Ambe , oma Christi , gonima gaie : iwidî ; kego debwetangegon ; tabinagosiwag sa geginawichkidjig Christag , geginawichkidjig gaie naganikikendangig ; anotch kitchi maman-dadodamowinan ogawabandaiwenawa ; potchige gaowenabamindjig kega tawaiejimawag , (ka dach wika taijiwebossinon iw). Kija sa ki giininim. Kichpin dach geinineg : Ambe , bagwadakamig aia , kego wedi ijakegon ; ambe , pindig aia , kego debwetangegon : Tibichko wassamowin wabanong biondji-

biteg, gijigatesseg nigabeanong; mi tibichko getijiwebak, api anichinabe Ogewissan (Jesus) bidagwiching. Tibi go wiiaw tchi ategwen, mi ima migisiwag tchi mawandjiidiwad. Babige dach giickwa sanagad onow gijigadon, gisiss takitchi tibikisse, tibikigisiss dach kawin tagijigateSSI; anangwag dach gijigong taondji pangichinog, machkawisiwinan dach ichpiming taniningichkawan. Mi dach iwapi tchi nagwad ichpiming anichinabe Ogewissan okikinawadjowin; mi dach kakina anichinabeg endassowin-sowad tchi mawiwad, ogawabamawan anichinabe Ogewissan tchi bidagwiching anakwadong ichpiming, kitchi machkawisiwining, kitchitwawisiwining gaie. Ogaininajawan dach odanjeniman tchi madwetowad botadjiganan; ogamawandjiawawan dach gaowenabaminidjin onina aking eianidjin enigokwag aki. Mi dach mitigong tchi ondji kikinoamagoieg: odikwanan api nwakigikin, sagibagak

gaie , ki kikendanawa , nibin becho dago. Mi tibichko api gewabandameg kakina onow , ki gakikendanawa , jaigwa becho , *tanassag ichkwandeming tchi ichkwa akiwang*. Geget kit ininim , kawin kakina nongom bemadisidjig tanibossiwag , tchi bwa ijiwebak kakina iw. **Gijig** , aki gaie taichkwa-atewan , nind ikitowinan dach kawin wika taichkwa-atessinon.

Ningoting dach Jesus biija anamiewiga-migong Jerusaleming , kakina dach anichinaben obiodissigon ; namadabi dach , gagikimad. Ojibiigewininiwag dach , Pharisieiaq gaie obinawan ikwewan , gatikonind megwa bichigwadisid , nawaiai dach odassawan ; odinawan dach Jesusan : Kekinoamageian , mabam ikwe nongom gitakona megwa bichigwadisid ; Moïse dach nin giigonan dibak onigewining , aw dow a tchi bimossinaind. Kin dach anin ekitoian ? Ikitowag dach iw tchi wi jobiawad , tchi wi batamawad .

dach. Jesus dach naweta , ojibiiged mitchaiai , onindj odaion. Api dach keiabi kagwedjimawad, pasigwita, odinan dach: Wegwen endachiieg bataijiwebisissig-wen , mi aw nitam assin getapaginad. Minawa dach naweta, ojibiiged mitchaiai. Ganondamowad dach iw , kakina bebe-jig anisagaamog, sesikisidjig nitam; Jesus dach nijke nagana, ikwe dach gaie nawaiai ondji nibawi. Jesus dach pesig-witad odinan : Ikwe , anich ogow ba-iatamikig ? ka na awia tchi banadjimig ? Ikito : Ka awia , Debenimiiang. Jesus dach ikito : Kawin gaie nin ki gabanad-jimissionon. Madjan , kego dach minawa matchi ijiwebisiken.

Iwapi Jesus ogiinan Judawininiwan , naganisinidjin gaie pagitchigewinini-wan : Awenen aw endachiieg tchi kike-nimid , gibatadiiān ? Kichpin dach deb-weiān , wegonen wendji debwetawissi-weg. Kije-Manito saiagiad , Kije-Manito odikitowinan ominotanan ; mi wendji

minotawassiweg , kawin Kije-Manito ki sagiassiwa. Judawininiwag dach onak-wetawawan , aniiyawad : Ka na gwaiak nind ikitossimin: kin Samariwininiwiian, matchi manito gaie kit aiawa? Jesus na-kwetam : Kawin matchi manito nind aiawassi ; Noss nin kitchitwawenima , kinawa dach kawin ki kitchitwawenimissim. Kawin nin nin nandawabasin nin kitchitwawisiwin ; bejig aia nendawabandang, debakonang gaie. Geget , geget kit ininim, awia genawendang nind ikitowin , kawin wika nibowin ogawabandasin. Ikitowag dach Judawininiwag : Nongom nin kikendamin , matchi manito aiawad ; Abraham ginibo , ganiganikikendamogobanenag gaie ginibowag; kit ikit dach : Awia genawendang nind ikitowin , kawin wika nibowin ogakikendasin. Awachime na kit apitendagos , epitendagosigobanen nossinan Abraham, ganibod? ganiganiki-kendamogobanenag gaie ginibowag.

Awenen aiawiidoian? Jesus nakwetam: Kitchitwawenindisoian, ka gego awasinnon nin kitchitwawisiwin; Noss nin kit-chitwawenimig, mi sa aw: nin Kije-Mannitominan, eneg. Kawin dach ki kikenimassawa; nin dach nin kikenima. Kichpin: Kawin nin kikenimasssin, ikittoiān, nin dagaginawichk, kinawa eji gaginawichkiieg. Nin kikenima, odikitowin gaie nin ganawendant. Kossiwa Abraham giminawanigwendam, wi wabandang nin gjigadom; ogiwabandan, gibapinenimo dach. Judawininiwag dach odinawan: Ka machi nanimidana ki dasso bibonagisissi, Abraham dach ki giwabama? Odinan dach Jesus: Geget, geget kit ininim, Abraham bwa gaiiad, nind aia. Mi dach eji mamawad assinin wi bimossinaawan. Jesus dach kasoidiso, sagaam dach anamiewigamigong.

Megwa Jesus anibimossed ningoting, owabaman ininiwan gegibingwenidjin

gaako nigid. Enonadjin dach okagwedji-mawan ekitong : Kekinoamageian, awen-nen gamatchi dodang, win na, gomima onigiigon, iw dach wendji gagibingwe-nigigoban? Jesus dach ikito : Kawin mabam inini gimatechi dodasin, kawin gaie onigiigon ; Kije-Manito omamandado-damowin tchi wabandamawind, mi gaondji gagibingwe-nigid. Nin nin gado-dam win gabiiininajood ododamowinan, megwa gjigak ; tadagwichinomagad ti-bikak, tebikakin dach kawin awia ogach-kitossin tchi wi anokid. Epitch aiaian aking, nin wassechkan aki.

Gaikitod dach iw, mi eji sikod mit-chai, ajichki dach odondji ojiton siko-waganing, odiji sinigwingwebinad dach gegibingwenidjin, anuinad : Madjan, wi kisibingwen bitobigong Siloe, (mi sa ekitomagak : Eninajoond.) Madja dach, kisibingwed, bagiwed dach biwabi. Wad-jidanakiwemadjin dach, ogow gaie ga-wabamapanig gaiji nandotamaged, ikito-

wag : Ka na awissi aw namadabipan iko nandotamaged ? Anind ikitowag : Mi aw. Anind dach ikitowag : Kawin win, mi tibichko ejinagosid eta. Win dach ikito : Ningocha nindaw. Odinawan dach : Anin dach eji wabiiān ? Ikito : Aw sa inini, Jesus ejinikasod, ajichki ogiojiton, mi dach gaiji sinigwingwebinid, nindig dach : Madjan bitobigong Siloé, kisibingwen dach. Nin giija dach, nin gikisibingwe, mi dach eji wabiiān. Odinawan dach : Anindi aiad aw ? Ikito : Endogwen.

Pharisieiaq dach endawad odijiwina-wan gegibingwenipan. Gianwebiwini-gijigad dach api Jesus giojitol ajichki, giwabiad dach. Minawa dach Pharisieiaq okagwedjimawan : Anin eji wabiiān ? Odinan dach : Ajichki ogiaton nichkin-jigong, nin gikisibingwe dach, mi dach eji wabiiān. Anind dach Pharisieiaq ikitowag : Kawin aw inini Kije-Manito aiad ondjjibassi, kawin sa organawenda-sin anwebiwinigijigad. Anind dach iki-

towag : Anin dach metchi-ijiwebisid
inini gegiiji gachkitopan mamakadaka-
mig tchi dodang ? Bebakan dach gigi-
towag, bebakan gaie inendamog.

Minawa dach odinawan gegibingwe-
nipan : Kin anin enad aw gawabiig ?
Ikito dach : Naganikikendang sa aw.
Kawin dach Judawininiwag debwetasi-
wag, tchi gigagibingwed aw, wabid dach ;
mi dach eji nandomawad onigiigon ,
okagwedjimawan dach : Mi na aw kig-
wissiwa ? gigagibingwe-nigid , eneg ?
Anin dach nongom eji wabid ? Odina-
wan dach onigiigon : Nin kikendamin ,
mi aw ningwissenan , gigagibingwe-nigi
dach gaie. Kawin dach nin kikendasi-
min , namandj wabigwen ; kawin gaie
nin kikenimassinan , wegwenan gawa-
biigogwenan ; win igo kagwedjimig , ni-
tawigi , win sa go tadibadjimo , gaijiwe-
bisid. Mi sa wendji ikitowad iw onigii-
gon , gossawad Judawininiwan , jaigwa
sa Judawininiwag gimamawi ikitowag :

Kichpin awia ikitod : mi aw Christ , tasagidjiwebinigo kikinoamadiwigamigong. Mi wendji ikitowad onigiigon : Nitawigi, win igo kagwedjimig.

Minawa dach onandomawan ininiwan gegibingwenipan, odinawan dach : Kije-Manito kitchitwawenim; nin kikeniman aw inini, bataijiwebisid. Odinan dach aw: Endogwen baiataijiwebisigwen; bejigwan nin kikendan : nin gagibingwenaban, nongom dach nin wab. Odinawan dach minawa : Anin gadodog ? Anin gaijiwabiig ? Onakwetawan : Mewija ki giwindamoninim, ki ginondam gaie ; wegonen minawa waondji nondameg ? Kit inendam na gaie kinawa tchi babamitaweg ? Mi dach eji kitchi matchi inawad, ikitowag gaie : Kin babamitaw, ninawind dach Moïse nin babamitawan. Nin kikendamin, Kije-Manito gigaganonad Moïsan; aw dach (*Jesus*) kawin nin kikenimassinan tibi wendjibagwen. Aw dach inini gegibingwenipan odinan :

Kitchi mamakadendagwad kikenimassiweg tibi wendjibagwen , nin giwabiig dach. Ki kikendamin , Kije-Manito nondawassig baiatadinidjin ; kichpin dach awia nita - anamietawad Kije-Maniton , weweni gaie babamitawad , mi sa iniw nwandawadjin Kije-Manito. Eko akiwang ka wika giijinondasim , awia tchi wabiad gagibingwe-niginidjin. Kije-Manito aiad ondjidbassig aw inini , kawin odagachkitossin ningotino tchi dodang.

Odinawan dach : Ondjita matchi-iji-webisiwining ki giondji nig , ki wigagi-kimimin dach ? Mi dach eji sagidjiwebinawad. Jesus dach nondam gisagidjiwebinawad , mikawad dach odinan : Ki debwetawa na Kije-Manito Ogwissan ? Iquito : Awenen aw , Debenimiiang , tchi debwetawag ? Jesus dach odinan : Ki giwabama ; genonig , mi sa aw. Iquito dach: Nin debwetam , Debenimiiang. Mi dach eji otchitchingwanitawad , anamietawad.

Minawa dach ningoting Jesus gigimodowe, ekitong : Ogimawiwin gijigong midasswe ochkinigikwewag taijinagwad, gaiji odapinamowad owassakwanendjiganiwan, gisagaamowad, wi nagichkawawad wawidigenidjin. Nanan nibwakawag, nanan dach gagibadisiwag. Gegibadisidjig ododapinanawan owassakwanendjiganiwan, ka dach gego bimide omadjidossinawa . Nebwakadjig dach bimide omadjidonawa odomodaiwang, gaie dach wassakwanendjiganan. Megwa dach bwa dagwichininid wawidigenidjin, kakina gibingwachiwag, nibawag gaie. Aiabita-tibikak dach awia madwe-nondagosi : Ambe, wawidigel dagwichin, bisagaamog tchi nagichkaweg. Mi dach kakina igiw ochkinigikwewag eji lonichkawad, nanaitowad owassakwanendjiganiwan. Gegibadisidjig dach odinawan nebukanidjin : **Mijichinam** pangī bimide, atewan sa nin wassakwanendjiganinanin. Nebwakad-

jig odinawan : Gonima kawin tadebis-sessinon, ninawind, kinawa gaie tchi aiaiang, nindawatch etawedjig endawad ijaiog, tchi wi gichpinadoieg. Gamadjawad dach wigichpinadowad, wawidiges dagwichin ; mi dach igiw ga ijitadjig aniwidjiwawad wawidigenidjin, anipindigewad widigendiwini-wikondiwinning, ichkwandem dach kibakwaigade. Ichkwatch dach gegibadisidjig odochkinigikwewag dagwichinog, ekitong : Debenimiiang, Debenimiiang, pakakonamawichinam. Iquito dach : Geget kit ininim; kawin ki kikenimissinonim. — Akowabig sa go, kawin ki kikendasinawa gijigad, ka gaie dibaigan, (*api geniboieg, api genasikaweg Jesus tchi dibakonigoieg*).

Minawa bakan gigimodowe Jesus ekitong : Bejig inini wassa waijad onandoman odochkinigiman, oganawendaiwen otibinawewisiwin. Bejig naning midass-wak jonia ominan, bejig dach nijing

midasswak , minawa bejig ningoting midasswak ; bebejig sa ominan eji nibwakawad. Gaichwa minad dach , madja. Mi dach eji madjad aw naning midasswak jonia gaminind , babaatawed , mi dach minawa bakan naning midasswak gachkitod. Mi tibichko gaie win nijing midasswak gaminind , minawa bakan nijing midasswak ogachkiton. Aw dach ningoting midasswak gaminind , madja , iji waniked aking , mi dach ima kadod debenimigodjin ojoniamini.

Kitchi wika dach debenimigowadjin iniw anokitagewininiwan dagwichin , okagwedjiman dach kakina. Nitam obinasikagon iniw naning midasswak jonia gaminind , minawa bakan naning midasswak jonia obidon , ekitong : Debenimiiang , naning midasswak jonia kigimij , minawa dach naning midasswak nin gigachkiton. Debenimigodjin dach odigon , Geget ki mino-ijiwebis , gwaiak gaie kit anokitaw ; weweni ki giganawendan

pangi gego, kitchi nibiwa dach nongom ki gadibendan; pindigen Debenimig ominawanigosiwining.

Bija dach gaie aw nijing midasswak jonia gaminind, ekitong : Debenimiiang, nijing midasswak jonia ki gimij, minawa dach nijing midasswak nin gigachkiton. Debenimigodjin dach odigon : Geget ki mino-ijiwebis, gwaiak gaie kit anokitaw ; weweni ki giganawendant pangı́ gego, kitchi nibiwa dach nongom ki gadibendan; pindigen Debenimig ominawanigosiwining.

Aw dach ningoting midasswak jonia gaminind, bija, ekitong : Debenimiiang, ki kikenimin sanagisiian, mamaian ima gikitigadasiwan; mawandonigeian gisas-wewebinigessiwan. Nin gigotadj dach, nin giwikadon aking ki joniam; mi mandan kitaiaim. Debenimigodjin dach odigon : Metchi anokitagewininiwiian, ketimichkiian; ki ikendan mamoiian ima gikitigadasiwan; mawandonigeian

gisaswewebinigessiwàn. Ki dagimadjidon nin joniam kitchi-atawewininiwag aiawad, dagwichinàn dach nin dagiaià̄n nindaiaim, nawatch gaie nibiwa. Apagidig kachki tibikak aw anokitagewinini, ningot inabadissig, gedaji mawiwad, gedaji mamadwe-abitechinowad gaie.

Api gedagwiching anichinabe Og-wissan (Jesus) okitchitwawenda gosiwinning, (*mi sa ichkwa akiwang*), ogabiwidjiawan kakina odanjeniman, mi dach iwapi genamadabid okitchitwawinamadabiwining. Kakina dach tamawandjiidiwag anichinabeg ejiwinsodjig, nijing dach Jesus kakina ogatijigabawian anichinaben, mi tibichko manichtanichiwinini eji nanawinad manichtanichan, matchi-manichtanichan gaie. Okitchinikang dach ogatassan manichtanichan, onamandjinikang dach ogatassan matchi-manichtanichan. Mi dach kitchi ogima (Jesus) getinad iniw okitchinikang getabinidjin : Bimadjag kinawa, Noss saia-

giineg, odapinamog ogimawiwin, kinawa gaondji ijitchigadeg, maiadjiojitong aki. Gibakadeiàn, ki giachamim; ginibag-weiàn, ki giminaim; gimaiagisiiàn, ki gipindigajim; gipingwachagidiiàn, ki giagwiim; giakosiiàn, ki gibimawadi-chim; gikibakwaigasoiàn, ki gibiodi-chim. Meno-ijiwebisidjig dach organak-wetawawan, ekitong : Debenimiiang, aniniwapi gawabamigoian gibakadeian, gaachamigoian dach? ginibagweian, gaminaigoian dach? Anin dach api gawa-bamigoian gimaiagisiian, gapindigani-goian dach? gonima gipingwachagidiian, gaagwiigoian dach? Anin dach api ga-wabamigoian giakosiian, gonima giki-bakwaigasoian, ganasikagoian dach? Kit-chi ogima dach (Jesus) ogatinan : Geget kit ininim, minik gaiji dodaweg igiw nikanissag, missawa bebiwijinidjig, (*misakakina anichinabeg*), nin igo ki gi-dodawim.

Ogatinan dach gaie iniw onamandjini-

kang genibawinidjin : Wini madjag ,
matchi-aiaawichidog , kagine ichkoteng ,
matchi manito gaondji ijitchigadeg ,
iniw gaie enokitagodjin. Gibakadeian ,
kawin ki giachamissim ; ginibagweian ,
kawin ki giminaissim ; gimaiagisiiān ,
kawin ki gipindiganissim ; gipingwa-
chagidiān , kawin ki giagwiissim ; giao-
kosiiān , gikibakwaigasoian gaie , kawin
ki gibimawadichissim. Oganakwetawan
dach gaie winawa , ekitong : Debe-
nimiiang : aniniwapi gawabamigoian
gibakadeian , gonima ginibagweian ,
gonima gimaiagisiiān , gonima giping-
wachagidiān , gonima giakosiian , goni-
ma gikibakwaigasoian , kawin dach ki
gijawenimigossi? Oganakwetawan dach:
Geget kit ininim , minik gaiji doda-
siweg igiw bebiwijinidjig (*mi sa kakina
anichinabeg*) , nin igo ki gidodawissim .

Mi dach metchi-ijiwebisidjig kagine
kotagisiwining getijawad ; meno-ijiwe-
bisidjig dach kagine bimadisiwining .

Ningoting gaie giikito Jesus : Nindaw mikana, nindaw debwewin, nindaw bimadisiwin. Kawin awia Nossan obiodissassin, mi eta nin ondji. Kichpin *weweni* kikenimiiegoban, ki dagikikenimawa gaie Noss ; mi sa nongom tchi kikenimeg ; ki giwabamawa. Odinan dach Philippe : Debenimiiang, wabandaichinamKoss, mi dach tchi debiigoiang. Jesus odinan : Kitchi ginwenj ki dana-kiwidjininim, ka dach machi ki kikenimissim. Philippe, win waibamid, owa-baman gaie Nossan. Anin iw wendji ikitoian : Wabandaichinam Koss ? Nin gigichkawa Noss, gaie dach Noss nin gigichkag.

Iwapi Jesus ogiinan enonadjin: Awia saiagiad ogaganawendan nin gagikwe-win, Nossan dach ogasagiigon, nin gabinasikawanan tchi biwidigemangid. Aw dach saiagiissig, kawin organawendasinan nin gagikwewinan. Gagikwewin dach ganondameg, kawin nin diben-

dasin, Noss sa gabiininajood odibendan. Ki giwindamoninim iw megwa widjiwinagog ; win dach Swangideechkawid Wenijichid-Manito, Noss getininajawad nind ijinikasowining , win ki gagagiki-migowa kakina , ki gamikawamigowa gaie kakina gegiininagog.—Wanakiwin ki nagadamoninim , nin wanakiwin ki mininim , kawin anichinabeg eji migi-wewad, kitiji minissinoninim. Kego os-sitawendangegon kideiwang , kego gaie segisikegon. Ki ginondàm gaininagog : Nin madja , minawa dach ki gabiodissi-nim. Kichpin sagiiiegoban , geget ki dabapinenimom , Noss **nin** nasikawa ; awachime sa Noss apitendagosi , epitendagosiiàn (1). Kija kit ininim tchibwa odjitchisseg ; api dach geodjitchisseg

(1) Jesus Kije-Manitowi , bekich gaie anichinabewi ; mi dach eji anichinabewid Jesus , giikito iw : *Awachime Noss apitendagosi , epitendagosiiàn*. Eji Kije-Manitowid dach Jesus , mi tibich-

tchi debweiendameg. Nongom kawin gwetch nibiwa ki gagaganonissinoninim; bidagwichin sa aw, *matchi* anichinabeg debenimigowadjin; ka dach nin bapich nin dibenimigossi. Mi sa tchi kikendamowad anichinabeg, saiagiag Noss; gaiji angwamimid Noss, mi go eji dodamàn.

Minawa dach Jesus ogiinan enonadjin : Noss eji sagiid, mi eji sagiinagog; mojag aiaiog nin sagiiwewining. Kichpin ganawendameg nin ganasongewinan, mojag ki gataiam nin sagiiwewining; gaie nin ninganawendanan Noss oganson gewinan, mojag dach osagiiwewining nind aia. Mi iw gaondji ininagog, ni minawanigosiwintchi mochkinechkagoieg, tchi apichi minawanigosiiieg. Mi sa iw nin ganasongewin : Sagiidig eji sagiinagog. Mi sa iw awachime kitchi sagiidiwin,

ko apitendagosid, Ossan epitendagosinid; bejigo ma Kije-Manito.

kichpin awia pagidinang obimadisiwin ,
widjikiweian ondji. Kinawa kit owidji-
kiweimininim , kichpin dodameg eji ga-
gikiminagog.

Iwapi Jesus ogiinan enonadjin : Api
gedagwiching aw Swangideechkawid ,
(*misa Wenijichid-Manito*), win gebiond-
ji ininajaamonagog Noss aiad , win Deb-
wewini-Manito , Nossan wendjibad , win
nin gadibadjimig. Kinawa gaie ki gadi-
badjimim , waiechkat ma kit ondji wid-
jiwim. — Ki giininim dach iw , tchi mat-
chi inendasiweg. Ki gasagidjiwebinigo-
wag sa kokinoamadiwigamigong ; taod-
jitchisse dach gaie iw tchi ijiwebak ,
awia genissineg ; nind anokitawa Kije-
Manito , tainendam. Mi sa geondji dodo-
negwa , kawin okikenimassiwawan Nos-
san , ka gaie nin ninkikenimigossig. Ki gi-
windamoninim dach , api iw tchi odjitchis-
seg , tchi mikwendameg giininagog .

Iwapi Jesus ogiinan enonadjin : Nin
nasikawa gabiiininajood , kawin dach

awia endachiieg nin kagwedjimigossi : Anindi ejaian ? Giinagog iw , kachkendamowin ki mochkinechkagonawa ki-deiwang. Nin debwe dach , iw eji windamonagog : awachime taonijichin madjaiān ; kichpin madjassiwan , kawin aw Swangideechkawid ki daodissigossiwa ; kichpin dach madjaiān , ki gabiiininaja-amoninim. Api dach gedagwiching aw , ogananibikiman anichinaben , batadowin , gawaiak-ijiwebisiwin , dibakonigewin gaie ondji. Batadowin ondji , kawin sa nin debweienimigossig. Gawaiak-ijiwebisiwin dach ondji , Noss nin nasikawa , kawin dach keaibi ki gawabamissim. Dibakonigewin dach ondji , *matchi* anichinabeg debenimigowadjin mewija gidibakonigaso. — Keiabi nibiwa ki wi ininim , ka dach nongom ki gachkitossim tchi nissitotameg. Api dach gedagwiching aw Debwewini-Manito , ki gagikinoamagowa kakina debwewin ; kawin sa win enendang tagigitossi , genon-

dang mi iw gegigitod ; ki gawindama-gowa getanidagwichinomagakin. Win nin gakitchitwawiig ; ogaodapinan sa debendamàn tchi windamonagog.

Iwapi Jesus ogiinan enonadjin : Nagatch kawin ki gawabamissim , minawa dach nagatch ki gawabamim , Noss aiad nind ija. Anind dach enonadjin iji ganonidiwad : Wegonen iw eninang : Nagatch kawin ki gawabamissim , minawa dach nagatch ki gawabamim ; iw gaie : Noss aiad nind ija ? Ikitowag : Anin iw ekitod : Nagatch ? Kawin nin kikendasimin ekitod. Jesus dach okikendan wi kagwedjimawad , odinan dach : Mi wendji kagwedjindiieg giikitoian : Nagatch kawin ki gawabamissim , minawa dach nagatch ki gawabamim. Geget, geget kit ininim , ki gamawim , ki gakitchi mawin , anichinabeg dach tabapinemowag , kinawa dach ki gakachkendam , ki kachkendamowiniwa dach tchi bapinenimowiniwang. Ikwe megwa na-

giawassodjin , kotagendam , gidagwichi-nomagad sa odibaigan ; pabige dach ginigiad abinodjiian , kawin keiabi mind-jimendasin kotagitown , bapinenimo , anichinabeginigidaking. Kinawa dach gaie ki kachkendàm nongom, minawa dach ki gawabamininim , ki gabapinenimom dach kideiwang , kawin dach awia ki gamikamigossiwa ki bapinenimowiniwa.

Jesus bimossegoban Jerichoing ; bejig dach inini , Zachée ijinikasogoban , mawandjigewinini-ogimawigoban , kit-chi danigoban gaie ; wi wabamagoban Jesusan , ka dach ogigachkitossin , osam nibiwa anichinabeg owidjiwawagoban Jesusan , wiu dach Zachée kitchi takosigoban. Giniganibato , mitigong dach giikwandawe , wi wabamad Jesusan , ima sa wi bimossegoban. Jesus dach deg-wiching ima , ichpiming inabi , owabaman , odinan dach : Zachée , kekejdine binissandawen ; endaian sa nin wi aia nongom. Kekejdine dach nissandawe ,

owigiwaming dach opindiganan Jesusan , minawanigwendang.

Anichinabeg dach waibandamowad iw , kawin minwendasiwag , ikitowag : Metchi-ijiwebisid inini owigiwaming gipindige. Zachée dach odinan Jesusan : Debenimiiang abita, nindaiaiman nin wi minag ketimagisidjig ; kichpin dach awia gawaiejimawagwen , niwing awachime neiab nin wi mina. Jesus dach odinan : Nongom gjigak jawendjigewin gidagwichinomagad mandan wigiwaming ; gaie win sa bejig Abraham ogwissan. Mi sa gabiondji ijad anichinabe Ogwissan (Jesus) oma aking , kakina wenichininidjin tchi nandawabamad , tchi nodjimoad gaie.

Minawa dach Jesus ningoting gikitchi mamandadodam , ogiabitchiibaan sa ganibonidjin. Bejig inini , Lazare ijinikasogoban, akosigoban Bethaniing, Marthe, widigikwan Marie gaie ododenawiniwang. Lazare dach, Marthe, Marie gaie

odawemagoban. Mi dach odaweman gaondji ininajawad awia, tchi inad Jesusan : Debenimiiang, saiagiad akosi. Jesus dach nwandang iw, ikito : Iw akosiwin kawin tchi nibong inendag-wassinson, Kije-Manito eta tchi ondji kitchitwawenimind, Kije-Manito Og-wissan tchi ondji kitchitwawenimind.

Jesus dach sagiagoban Marthan, widigikwan gaie Mariian, Lazaran gaie. Nwandang dach akosinid, keiabi nijogwan aia iwidi. Gaichkwa aiad odinan enonadjin : Judeing minawa ijada. Odinawan dach : Kekinoamageian, Judawininiwag anomai aki wibimossinaigobanig, minawa dach iwidi kit ija ? Jesus odinan : Ka na midasswe achi nijo dibaignessinon gijigak ? Awia gijigak bimossed, kawin pakitechisi ; owabandan sa wasseianig aking. Kichpin dach nibatibik bimossed, pakitechin ; kawin sa wasseia ogigichkasin. Gaikitod dach iw, odinan : Kidjikiweinàn Lazare niba ;

nind ija dach iwidi wi amadinag. Odina wan dach enonadjin : Debenimiiang , kichpin nibad , tanodjimo. Jesus dach iw gaidang onibowini ; anicha niba , mi gaikitod , giinendamog dach ; mi dach Jesus eji windamowad weweni : Lazare ginibo. Nin dach kinawa nind ondji bapinenim ima gaiassiwàn , tchi ondji debwetameg. Ambessa nasikawada. Thomas dach , Didyme ejinikanind , odinan widj' anonadjin : Ijada gaie kina-wind , tchi widjinibomang.

Mi dach Jesus eji dagwiching , omikawan niogwanagadinig eko jingiching tchibegamigong. Bethanie becho dago Jerusaleming. Nibiwa dach Judawinini-wag ogibinasikawawan Marthan , Marriian gaie , tchi wiabisiwimawad , odo-wemawan ginibonid. Marthe dach nwandang , Jesusan gidagwichinid , pabige ija wi na ichkawad ; Marie dach nama-dabi endad. Marthe dach odinan Jesu-san : Debenimiiang , oma aiaiamban ,

kawin daginibossi nind awema. Nin kikendan, mi go tibichko nongom gego nandotamowad Kije-Manito, ki daminig Kije-Manito. Jesus dach odinan : Taabit-chiiba kit awema. Marthe odinan : Nin kikendan tchi abitchiibad abitchiibawining ichkwatch tchi gjigad. Jesus odinan : 'Nin sa nindaw abitchiibawin, bimadisiwin gaie; win daiebweienimid, missawa ginibod, tabimadisi. Wegwen bimadisigwen, daiebweienimigwen gaie, ka wika tanibossi. Ki debwetam na iw? Odinan : Nin debwetam sa, Debenimiiang, nin debwetam, kin awiian Christ, bemadisid Kije-Manito Ogwissan, gadagwichinan oma aking.

Gai kitod iw, anigiwe, widigikwan Mariian nandomad gimodj, ekitong : Kekinoamaged gidagwichin, ki nandomig dach. Pabige nwandang iw, pasigwi, biodissad. Kawin machi Jesus dagwichisiban odenawing, keiabi ima aia-ban, Marthe ginagichkowapan. Judawi-

niniwag dach wadabimadjig wigiwam
ming , aiabisiwimadjig , waiabamawad
Mariian kekejdine pasigwid , sagaang
gaie, onopinanawan , ekitong : Tchibe-
gamigong ija wi mawid ima. Marie dach
dagwiching Jesusan aianid , waiabamad
odotchitchingwanitawan , odinan dach :
Debenimiiang , oma aiaiamban kawin
darginibossi nind awema. Jesus dach
waiabamad mawinid , Judawininiwan
gaie wadjiwigowadjin mawinid , kitchi
pagidanamo , ossitawendam gaie. Ikito
dach : Anindi giasseg ? Odinawan : De-
benimiiang , biijan , biwabandan. Mi
dach eji mawid Jesus. Judawininiwag
dach ikitowag : Geget ogikitchi sagian.
Anind dach ikitowad : Ka na aw gawa-
biad gegibingwe-niginipan odagigach-
kiassin iniw ininiwan tchi ginibossigo-
ban ? Jesus dach minawa pagidanamo ,
dagwichin tchibegamigong. Wimbani-
kade ima , assin dach ogitchaiai ate. Ikito
dach Jesus : Ikonamog assin. Marthe

dach , ganibod odaweman , odinan : Debenimiiang, mewija majimagosi, niogwanagad eko nibod. Jesus odinan : Ka naki gii nissinonin : kichpin debwetaman , ki gawabandan Kije-Manito okitchitwawisiwin. Mi dach eji ikonamowad assin, (*ogitchaiai etenig, ganibod jangiching*). Jesus dach ichpiming inabi ekitong : Nosse , ki mamoia wamin ginondawiian. Nin kikendan anawi, kaginig nondawiani ; anichinabeg dach ima hemigabawidjig nin gi ondji ikit , tchi debwetamowad kin ki gibininajawiian.

Gaichkwa ikitod iw , iji bibagid : Lazare , bisagaan ! Pabige dach aw ganibopan bisagaam, takobisod onindjing , osidang gaie tchibai-agwiwinan , tadibingwebisod wabichkigin. Jesus dach odinan : Abaog , tamadja. Nibiwa dach Ju-dawini niwag baodissadjig Mariian , Marthan gaie, waibandamowad gaiji dodang Jesus, odebwei endamowan.

Anind dach Pharisieian ododissawan ,

owindamawan dach , gaiji dodang Jesus. Mi dach eji mawandjiidiwad naganisidjig pagitchigewininiwag , Pharisieag guie , gigitowad , ikitowag dach : Anin enanokiiang ? aw inini kitchi nibiwa makadakamig dodam. Babamenimassiwang , kakina ogadebweienimigon , Romawininiwag dach tabiijawag, tchi bi makamigoiang endanakiiang , kidjidana-kiwemaganinanin gaie. Bejig dach endachiwagobanen, Caiphe ijinkasogoban , mamawi-niganisigoban pagitchigewini iw kikinonowin , odinan : Kawin bapich gego ki kikendasim ; kawin gaie ki nagatawendasim , awachime tchi onijichingiban , bejig inini tchi nibod , kidjidankiwemaganinanin tchi ondji nanind , kakina tchi nibossiwad kidj'anichinabeminanig. Kawin dach win tibinawe giondji ikitossi iw , apitchi niganisigoban pagitchigewinini iw kikinonowin ; nigan dach ikito geijiwebak , Jesus tchi ondji nanind iniw anichinaben ; kawin

dach iniw eta anichinaben ondji, kakinna gaie tchi mawandjiad Kije-Manito onidjanissan seswechkanidjin aking. — Mi dach iw gijigad ondji mojag gionagimawad Jesusan tchi nissawad.

Iwapi Jesus badagwiching becho Jerusaleming , oganawabandan odena , mawi dach ekitong : Apedach kikendamamban gaie kin, memindage nongom , ki gijigadom , geondji wanakiiamban ; nongom dach kikadago, kawin kiwabandasin. Gijigadon ki gaodissigonan , ki jangenimigog ki gagiwitaianikanigog , ki gamitchikanakanigog , giwitaiai ki gamigochkagog , ki gawebichimigog mitakamig , kinidjanissag gaie , oma endanakidjig ; kawin bapich ki gaichkonigossiig bejig assin tchi agwitossing ; mi sa geondji dodagoian , kawin ki kikendasin api mawadissigoian. — Mi dach eji pindiged anamiewigamigong , madji-sagidjiwebinad ima etawenidjin , gechpinadonidjin gaie ; odinan : Ojibiigade :

nin wigiwam anamiewigamig; kinawa dach gimodichkiwigamig ki giojitonawa. — Gagikwe dach endasso gijigad anamiewigamigong.

Megwa dach gagikwed anamiewigamigong, naganisinidjin pagitchigewini niwan, gekanidjin gaie anichinaben obiodissigon, ekitong : Anin iw machkawisiwin, wendji dodaman iw ? Awenen gaminig iw machkawisiwin ? Jesus dach nakwetang odinan : Ki gakagwedjiminim gaie nin bejig ikitowin; kichpin windamawiieg, gaie nin ki gawindamoninim iw machkawisiwin wendji dodamàn iw. Anindi wendjibamagak Jean-Baptiste osigaandadiwin ? gijigong na ondjibamagad, anichinabeng na ondjibamagad ? Inendamog dach odeiwang : Gijigong ondjibamagad, ekitoiang, ki gakagwedjimigonàn : Anin dach iw debwetasiweg ? — Kichpin dach : anichinabeng ondjibamagad, ekitoiang, ki gossananig oma anichinabeg; kakina

sa anichinabeg ima Jean-Baptistan naganikikendang inining ogiapitenimawan.

— Odinawan dach Jesusan : Kawin nin kikendasimin. Odinan dach gaie win : Kawin gaie nin ki dawindamossinoninim, awenen gamijid machkawisiwin tchi dodamàn iw endodamàn.

Odinan dach gaie Jesus : Anin dach enendameg? Bejig inini nijiwan ogwisan ; obinasikawan dach bejig , odinan : Ningwiss , madjan nongom , wi anokin nin jominabokaning. Odinan dach ossan : Kawin nind ijassi. Panima dach anwenindiso , mi dach madjad wi anokid. Obinasikawan dach minawa bejig , mi go tibichko enad. Odigon dach aw : Nin gaija sa , nosse. Ka dach ijassi.— Igiw nijiwad , anin aw daiebwetawad ossan ? Odinawan : Aw sa nitam gaganonind.

Jesus dach odinan : Geget kit ininim , mawandjigewininiwag , metchi-ijiwebisidjig gaie ikwewag tapindigewag Kije-Manito ogimawiwing (*gijigong*), ki-

nawa tchi bwa ijiaieg. Jean-Baptiste ki gibiodissigowa, gikitchi gwaiak ijiwebisi, ka win dach ki gidebwetawassiwa ; mawandjigewininiwag dach , metchi-ijiwebisidjig gaie ikwewag ogidebwetawan ; kinawa dach waiabandameg debwetawawad, kawin ganage panima ki gianwenindisossim, tchi debwetaweg.

Iwapi Jesus ogiinan enonadjin : Geget, geget kit ininim, wegötogwen genandotamawegwen Noss nind ijinikasowining , ki gaminigowa. Naianj igo nongom kawin gego ki ginandotasim nind ijinikasowining. Nandotamog, ki gaminigowa ; ki gabapinenimom dach apitchi. Gimodowewining ki giwanda-moninim iw ; dibaigan dach taodjitchisse, kawin minawa gimodowewining ki gagaganonissinonim ; mijicha ki gawanda-moninim , Noss ejiwebisid. Iw gjigad ki ganandotamawawa nind ijinikasowining ; kawin dach kit inissinoninim, tchi anamietawag Noss kinawa ondji , win sa

Noss ki sagiigowa, asagiiieg ; ki gidebweienimim gaie, tchi ondjibaian Kije-Manito aiad. Noss aiad nind ondjiba, nin gibija aking ; minawa nin nagadan aki, Noss nin nasikawa. Odinawan enonadjin : Geget mijicha ki gigit nongom, kawin ki gimodowessi. Nin kikendamin nongom, kakina kikendaman, kawin gaie awia ki dakagwedjimossi gego ; mi wendji debwetamang, Kije-Manito aiad wendjibaian.

Iwapi Jesus biija becho Jerusaleming, Bethphaging wadjiwing : *des Oliviers, ejinikadeg.* Mi dach eji ininajawad nij enonadjin, odinan dach : Odenang ijaiog, tibichko eteg, pabige dach ki gamikawawa memangiche tchi takobisod, manijinchan gaie ; abaog, bidawichig dach. Kichpin dach awia ningotano ini-neg, ijig : Debeniminang wiawan; pabige dach ogapagidinan. Mi sa wendji ijiwebak kakina iw, tchi debwewiniwang gaikitod ganiganikikendang : Inig Sion

odanissan : Ki kitchi ogimam ki biodis-sig, bekadisi, memangicheian obimomi-gon, nabikagan naiabikang onidjanissan. Enonadjin dach ijawag, gainad dach, mi eji dodamowad : obinawan memangi-cheian, manijinchan gaie, okonassiwan dach odatowawan, mi dach eji namada-biind; kitchi nibiwa dach anichinabeg odajwegissitonawan okonassiwan mikanang, anind dach odikwanan okichka-nawan, mi dach mikanang atowad. Ani-chinabeg dach anind aniniganiwag, anind dach ichkweiang bimossewag bi-bagiwad ekitong : Hosanna (1) David Ogwissan ! Kitchitwawisi win deg-wiching Kije-Manito odijinikasowining. Hosanna ichpiming gijigong !

Mi sa gaijiwebak, api Jesus gikota-

(1) *Hosanna*, mi tibichko : kitchitwawenda-gosi.

giind, ginissind gaie tchibaiatigong, ki tchitchagonanin wi nodjimoad. Ogiinan sa enonadjin : Ki kikendàm, nijogwana-gak Pâque tchi odjitchisseg, anichinabe Ogwissan dach (Jesus) tapagidinamadi-nan, tasassagakwawa dach tchibaiatigong. Naganisidjig dach pagitchigewininiwag, sesikisidjig gaie anichinabeg gimawand-jiidiwig endagobanen maiamawi-nigani-sid pagitchigewinini, Caïphe ijinikaso-goban. Gigitowag dach, dibagimawad Jesusan tchi nissawad. Giikitowag dach : Kawin kitchitwagijigak, osam ganabatch tanichkadisiwag anichinabeg.

Megwa dach Jesus Bethaniïng aiad, Simon wemigipan owigiwaming, ikwe-wan (1) obinasikagon, wabassini-maka-kons obidon, ketchi sanagadinig bimide pandenig, mi dach eji siginang ochtig-waning jingichininid. Enonadjin waia-

(1) Marie Madeleine ijinikasogoban aw ikwe, Lazare odaweman.

bandamowad iw, nichkadisiwag, ekitong : Wegonen wendji webinaming iw? Iw bimide tagiatandim nibiwa, tchi minindwa dach ketimagisidjig. Jesus dach kekendang, odinan : Wegonen wendji migochkasomad aw ikwe? Kitchi weweni nin gidodag. Kagineg ketimagisidjig ki widjiwigog, nin dach kawin kagineg ki widjiwissinoninim. Mi wendji dodang, signang iw bimide nictigwaning, kija tchi ningwaogoiàn. Geget kitininim, tibi enigokwag aki iw minwadjimowin tchi dibadjimotaming, gaie iw, gadodang aw ikwe, tadibadjimotan kagineg.

Iwapi dach bejig ogow midasswe achi nijidjig, Judas Iscariote ijinikasogoban, obinasikawan naganisinidjin pagitchigewininiwan, odinan dach : Wegonen gemijiieg, ki gapagidinamon dach? Odinawan dach : Nissimidana dasswabik jonia *ki gaminigo*. Iw ondji api iji akowabid, tchi pagidinamadiwind Jesus.

Nitam dach gjigad, amwawad iko pakwejigan wembissidjigasossig , Jesus enonadjin obinasikagon ekitong : Anindi gedaji gjitaiang Pâqne - wissiniwin ? Ikito dach Jesus : Odenang ijaiog, inig bejig inini : Kekinoamaged ikito : Nind ichkwatawin tibichkosse ; endaian nin gadaji wissin Pâque-wissiniwin , nind anonadjig gaie nin gawidopamigog. Gai nad dach Jesus mi endodamowad enonadjin , gjitawad sa Pâque-wissiniwin.

Wenagochig dach binamadabi , ichk-watch widopamad enonadjin. Megwa dach Jesus widopamad enonadjin, pasi-gwi , ningotchi odaton odagwiwinan , kisingweon dach omamon , kitchipini-diso dach. Mi dach nibi signang kisibiginaganing, maiadjikisibigisidenad dach enonadjin , ogassiisidewan dach kising-weon gakitchipisod. Obiodissan dach Simonan Pierran. Pierre dach odinan : Debenimiiang , kin na ki kisibigisiden ? Jesus dach odinan : Kawin nongom ki

kikendasin, endodamàn; panima nagaatch ki gakikendan. Pierre dach odinan : Ka wika ki gakisibigisidenissi. Odinan Jesus : Kisibigisidessinowàn, kawin ki gawidokawissi. Odinan Simon Pierre : Debenimiiang, kawin nisidan eta, nichtigwan gaie. Odinan Jesus : Win kesibiginigasod, mi eta osidan kisibinamawind, mi dach kakina binisid. Kinawa gaie ki binisim, kawin dach kakina. Okikeniman sa gepagidinigodjin ; mi wendji ikitod : Kawin kakina ki binisissim.

Gaichkwa kisibigisidenad dach, oda-pinang gaie odagwiwinan, minawa namadabi, odinan dach : Ki kikendàm na, gadodonagog ? Kekinoamageian kitijim, Debenimiiang gaie kitijim; gawaiak gaie kit ikitom, nindaw geget. Kichpin dach nin, Debeniminagog, Kekinoamonagog gaie, ki gikisibigisideninim, gaie kinawa ki dakisibigisidenidim memechkwat. Ki gikokinoamoninim, gaiji dodamàn,

gaie kinawa tchi dodameg.

Minawa dach megwa wissiniwad odinan : Geget kit ininim , bejig kinawa endachiieg nin gapagidinamig. Kitchi kachkendamog , ikitowag dach memechkwat : Nin na , Debenimiiang ? Odinan dach : Aw sa wadjigwabaigamid onaganning, mi aw gepagidinid. Geget anichinabe Ogwissan ija , ejibiigasod , takitchi animisi dach aw inini gepagidinamaged anichinabe Ogwissan; awachime tagioni-jichinini , wika nigissigoban aw inini. Judas dach gaie win gapagidinad, okag-wedjiman : Nin na , Kekinoamageian ? Odinan : Ki giikit.

Megwa dach wissiniwad , Jesus ogiodapinan pakwejiganan , ogianamietawan , ogibokobinan , ogimataonamowan dach gaanonagobanenan aniinad : Oda-pinamog, midjig gaie ; mi mandan niiaw. Ogiodapinan dach gaie minikwatchigan, aniinad : Minikweg mandan kakina ; mi mandan ni miskwim , ochki-ijitwawi-

ning, nibiwa anichinabeg geondji sigis-seg, tchi bonigidetagowad Kije-Maniton gibatadowad. Mi iw gedodameg gaie kinawa, tchi wanenimissiweg.

Kit ininim dach, kawin minawa nin gaminikwessi maniwang jominatig, (*mi sa jominabo*), tchi bwa odjitchisseg iw gjijigad, minikweiān ochkiaiawang, mawaii kinawa, Noss odegimawiwining. Gaichk wa nagamowad dach anamie-nagamowin, ijawag wadjiwing *des Oliviers*, Iwapi dach odinan Jesus : Kakina kinawa ki gamatchi inendām nin ondji, nongom tibikak. Ojibiigade sa : Nin gapakitewa genawenimad manichtanichan, kakina dach manichtanichag tasaswech-kawag. Giabitchiibaiān dach nin gani-gani tchi ijaiān Galileing. Pierre dach onakwetawan aniinad : Missawa kakina matchi inendamowad kin ondji, kawin wika nin nin gamatchi inendasin. Odinan Jesus : Geget kit inin, nongom tibikak, tchi bwa pakaakwe masitagosid,

nissing ki gatikit : Kawin nin kikenimassi (*aw Jesus*). Pierre odinan : missawa nissigoià̄n , kin ondji nanigoià̄n , ka wika nin gatikitossi : kawin nin kikenimassi (*aw Jesus*). Mi go kakina tibichko ikitowad enonadjin.

Mi iwapi Jesus, enonadjin gaie bidawichinowad kitiganing , Gethsemani ejinikadeg; odinan dach : Namadabiiog oma , iwidi nind ija , tchi wi anamiaià̄n. Odanimadjinan dach Pierran , nj̄ gaie Zébédée ogwissan , madji-sanagendam , kitchi kachkendam gaie. Odinan dach : Nin tchitchag kitchi kachkendam , kega nin nib , oma aiaiog , kego nibakegon , gaie nin kawin nin nibassi. Awachime dach pangl anijja , mi dach eji apagisod ochkinjigong , anamiad ekitong : Nosse , mano tamadjia iw minikwat-chigan , (*mi sa, nin kitchi animisiwin*); kawin dach nin enendamà̄n , kin sa enendamañ.—Obiodissan dach enonadjin , omikawan nibanid , odinan dach

Pierran : Anin, kawin na ki dagachkitossin tchi nibassiwan , eji nibassiwan ningo dibaigan ? Kego nibakegon, anamiaiog, tchi jobiigossiweg. Otchitchagoma anawi minoinendam , wiiassima dach ninamad.

Minawa dach madja , anamia dach ekitong : Nosse , kichpin madjassig iw minikwatchigan, minikweiān eta, mano enendaman taijiwebad. Minawa dach dagwichin, omikawan nibanid , ochkin-jigowan sa kosigwanini. Onaganan dach, minawa madja , minawa dach anamia ; nassab ikito. Eji wissagendang, echkam igo kitchi anamia ; odabwesowin miskwing ejinagwadini, papangiganig aking. **Kije-Manito** dach odanjeniman gijigong ondjiba , machkawisiwin wi minigod. Obiodissan dach minawa enonadjin , odinan : Nibaiog nongom , anwechimonog , mi jaigwa iw dibaigan : anichinabe Ogwissan tapagidinamadinan baiata-ijiwebisinidjin onindjiwang. Pasi-

gwig, madjada, becho aia aw pegidinid.

Megwa gigitod Jesus, Judas, bejig igiw midasswe achi nijidjig dagwichin, obiwidjiwigon kitchi nibiwa anichinaben, ajawechkon, pagamaganan gaie obitakonanawan, naganisinidjin pagitchi gewininiwan, sesikisinidjin gaie anichinaben ogianonigowan. Gapagidinigodjin dach giinagoban : Geodjimag, mi aw ; machkawimindjiminig. Pabige dach obiodissan Jesusan, ekitong : Kit anamikon, Kekinoamageian. Mi dach odjimad. Jesus dach odinan : Nikaniss, wegonen baondji ijaian ? — Judawininiwan dach odinan Jesus : Awenen nedawabameg ? Odinawan dach : Jesus sa, Nazarething wendjibad. Jesus dach odinan : Nin sa nindaw. Judas gaie win gapagidinad, owidjigabawitowan. Gaikitod dach iw : nin sa nindaw, ajegabawiwag, pangichinog dach aking. Okagwedjiman dach minawa : Awenen nedawabameg ? Ikitowag dach : Jesus

Nazarething wendjibad. Jesus dach odinan : Nin sa nindaw , ki giininim ; nedawabamiwanen , mano ogow tamadjawag. Mi dach gibijawad , gimindjimina-wad Jesusan , gitakonawad dach.

Bejig dach gawidjiwawadjin Jesusan (*mi sa Pierre*) jibinikeni, manikibitod odajawechk , opakitewan dach naganisid pagitchigewinini odochkinigiman , okichkitawageganaman dach. Odinan dach Jesus : Binaan kit ajawechk ategi-ban ; kakina sa geodapinangig ajawechk , ajawechkong taondji nissawag. Kit inendam na , kawin nin dagachkitossi , Noss tchi nandotamawagiban, pabige dach nin dabiiinajaamag apitchi kitchi nibiwa anjeniwan ? Anin dach getijiwebakiban ejibiigadeg masinaiganig, mi ondjita tchi ijiwebak ?

Iwapi Jesus ogiinan anichinaben : Ki gibijâm oma , ki bitakonawa ajawechkon, pagamaganan gaie, bitakoniieg, tibichko gemodichkid. Endasso gjigak nin

ginamadab anamiewigamigong, nin giki-kinoamage, ka dach ki gitakonissim. Mi sa kakina iw gaondji ijiwebak, tchi deb-wewiniwang gaijibiigewad ganiganiki-kendamogobanenag. — Kakina dach enonadjin anaganigon ojimowad.

Wedapinadjig dach Jesusan omadjinawanan maiamawi-niganisid pagitchigewinini Caïphe endad ; ojibiigewininiwag, sesikisidjig gaie ima gimawandjii-diwig. Pierre dach wassa odijinopinanen, maiamawi - niganisid pagitchigewenini owigiwaming. Gapindiged dach, anokitagetewininiwan owidabiman, wi wabandang getijiwebadinig ichkwatch. Naganisidjidjig pagitchigewiniwag, kakina gaie gagigitodjig onandawabamanwan geginawichkinidjin, wi batamind Jesus, tchi nissind. Anawi nibiwa geginawichkidjid pindigewag wi bata-mind, ka dach gego awasinon ekitowad. Ichkwatch dach niij geginawichkidjig dagwichinog, ikitowag dach : Aw inini

giikito : Nin dagachkito tchi bokobi-doian Kije-Manito odanamiewigamig , minawa dach nissogwanagak nin dade-gijiton. — Mi dach eji pasigwid maia-mawi-niganisid pagitchigewenini , odinan dach : Ka na gego ki nakwetasin , eji inikwa igiw ? Jesus dach kawin nингot ikitossi. Maiamawi-niganisid pagitchigewinini dach odinan: Kit inin, bema-disid Kije-Manito odijinikasowining, tchi windamawiiang , kichpin awiian Christ , Kije-Manito Ogwissan. Odinan Jesus : Ki giikit , (*nindaw sa*) ; kit ininim dach , panima ki gawabamawa anichinabe Ogwissan tchi namadabid Kije-Manito omachkawisiwin okitchinikaning , tchi biaiad gaie anakwadong , gjigong tchi ondjibad.—Iwapi dach maiamawi-niganisid pagitchigewinini obigobidon obabinsikawagan, ekitong : Gikitchi matchigjwe; anin enabadisiwad baiatangedjig? Ki ginondam kitchi matchi-gijwewin. Anin enendameg? Nakwetamog dach eki-

tong : Giwikwatchitaso sa tchi nissind.

Mi dach iwapi sikwanawad ochkinjigoning, papakiteond, anind dach onanabagaskinindjitawawan, ekitong: Windamawichinam, Christ, awenen gapakiteog ?

Pierre dach agwatching namadabi ; bejig dach anokitakekwewan obiodissiggon ekitong: Gaie kin ki giwidjiwa Jesus, Galileing wendjibad. Pierre dach agonwetam, kakina nondagod ima eianidjin, ikito : Kawin nin kikenimassi. Anisagaang dach, minawa bejig anokitakekwewan owabamigon, odinan dach ima eianidjin : Gaie aw inini ogiwidjiwan Jesusan, Nazarething wendjibanidjin. Minawa dach ikito Pierre ; machkawigijwed : Kawin nin kikenimassi aw inini. Nagatch dach obinasikawawan Pierran ima nabawidjig, odinawan dach : Geget gaie kin bejig kitaw, minik gawidjiwadjig Jesusan ; ki nissitotagos gocha gigitopian. Nichkasitagozi dach

Pierré , machkawigijwe gaie ekitong :
Kawin gocha nin kikenimassi aw inini.

— Pabige dach pakaakwe masitagozi. —
Debeniminang dach Jesus gwekita , ga-
nawabamad Pierran. Pierre dach omik-
wendan gaigopan Jesus : Tchi bwa pa-
kaakwe masitagosid , nissing ki gatikit :
kawin nin kikenimassi (*aw Jesus*). —
Sagaam dach Pierre , kitchi mawid.

Kigijeb dach kakina naganisidjig pa-
gitchigewininiwag , sesikisidjig gaie ani-
chinabeg onagimawan Jesusan tchi nibo-
nid. Gatakobinawad omadjinawan , opa-
gidinamawan iniw Ponce Pilate , kitchi
ogiman.

Judas dach , mi sa aw gapagidinama-
ged , waiabandang batamind Jesus wi-
nissind , anwenindiso , obidon dach nis-
simidana dasswabik jonia naganisinidjin
pagitchigewininiwan , sesikisinidjin gaie,
ekitong : Nin gimatchi dodam gipagidi-
namageian wika matchi dadasig miskwi.
Ikitowag dach : Wegonen dach iw ni-

nawind ? Kin wabandan , (*kin kit indowin*). Odapagiton dach jonia ima ana-miewigamigong , nigotchi dach ija agoni-disod. Naganisidjig dach pagitchigewi-niniwag ododapinawan jonia , ikitowag dach : Kawin gwaiak taijiwebassinton tchi pinaamingiban iw jonia makakong anamiewigamigong eteg ; miskwi sa gi-gichpinadong iw jonia. Gigitowag dach , mi dach eji gichpinadonawad akikon wejiad okitigan , tchi pagidenimindwa meiagisidjig nebowadjin. Mi wendji ijinikadeg iw kitigan : Haceldama , mi sa : miskwi-kitigan , naianj igo nongom gijigad. Mi dach gidebwewiniwang gaikitod Jeremie , ganiganikikendang : Ogioda-pinawan nissimidana dasswabik jonia , gainaginsod gaatanding win Israel onidjanissan gaatawenid ; mi dach gigichpi-nadonawad akikon wejiad okitigan. Mi sa gaijid Debeniminang.

Jesus dach nibawi enassamabinid kit-chi ogiman, (*Ponce Pilate*) , okagwedji-

man dach kitchi ogima ekitong : Kin na kit ogimakandowag Judawininiwag ? Odinan Jesus : Kit ikit sa , (geget *nind ogimakandowag*). Naganisidjig dach pagitchigewiniwag , sesikidjig gaie obatamawan , ka dach ningot ikitossi. Pilate dach odinan : Ka na ki nondasim minik igiw egoian ? Ka dach bapich onakwetawassin Jesus ; kitchi ogima dach kitchi mamakadendam.

Dassing dach wedjitchissegobanen iw kitchitwagijigad (*Pâques*) , kitchi ogima pagidinagoban bejig kebakwaigaso-nidjin , nendotamawadjin igo. Bejig dach inini gikibakwaigaso iwapi , apitchi matchi aiaawichiwigoban , Barrabas ijinikasogoban. Gamawandjiidiwad dach Pilate odinan. Anin aw gepagidinamognagog , Barrabas na , gonima dach Jesus , Christ ejinikasod ? Kikendamogoban sa , gagawenimawad Jesusan mi gaondji pagidinamawad.

Megwa dach Pilate namadabid dib-

konigenamadabiwining, wiwan odini-najaamagon awia ekitong : Kego ningot dodawaken aw meno-ijiwebisid inini ; nin gikitchi migochkasabandam nongom win ondji.

Naganisidjig dach pagitchigewinini-wag, sesikisidjig gaie giachitagosiwag anichinaben, tchi nandotamind Barrabas tchi nichewanadjiiind dach Jesus. Kitchi ogima dach okagwedjiman minawa : Anin aw nijiwad gepagidinamonagog ? Ikitowag dach : Barrabas. Odinan Pilate : Anin dach gedodawag Jesus, Christ ejinikasod ? Odinawan kakina : Tasassagakwaigaso tchibaiatigong. Odinan kitchi ogima : Wegenen dach gaiji matchi dodang ? Nawatch dach bibagiwag ekitong : Tasassagakwaigaso tchibaiatigong. Pilate dach waiabandang, gego gachkitossig, echkam sa kitchi ombigisiwag anichinabeg, nibi ododapinan, kisibiginindjid, kakina owabamigon ; ikito dach : Kawin nin nind indowisinon,

tchi sigissenig aw meno ijiwebisid inini omiskwim ; kinawa kit indowiniwa. Kakina dach ikitowag : Mano omiskwim nin gamiskwiigomin , nin nidjanissinanig gaie. Mi dach eji pagidinamowad Barrabasan ; anoki dach Jesus tchi bacheond ; mi dach eji pagidinad tchi sassagakwoond tchibaiatigong.

Kitchi ogima ojimaganichiman dach ododapinawan Jesusan , opindiganawan dach gigitowigamigong , kakina dach omawandjiawan jimgaganichan. Omakamawan dach obabinsikawagani , miskobabinsikawagan odagwanawan. Wiokwan gaie odojitonawa , minessagawajin awawad , obassikwebinawan ; apakwechkwai dach ominawan okitchinindjing ; odotchitchingwanitawan dach , bapinodawawad ekitong : Kit anamikon , Judawininiwag wegimakandawadwa ? Osikwanawan dach gaie , omakamawan apakwechkwai , mi dach eji pakitewawad ochtigwaning. Gaichkwa bapinodawa-

wad dach, omakamawan misko-babin-sikawagan, tibinawe odagwiwinan dach cbinsikonawan, mi dach eji madjina-wad tchi sassagakwoond tchibaiatigong.

Odanibiminiganan dach Jesus otchibaiatigoman; saiagaamowad dach (*odenang Jerusaleming*), omikawawan ini-niwān, Cyreneing gaondjibad, Simon ijinikasogoban, onandomawan dach tchi anitakonad Jesus otchibaiatigoman. Kit-chi nibiwa dach anichinabeg, ikwewag gaie onopinanawan, mawimawad. Jesus dach ogwekigabawitowan, ikito : Jerusalem odanissimidog! Kego nin mawimi-chikegon; mawindamog kiiawiwan, ki nidjanissiwag gaie. Gijigadon taodjitchissewan api tchi ikitoieg : Jawenda-gosiwag ikwewag wika gaonidjanissis-sigwa.

Mi dach baoditamowad ogidaki, Golgotha ejinikadeg (*Calvaire*), mi sa winindibeganan ategin. Ominawan dach

jominabo, winsop niginigade; gotandang dach kawin minikwessi.

Nij gaie gemodichkidjig aniwidjisagabigina tchi nissindwa. Baoditamowad dach ima, Calvaire ejinikadeg, mi ima sassagakwawad Jesusan, nij gaie gemodichkinidjin ogisassagakwawan, bejig okitchinikang, bejig dach onamandjinikang. Jesus dach ikito: Nosse, bonigidetaw ogow, kawin okikendasinawa enanokiwad. Gasassagakwawad dach, mataonidiwag odagwiwinan, atadiwad; tchi debwewiniwang gaikitod bejig ganiganikikendamogoban ekitong: Gimataonidiwag nind agwiwinan, nin babiniskawagan dach giatadiwag.

Namadabiwag dach, ganawabiwad. Okitchaiai dach ochtigwaning odatonawa iw ojibiigan: MI AW JESUS, JUDAWINIWAN ODOGIMAMIWA. Bemossedjig dach ima onichihapigijwanawan, omamigokwetawawan ekitong: Ambe! Kin bwa-kobidoian Kije-Manito odanamiewiga-

mig , nissogwanagak dach minawa ki
gijiton ; nodjimoidison nongom ; kichpin
Kije-Manito Ogwissimigoian , binissan-
dawen tchibaiatigong . Mi tibichko gaie
naganisidjig pagitchigewininiwag , oji-
biigewininiwag , sesikisidjig gaie anichi-
nabeg obapinodamawawan , ekitong :
Bekanisinidjin oginodjimoan , kawin
dach ogachkitossin wi nodjimoidisod .
Kichpin geget wegimawigwen Israeling ,
mano tabinissandawe nongom tchibaiatigong ,
mi dach tchi debwetamang .
Kije-Maniton ogiapenimonañ ; mano
oganodjimoan nongom , kichpin min-
wenimad ; giikito sa : Kije-Manito nind
Ogwissimig .

Bejig gaie iniw wadjisassagakwaiga-
sonidjin omatchiigon , ekitong : Christ
aiawiwanen , nodjimoidison , nodjimoi-
chinam gaie . Bejig dach aw onanibiki-
man ekitong : Kawin bapich ki gossassi
Kije-Manito , aiano kotagitoian gaie kin .
Kinawind naienj ki giwikwatchitasomin

iw kotagitowin, ki gimatechi-ijiwebisi-min sa; mabam dach ka wika gimatechi dodasi. Odinan dach Jesusan : Debenimiiang, mikawenimichin pindigeian kit ogimawiwining. Jesus dach odinan : Geget kit inin, nongom gijigak ki ga-widjiw gijigong.

Tchigaiai dach tchibaiatigong nibawi-wag anind ikwewag, mi sa Jesus ogin, ogin gaie widigikwani, Marie, Cleophas wiwan, aw gaie Marie Madeleine. Jesus dach, api waiabamad ogin, saiagiadjin gaie enonadjin (*mi sa kitchitwa Jean*), nibawinid, odinan ogin : Ikwe, mi aw kigwiss. Odinan dach gaie enonadjin : Mi aw kiga. Iw dach api omadjinan aw enonind endad.

Ningotwasso dibaigan dach ondji kachkitibikad enigokwag aki, naianj jangasswe dibaigan. Jangasso dibaiganeg dach Jesus kitchi bibagi, ekitong : Eli, Eli, lama sabacthani ? mi sa : Kije-

Manito , Kije-Manito , wegonen gaondji nagajiian ?

Jesus kekendang , kakina jaigwa giijiwebak , mi dach tchi debwewi-niwang gaie iw ejibiigadeg , ikito : Nin nibagwe . Omodai dach imaate , mochkine jiwbabo ; omochkinabadonawa dach iskai-ban jiwbabong , mi dach mitigong atowad , inimowad odonining . Gaodapinang dach Jesus iw jiwbabo , ikito : Mi sa gigijitang . Minawa dach kitchi bibagi , ekitong : Nosse , ki pagidinamon ki nindjing nin tchitchag . Echkwa ikitod dach iw , nibo .

Mi dach iw jajwegagodeg anamiewi-gamigong tachkigisseg , ichpiming ondji kichkigisse , binich igo tabajich ; aki dach gochkosse , assinin bigochkawan ; tchi-begamigon pakichkawan , nibiwa dach meno-ijiwebisipanig wiiawiwan abitchi-ibawan ; saiagaamowad dach tchibega-migong api Jesus abitchiibad , pindige-wag kitchitwa odenang (*Jerusalem*) ,

owabandaiwewag wiiawiwan nibiwa
anichinaben.

Jimaganichi-ogimā dach, iniw gaie
wadjiwigodjin, mi sa genawenimadjig
Jesusan, waiabandamowad aki gochkos-
senig, kakina gaie ejiwebak, kitchi
segisiwag, ikitowag dach : Mi sa aw
geget Kije-Manito Ogwissan. Nibiwa
dach ikwewag ima aiawag, wassa ondji
inabiwag, Galileing gibiondji nopina-
nawan Jesusan tchi anokitawawad :
Marie Madeleine; aw gaie Marie, Jac-
ques, Joseph gaie ogiwan, Zébédée gaie
ogwissan ogiwan.

Jwapi Judawininiwag obinasikawa-
wan Ponce Pilatan, odinawan dach : Wa-
bang kitchi kitchitwagijigad; ininaja dach
ki jimaganichimag, tchi bokogadewawad
iniw gasassagakwaigasonidjin, ningotchi
dach tchi iji atowad. Jimaganichag dach
bijjawag, obibokogadewanaw iniw
bejig, gaie iniw bejig gasassagakwaiga-
sonidjin. Baodissawad dach Jesusan,

owabamawan jaigwa ginibonid , kawin dach obokogadewassiwawan ; bejig dach jimganich obachiboan Jesusan wiawing , ojimagan aiod , pabige dach miskwi ondjigani , nibi gaie.

Wenagochig dach dagwichin bejig ketchitwawisid inini , Arimatheing wendjibagoban , Joseph ijinikasogoban , mi bejig gamino-pisindagodjin Jesus ; Pilatian obinasikawan , nandotamawad Jesus wiaw ; Pilate dach ikito tchi minind . Joseph dach ododapinan wiaw , mi dach weginad banigadinig papagiwaianeguinong . Opagidenda dach tibinawe odochki - tchibegamigong , giojitchigadegoban ajibikong ; kitchi assin dach otitibinan ichkwandeming , mi dach eji madjad .

Marie Madeleine dach , minawa bejig Marie , namadabiwag tibichko tchibegamigong .

Waiabaninig dach naganisidjig pagit-chigewininiwag , Pharisieiag gaie ma-

wandjiidiwag Pilate endad, ikitowag dach : Nind ogimam, nin gimikwenda-min, aw gagaginawichkid, megwa bi-madisid, giikito : **Ginissogwanagak** nin gaabitchiiba. — Anokin tchi kijadamo-wad tchibegamig naianj tchi nissogwa-nagak ; gonima enonadjin tadagwichi-nog, tagimodiwag wiiaw ; ogatinawan dach anichinaben : Giabitchiiba. Awachime dach tasanaganad ichkwatch waie-jindiwin, iw dach nitam gaijiwebak. Pilate dach odinan : Kijadigewininiwag kit aiawawag ; madjag, wi kijadamog eji kikendameg. Mi dach eji madjawad, songitowad tchibegamig, kijadigewi-niniwan gaie odassawan, assin dach odagokiwassawan.

Iwapi Marie Madeleine, Marie gaie Jacques ogin, Salome gaie, ogigichpina-donawan anotch gego menomagwadinig biijawag dach wi sinigwanamowawad

Jesus wiaw. Kitchi kigijeb dach nitam
gijigad gaichkwa anwebiwinigijigad bii-
jawag tchibegamigong, api gisiss jaig-
wa gamogissed. Ikitowag dach ganoni-
diwad : Awenen ningotchi getitibinamo-
nang iw assin, ichkwandeming tchibe-
gamigong etenig? Aniinabiwad dach
wahandamowad iw assin ningotchi giiji
titibinigadenig; apitchi sa mitchapikisi-
goban. Mi dach eji pindigewad tchibe-
gamigong, owabamawan dach ima och-
kinawen (*anjeniwan*) namadabinid
okitchinikang inakakeia, ginwagadini
wabichkigin obabinsikawagan egwinid-
jin; segisiwag dach. Aw dach anjeni
odinan : Kego segisikegon ; ki nanda-
wabamawa Jesus Nazarewinini, gasas-
sagakwoond tchibaiatigong; giabitchiiba,
kawin oma aiassi; mi sa oma gaassind.
Madjaiog dach, windamawiioog gaano-
nadjin, Pierre gaie, ginigan-ija Gali-
leing; ima tchi wabameg; mi gaiji ini-
neg.

Kekejdine dach anisagaamog tchibegamigong, kitchi segisiwag, bekich dach kitchi bapinenimowag; mi dach kitchi kijikawad wi windamowawad enonadjin; Jesus dach onagichkawan, odinan: Kit anamikonim. Ikwewag dach osidang obimindjiminawan, anamietawawad. Jesus dach odinan: Kego segisikegon; madjaiog, windamawiog nidjikiweiag, Galileing tchi ijawad, mi ima tchi wabamiieg.

Anind dach ogow kejadigedjig jima-ganichag odenang (*Jerusalem*) bii-jawag, biwindamowawad naganisinidjin pagitchigewininiwan kakina gaijiwebadinig. Mawandjiidiwag dach, sesikisidjig gaie anichinabeg, gigitowad; kitchi nibiwa dach jonia ominawan **jimagani-chan**, bekich odinawan: Ikitog, enonadjin gibijawan nibatibik; gibigimodiwan wiiaw, megwa nibaiang. Nwandang dach ogima gaijiwebak, ninawind nin gaganonanan, ningotano tchi dodos-

sinoweg. Mi dach eji odapinamowad jonia, gainindwa dach mi gadodamowad. Judawini niwag dach debwetamog iw dibadjimowin, keiabi nongom gijigak.

Iwapi rij Jesus gapisindagodjin ijawag odenang, Emmaus ejinikadeg, ningotwassimidana dibaigansan apitchani Jerusaleming. Gaganonidiwag dach, dibadjimowad kakina gaijiwedadinig. Megwa dach gaganonidiwad, Jesus bidagwichin, bimiwidjiwan. Ochkinjigowan dach ningotino inikaniwan, tchi nissitawinawassigwa. Odinan dach : Anin iw gigitoieg anibimosseieig, kachkendameg? Bejig dach, Cleophas ijini-kasogoban, onakwetawan, ekitong : Kin na eta ki maiagis Jerusaleming, kekendasowan gaijiwebak ima nongom anomiaia? Odinan dach : Wegonen iw ? Odinawan: Mi sagaijiwebisid Jesus Nazarewinini, win ganiganikikendang, gamachkawisid ododamowining, ogigitowining gaie, enassamid Kije-Manito,

kakina gaie anichinabeg. Naganisidjig dach nin pagitchigewininiminanig, nind ogimaminanig gaie ogipagidinawawan tchi nissind, tchibaiatigong dach ogisas-sagakwawan. Ninawind dach nind inendaminaban, win tchi nodjimoad Israelan, (*mis sa Judawininiwan;*) mi dach nongom nissogwanagak, gaako ijiwebak iw. Geget anind nind ikweminanig gaiadjimotawiamindwa, mi wendji makadendamang; apitchi kigijeb giijawag tchibegamigong, ka dach ogimikasinawa wiiaw, gibigiwewag, ikitowag dach: Anjeniwag nin giwabamananig; bimadisi, ikitowag, kiwe. Anind gaie wadjiwangidjig giijawag tchibegamigong; gaikitowad dach ikwewag, mi go gaiji namowad; win dach kawin ogimikawassiwawan. — Jesus dach odinan: Ki gagibadisim, ki sanagisim gaie kidiwang tchi debwetameg gaikitowad ganiganikikendamogobanenag! Ka na Christ tchi ganimisid tchi bwa pindiged

okitchitwawendagosiwining? — Kakina dach owindamowan, tchi nissitotamowad kakina gaijibiigewad Moïse, kakinna gaie ganiganikikendamogobanenag, win Christ getijiwebisid. — Becho dach odani oditanawa odena ejawad; Jesus dach nawatch wassa ejanidjin ani aindodam; owikwasomawan dach tchi abinid, aniikitowad : Widabimichinam, kega taonagochi, kega taichkwa gjigad. Mi dach eji pindigewad mamawi. Megwe dach widopamad, ododapinan pakwejiganan, odanamietawan, obokobinan, omataonamowan dach. Mi dach ochkinjigowan eji pakichkaniwan, onissitawnawawan; mi dach eji angwabamigod. Ikitowag dach memechkwat : Ka na kideinanin tchaiagidegin kiiawinaning gibidibadjimotonang megwa bimosseiang, weweni tchi nissitotamang gaijibiigewad ganiganikikendamogobanenag? Mi dach eji pasigwiwad pabige, Jerusaleming dach giwewag, omikawa-

wan dach midasswe achi bejigonidjin enonadjin, mawandjiidininid; iniw dach gaie wadjiwigopanin. Ikitowag dach : Geget Debeniminang giabitchiiba, Simonan ogiwabandaan wiiaw. Winawa dach dibadjimowag gaijiwebak megwa bimossewad, gaiji nissitawinawawad megwa bokobinad pakwejiganan.

Megwa dach gigitowad, Jesus nawaiai binibawi, odinan dach : Wanakiio; nin sa, kego segisikegon. Sanagendamog dach, segisiwag gaie; tchibai mabam, inendamog. Odinan dach : Wegonen wendji sanagendameg? inendamowinan gaie ombichkawan kideiwang. Biwabandamog ninindjin, nisidan gaie; nin gocha nindaw. Tatanginichig, wabandamog, tchibai kawin owiiawissi, ka gaie okanissi, eji wabamiieg eji nago-siian. Kawin dach machi debwetasiwag; kitchi mamakadendamog, bekich gaie bapinenimog; Jesus dach odinan : Ka na gego midjim kit aiassinawa? Kigoian

dach ominawan giabwewingiban , amo-sinsibakwat gaie. Mi dach eji midjid ima; minik dach echkwandang ominan.

Iwapi wenagochig iw gjigad, nitam gjigak ichkwa anwebiwinigijigad , ichkwandem kibakwaigade, Jesus enonadjin dach mamawi namadabiwag pindig, Judawininiwan ogossawan ; Jesus dach bidagwichin, nawaiai bini-bawi, aniinad : Wanakiiog. Ani ikitong iw , owabandaan onindjin , wiiaw gaie. Kitchi bapinenimowag dach enonadjin , waiabamawad Debeniminang. Minawa dach odinan : Wanakiiog. Noss gaiji anojid, mi tibichko gaie nin kit iji anoninim. Aniikitong iw , onessenodawan , aniinad : Odapinig Wenijichid-Manito ; Wegwen gegassiamaweg obatadowinan , mi aw gegassiigadenig ; wegwen dach gegassiamawassiweg obatadowinan , ka win tagassiigadessinini. — Thomas dach , Didyme ijnikasogoban , bejig iniw mi-dasswe achi nijnidjin (*Jesus enonadjin*),

kawin ima aiassiban, api Jesus pandiged. Anind dach enonindjig odinawan : Nin giwabamanan Debeniminang. Ikito dach : Mi eta wabandamowag onindjing gainichkagod sagaiganan, pindjinindjiniàn gaieima gisassagakwai-gasod, pindjinindjiniàn gaie wiiawining ima gibachibaigasod, kawin nin dadebwetasin. — Ganichwassogwanagak dach minawa enonadjin pindig aiawag, Thomas gaie aia. Minawa dach Jesus pindige; kibakwaigadeg [ichkwandem, nawaiai dach binibawi, aniinad : Wanakiiog. Odinan dach Thomasan : Biijinindjinin oma, wabandan gaie ninindjin; biijinindjinin, pindjinindjinin dach oma gibachibaigasoïàn ; kego agonwetangen, debwetan. Thomas dach odinan : Debenimiian, nin Kije-Manitom! Odinan dach Jesus : Giwabamiian, ki gidebweiedam ; jawendagosiwag dach igiw gawa-bandasig, anawi dach debwetamog. — Kitchi nibiwa gaie bakan mamakadaka-

mig gibimi dodam Jesus, kakina enonadjin ogiwabandanan omamandadodamowinan, kawin ojibiigadessinon mandan masinaiganing. Iw dach ojibiigade, tchi debweiendameg, Jesus win Christ, bemadisid Kije-Manito Ogwissan; iw dach debweiendameg tchi ondji *kagige* bimadisiieg, win odijinikasowining.

Iwapi Jesus ogiinan enonadjin : Kakina machkasiwin nin giminigo gijigong, aking gaie. Madjaiog, gagikimig kakina bemadisidjig endassowinsowad; sigaandawig odijinikasowining Weossimind gaie Wegossimind gaie Wenijichid-Manito. Gagikimig, kakina tchi dodamowad gaiji ininagog. Nin dach ki widjiwininim mojag, naianj igo tchi ichkwa akiwang.

Iwapi megwa wissiniwad Jesus enonadjin midasswe achi bejig, Jesus owaybandamoan wiiaw, onanibikiman debwetasinid, machkawanig odeiwan; kawin ogidebwetawassiwawangawabamigodjin

gaabitchiiad. Odinan dach : Babaijaiog enigokwag aki, babagagikimig minwadjimowin (*nind ijitwawin*) kakina bemadisidjig. Win gedebwetang, gesigaandasod gaie, takagige bimadisi gijigong; win dach gedebwetasig, takagige animisi anamakamig. Igiw dach gedebwetangig takitchi mamandadodamog : nind ijinikasowining ogasagidjiwebinawan matchi maniton; bakan inwewining tagigitowag; kinebigon ogaodapinawan; menikwewad gaie matchi machkiki, kawin ogamanikagossinawa; taianginawad igo onindjiwang aiakosinidjin, mi go tchi nodjimonid. — Mi dach Debeniminang Jesus, gaichkwa ganonad enonadjin, gjigong gidapina, mi dach namababid Kije-Maniton okitchinikaning. — Enonadjin dach gimadjawag, gibabagagi-kwewad enigokwag aki, Kije-Maniton ogiwidokagowan, ogisongiton gagikwe-win, ogiminan sa enonadjin machkawi-siwin, mamakadakamig tchidodamowad.

*Mi sa mandan, tchi wi kikendameg
tibi etegwen minik eteg oma masinai-
ganing.*

	Page.
Abinodjiian gibidowa, Jesus tchi tanginad	110
Abitchiiba Jesus.	195
Aiakosidjig eta wi nanandowiigosiwag.	59
Andji-nigiwin	114
Apitchi egachiing minikan.	75
Awenen awachime neganisid gijigong?	101
Awenen aw anichinabe Ogwissan?	88
Awenen tchi kikenimid, gibatadiiàn?	134
Babaijaiog enigokwag aki.	204
Bagwadakamig ija Jesus.	29
Bechigwadisid ikwe.	133
Beelzebub onijokamagon, ikitowag.	62
Bejig inini Jerusaléming ondji madja.	72
Bejig inini nijinigoban ogwissan.	98
Bejig inini nijiwan ogwissan.	165
Bejig inini organawendaiwen otibinawewisiwin odo- chkinigiman	143
Bemadisid pakwejigan.	84
Binasikawichig kakina kwetagitoieg.	67
Dibaamadiwin odibaaman Jesus.	92
Dibakonigewin ichkwa akiwang.	146
Echkwessing apabiwin namadabin.	94
Elisabeth, Zacharie owidigemaganan.	1
Emmaus ejadjig.	197
Enokidjig jominabokaning.	108
Gabriel obinasikawan k. Marijan.	3

Gegibichenidjin , netagigitossinidjin gaie onodji-	
moan Jesus.	87
Gegibingwed inini Jerichoing.	124
Gegibingwe-nigipan.	136
Geginawichkidjig gegikwedjig.	52
Gego gagwanissagendagwak.	130
Giigwichimowin.	59
Herode anoki tchi nissindwa kwiwissensag. . . .	21
Herode okibakwawan Jean-Baptistan.	31
Ikwewan (Marie Madeleine) obinasikagon Jesus. .	169
Ikwewan onodjimoan , ikwesensan odabitchiibaan	
Jesus.	60
Jawendagoswiwinan.	38
Jawendagwadon ochkinjigoman waiabandang	
waiabandameg.	71
Jean-Baptiste binigi.	7
Jean-Baptiste gagikwe.	24
Jean-Baptiste nondam, endodang Jesus.	66
Jean-Baptiste osigaandawan Jesusan.	28
Jesus binigi Bethleheming.	12
Jesus midasswe achi nijobibonagisi.	22
Jesus odandjinagwiton wiiaw.	91
Jesus odojiton kitchitwa Eucaristiwin.	173
Jesus ogete-omichomissan.	10
Jesus okisibigisidenan enonadjin.	171
Jesus okotagitowin.	168
Jesus owabandamoan wiiaw enonadjin.	200
Jimaganichi-ogima Capharnauming.	54
Joseph , kitchitwa Marie owidigemaganan. . . .	8
Joseph omadjinan Jesusan , ogin gaie , Egypting. .	20
Kakina machkawisiwin nin giminigo.	203

Kekinoamageian kejewadisiian.	111
Ketchi danid inini, Lazare gaie.	106
Kigoian kitchi nibiwa opindaanawan.	37
Kije-Manito ogiininajawan Ogwissan aking. . . .	34
Kijewadisiog, kossiwa eji kijewadisid. . . .	49
Kitchi ganasongewin dibakonigewining. . . .	129
Kitchi ogima wenagindamagod enokitagodjin. . .	102
Kitchi sanagad, awia ketchi danidjin gjigong tchi wi ijad.	112
Kitchi wikkongewin, ka dach biijassiwig. . . .	93
Kitigewinini sagaam.	69
Lazaran odabitchiibaan Jesus.	156
Mamig ninga, nikanissag gaie.	68
Mana	88
Marie Madeleine obinasikawan Jesusan.	80
Marie opindiganan Jesusan anamiewigamigong. .	17
Marthe, Marie gaie.	73
Matchi machkossiw kitiganing.	74
Mawi Jesus ganawabandang Jerusalem.	163
Memangicheian obimomigon Jesus.	167
Meno-ganawenimad manichtanichan.	86
Messitchnidjin ininiwan onodjimoan Jesus. . .	93
Metchi-ijiwebisid mijinawe.	104
Midasswe achi niij Jesus enonadjin.	64
Midasswe ininiwag wemfigidjig.	118
Midasswe ochkinigikwewag.	142
Mij Cœsar, Cœsar debendang.	128
Nagatch kawin ki gawabamissim.	154
Naiming Jesus odabitchiibaan ochkinawen. . .	79
Nandotamog, ki gaminigom.	50
Nandotamog nind ijinikasowining.	166

Nanimidanak ininiwan odachaman Jesus.	82
Nebwakadjig, ininiwag obiodissawan Jesusan.	15
Nij gedibenimigodjin kawin awia odagachkitos- sin tchi, anokitawad.	47
Nij gegibingwenidjin onodjimoan Jesus.	61
Nij ininiwag anamiewigamigong ijawag.	123
Nindaw bibagiwin bagwadakamig.	27
Nindaw mikana.	149
Ningotwak manichtanichag.	97
Nin nasikawa gabiininajood.	152
Niwing midasswak pesindagodjin odachaman Jesus.	90
Nodin, kitchigami gaie odebwetagon Jesus.	57
Nongom Jerusaleming kit ijamin.	124
Noss eji sagiid, mi eji sagiinagog.	131
Ogidibig bimosse Jesus.	116
Ogima ogwissan Capharnauming.	35
Onichkan, odapinan ki nibagan.	58
Osagidjiwebinan Jesus etawenidjin anamiewiga- migong.	163
Pierre ikito : Kakina gego nin ginagadamin.	113
Pierre osigosissan.	55
Saiagiad awia, ogaganawendan nin gagikwewin.	149
Sapariing wendjibad ikwe.	119
Swangideechkawid, Debwewini-Manito.	152
Wagochag wajewag.	56
Wassenamawiiog, mino-ijiwebisiio.	39
Wemiginidjin obiodissigon Jesus.	54
Widigendiwin Canaing Galileing.	32
Wikondiwini-habinsikawagan kawin odagwissin bejig inini.	127
Zacharie, Elisabeth owidigemaganan.	1
Zachée wi wabamad Jesusan.	155

INDEX EVANGELIORUM,

quæ diebus Dominicis, et iis festis, quæ in dioecesibus
Statnum unitorum Americæ de præcepto sunt servanda,
leguntur.

IN USUM MISSIONARIORUM

apud Otawas, Otchipweos, Potewatamos, Manominos et
Algonkinos;
mutatis paucis mutandis.

Pagina.

Dom. I. Adventus legi poterit: Matth.	24, 15-35.	130
Dom. II. Adv. Evangelium... Matth.	11, 2-10.	66
Dom. III. Adv. Joan.	1, 19-28.	27
Dom. IV. Adv. Luc.	3, 1-6.	24
In Nativ. D. N. J. C. Luc.	2, 1-14.	12
— — — — Luc.	2, 15-20.	14
Dom. infr. Oct. Nat. Luc.	2, 33-40.	18
In Circumcis. D. Luc.	2, 21.	14
Dom. infr. Circ. et Epiph. Matth.	2, 13-15.	20
In Festo Epiph. Matth.	2, 1-12.	15
Dom. infr. Oct. Epiph. Luc.	2, 42-52.	22
Dom. II. post Epiph. Joan.	2, 1-11.	32
Dom. III. post Epip. Matth.	8, 1-13.	53
Dom. IV. post Epiph. Matth.	8, 23-27.	57

Dom. V. post Epiph.	Matth.	13, 24-30.	74
Dom. VI. post Epiph.	Matth.	13, 31-35.	75
Dom. Septuagesimæ.	Matth.	20, 1-16.	108
Dom. Sexagesimæ.	Luc.	8, 4-15.	69
Dom. Quinquagesimæ.	Luc.	18, 31-43.	124
Dom. I. Quadrag.	Matth.	4, 1-11.	29
Dom. II. Quadr.	Matth.	17, 1 - 9.	91
Dom. III. Quadr.	Luc.	11, 14-28.	62
Dom. IV. Quadr.	Joan.	6, 1-15.	82
Dom. Passionis.	Joan.	8, 46-59.	134
Dom. Palmarum.	Matth.	21, 1 - 9.	167
— — — — .	Passio D. N. J. C.		168
Dom. Resurrectionis.	Marc.	16, 1 - 7.	194
Fer. II. . . ,	Luc.	24, 13-35.	197
Dom. in Albis.	Joan.	20, 19-31.	201
Dom. II. post Pasch.	Joan.	10, 11-16.	86
Dom. III. post Pasch..	Joan.	16, 16-22.	134
Dom. IV. post Pasch..	Joan.	16, 5-14.	152
Dom. V. post Pasch..	Joan.	16, 23-30.	166
In Ascensione D. N. J. C.	Marc.	16, 14-20.	203
Dom. infr. Oct. Asc.	Joan.	15, 26-16,4.	152
Dom. Pentecostes.	Joan,	14, 23-31.	149
Fer. II.	Joan.	3, 16-21.	34
Dom. SS. Trin.	Matth.	28, 18-20.	203
Item Dom. I. post Pent.	Luc.	6, 36-42.	49
In Festo Corp. Chr.	Joan.	6, 56-59.	86
Dom. infr. Oct. C. C.	Luc.	14, 16-24.	95
Dom. III. post Pent.	Luc.	15, 1-10.	96
Dom. IV.	Luc.	5, 1-11.	36
Dom. V.	Matth.	5, 20-24,	39
Dom. VI.	Marc.	8, 1 - 9.	90

Dom. VII. post Pent.	Matth.	7,	15-21.	52
Dom. VIII.	Luc.	16,	1 - 9.	104
Dom. IX.	Luc.	19,	41-47.	163
Dom. X.	Luc.	18,	9-14.	123
Dom. XI.	Marc.	7,	31-37.	87
Dom. XII.	Luc.	10,	23-37.	71
Dom. XIII.	Luc.	17,	11-19,	117
Dom. XIV.	Matth.	6,	24-33.	47
Dom. XV.	Luc.	7,	11-16.	79
Dom. XVI.	Luc.	14.	1-11.	93
Dom. XVII.	Matth.	22,	35-46.	128
Dom. XVIII.	Matth.	9.	1 - 8.	57
Dom. XIX.	Matth.	22,	1 - 14.	125
Dom. XX.	Joan.	4,	46-53.	35
Dom. XXI.	Matth.	18,	23-35.	102
Dom. XXII.	Matth.	22,	15-21.	127
Dom. XXIII.	Matth.	9,	18 - 26.	60
Dom. XXIV.	Matth.	24,	15-35.	130
In Festo Annunt. B. M. V.	Luc.	1,	26-38.	3
In Festo Assumpt. B. M. V.	Luc.	10,	38-42.	73
In Festo Sanct. Omnium..	Matth.	5,	1 - 12.	38

$u, f, v, r, \ell, \alpha, \beta$

Spanier 9234

200

